



რატონა

გდიდრდუბიან

სხვეპი



რატომ მდიდრდებიან სხვები

თბილისი
ლაშა ხურციძე

წინასიტყვაობა

შესაძლოა, მთელი ცხოვრება არასწორ კითხვაზე ეძებდი სწორ პასუხს.

ბავშვობიდან ერთსა და იმავე კითხვას გვასწავლიან.

"რა უნდა ისწავლო, რომ კარგი სამსახური იშოვო?"

არავინ გვეკითხება:

"რა უნდა ისწავლო, რომ შენი შემოსავალი შენზე იყოს დამოკიდებული და არა დამსაქმებელზე?"

გვეუბნებიან:

- ისწავლე.
- მიიღე დიპლომი.
- იპოვე სამსახური.
- იმუშავე.
- დაწინაურდი.

და ერთ დღეს ყველაფერი კარგად იქნება. ეს ლამაზად ჟღერს, მაგრამ ცხოვრება ყოველთვის ასე არ მუშაობს.

წლების განმავლობაში კითხვები არ მასვენებდა.

- რატომ ცხოვრობს ორი ჭკვიანი, პატიოსანი და შრომისმოყვარე ადამიანი სრულიად განსხვავებული ცხოვრებით?
- რატომ შეუძლია ერთს ოცნებების ასრულება, მეორეს კი მხოლოდ გადარჩენისთვის ბრძოლა?
- რატომ გამოიმუშავენს ერთი თვეში ათჯერ მეტს, ვიდრე მეორე, მაშინ როცა ორივეს დღე მხოლოდ ოცდაოთხი საათისგან შედგება?

თავიდან პასუხს იღბალში ვეძებდი.

- მერე განათლებაში.
- მერე გამოცდილებაში.
- მერე ნაცნობებში.

მაგრამ რაც უფრო მეტ ადამიანს ვხვდებოდი, მით უფრო ვრწმუნდებოდი, რომ პასუხი არც ერთ მათგანში არ იყო.

ვნახე ადამიანები, რომლებსაც სამი დიპლომი ჰქონდათ და მაინც ფინანსურად უჭირდათ.

ვნახე ადამიანები, რომლებსაც უნივერსიტეტში არც ერთი დღე არ უსწავლიათ, მაგრამ მათ მიერ შექმნილ ღირებულებაში ბაზარი მილიონებს იხდიდა.

მაშინ საკუთარ თავს კითხვა დავუსვი.

თუ ფულს არც დიპლომი შოულობს, არც შრომა და არც იღბალი...

მაშინ რა შოულობს?

ამ კითხვაზე პასუხის ძებნას წლები მოვანდომე. ვასაუბრებოდი...

- მეწარმეებს.
- ექიმებს.
- გაყიდვების სპეციალისტებს.
- მძღოლებს.
- ხელოსნებს.
- პროგრამისტებს.

ადამიანებს, რომლებიც თითქმის არაფრიდან ქმნიდნენ დიდ შემოსავალს და ადამიანებს, რომლებიც უზარმაზარი პოტენციალის მიუხედავად, ერთ ადგილას იდგნენ.

რაც უფრო მეტ ისტორიას ვისმენდი, მით უფრო ნათელი ხდებოდა ერთი რამ.

ფული ადამიანთან შემთხვევით არ მიდის.

- მას თავისი კანონები აქვს.
- ბაზარსაც თავისი კანონები აქვს.
- ადამიანის გადაწყვეტილებებსაც.

და როცა ეს სამი ერთმანეთს ემთხვევა...

ჩნდება შედეგი, რომელსაც სხვები ხშირად იღბალს ეძახიან.

ეს წიგნი სწრაფი გამდიდრების სახელმძღვანელო არ არის.

აქ ვერ იპოვი ჯადოსნურ ფორმულას.

ვერ წაიკითხავ, როგორ იშოვო მილიონი შვიდ დღეში.

სამაგიეროდ, აქ შეხვდები კითხვებს, რომლებმაც ჩემი ცხოვრება შეცვალა.

შესაძლოა, ზოგმა მათგანმა გაგაბრაზოს.

ზოგმა კომფორტი დაგინგრიოს.

ზოგმა კი ისეთი პასუხი გაგაცემინოს საკუთარ თავზე, რომლის მოსმენაც აქამდე არ გინდოდა.

მაგრამ თუ ბოლომდე წამომყვები...

ერთი რამ აუცილებლად შეიცვლება.

შესაძლოა, შენი შემოსავალი არა ხვალ...

არა ერთ კვირაში...

მაგრამ შეიცვლება ის ადამიანი, რომელიც ამ შემოსავალს ქმნის.

და სწორედ აქ იწყება ყველაფერი.

სანამ შემდეგ გვერდზე გადახვალ, მხოლოდ ერთ კითხვას დაგიტოვებ.

თუ ხვალ დილით ყველაფერს დაკარგავ - ფულს, სამსახურს, კავშირებს და სტატუსს, რამდენ ხანში შეძლებ ყველაფრის თავიდან შექმნას?

თუ პასუხი არ იცი...

მაშინ ეს წიგნი სწორედ შენთვის დაიწერა.

ბავშვობიდან გვასწავლიან, რომ წარმატების ფორმულა მარტივია:

- სკოლა.
- უნივერსიტეტი.
- დიპლომი.
- სამსახური.

წლების განმავლობაში მეც მჯეროდა, რომ ცოდნას მხოლოდ აუდიტორიაში იღებენ და წარმატების უფლება მხოლოდ მათ აქვთ, ვისაც კედელზე ჩამოკიდებული დიპლომი ამშვენებს.

მაგრამ ცხოვრებამ სხვა რამე მასწავლა.

ვნახე ადამიანები, რომლებსაც რამდენიმე დიპლომი ჰქონდათ და მაინც ფინანსურად უჭირდათ.

ვნახე ადამიანები, რომლებსაც უნივერსიტეტის კარი არც კი შეუღიათ, მაგრამ საკუთარი შრომით, წიგნებითა და თვითგანვითარებით შექმნეს ბიზნესი, დაეუფლნენ პროფესიას და მიაღწიეს ფინანსურ თავისუფლებას.

ამ წიგნის მიზანი განათლების წინააღმდეგ ბრძოლა არ არის. პირიქით. განათლება მნიშვნელოვანია. მაგრამ მინდა გაჩვენო, რომ განათლება და დიპლომი ერთი და იგივე არ არის.

დიპლომი შეიძლება გქონდეს და განათლებული არ იყო. შეიძლება დიპლომი არ გქონდეს და ყოველდღე სწავლობდე.

დღეს ინფორმაცია ყველასთვის ხელმისაწვდომია. წიგნები, აუდიოწიგნები, კურსები, ინტერნეტი - ყველაფერი ხელის გაწვდენაზეა.

- შეგიძლია დაეუფლო პროფესიას.
- შეგიძლია ისწავლო ხელობა.
- შეგიძლია გახდე სპეციალისტი.
- შეგიძლია იშოვო ფული.

რამდენ ფულს იშოვი?

ამ კითხვაზე პასუხი არც უნივერსიტეტმა იცის და არც დიპლომმა.

ეს უკვე შენზეა დამოკიდებული.

- შენს შრომაზე.
- შენს დისციპლინაზე.
- შენს პასუხისმგებლობაზე.

და რაც მთავარია - იმ უნარზე, რომელიც თითქმის ყველა პროფესიაში წარმატებას განსაზღვრავს. ამიტომ სანამ ფულზე, პროფესიებსა და შესაძლებლობებზე ვისაუბრებთ, ჯერ ერთ კითხვას უნდა გავცეთ პასუხი:

რა გვაერთიანებს?

შეიძლება ასაკით განსხვავდებოდეთ, შეიძლება სხვადასხვა ქვეყანაში ვცხოვრობდეთ, შეიძლება განსხვავებული პროფესია, განათლება, შემოსავალი ან ცხოვრების წესი გქონდეს.

შეიძლება შენ ექიმი იყო, მე - გაყიდვები. ვიღაც სხვა - მძღოლი, პროგრამისტი ან მეწარმე, მაგრამ არის რაღაც, რაც თითქმის ყველას გვაერთიანებს.

- ყველას გვინდა უკეთესი ცხოვრება.
- ყველას გვინდა მეტი თავისუფლება.
- ყველას გვინდა ჩვენი ოჯახის უსაფრთხოება.
- ყველას გვინდა, რომ ერთ დღეს უკან გავიხედოთ და ვთქვათ: „ღირდა.“

ზოგი ამას ფულით ეძებს.

ზოგი - კარიერით.

ზოგი - ბიზნესით.

ზოგი - აღიარებით.

მაგრამ საბოლოოდ, თითქმის ყველა ჩვენი გადაწყვეტილების უკან ერთი სურვილი დგას - გვინდა ისეთი ცხოვრება, რომელიც დღეს არ გვაქვს. ამიტომ დილით ვდგებით, ამიტომ ვმუშაობთ, ამიტომ ვსწავლობთ, ამიტომ ვრისკავთ, ამიტომ ვკითხულობთ ამ წიგნსაც.

შეიძლება ახლა ფიქრობდე, რომ შენ და მე ერთმანეთისგან ძალიან განსხვავებულები ვართ, მაგრამ თუ ამ წიგნს კითხულობ, ერთი საერთო უკვე ნამდვილად გვაქვს:

არც შენ და არც მე არ გვაკმაყოფილებს მხოლოდ არსებობა.

- ჩვენ გვინდა ზრდა.
- გვინდა მეტი.

და მზად ვართ ამისთვის რაღაც ფასი გადავიხადოთ.

ფასს ყველა იხდის. უბრალოდ ყველა ერთნაირი ვალუტით არ იხდის.

- ზოგი ფულით იხდის.
- ზოგი დროით.

- ზოგი კი საკუთარი ჯანმრთელობით.

არსებობენ ადამიანები, რომლებიც ფულის დაზოგვის მიზნით წლებს კარგავენ. ფიქრობენ, რომ ერთ დღეს დაიწყებენ, ერთ დღეს ისწავლიან, ერთ დღეს გაბედავენ, ერთ დღეს უკეთეს ცხოვრებას შექმნიან. მაგრამ ხშირად ეს „ერთი დღე“ არასოდეს დგება.

არსებობენ ადამიანები, რომლებიც დროს ზოგავენ და ფულს იხდიან.

- ყიდულობენ წიგნებს.
- სწავლობენ სხვების გამოცდილებაზე.

იხდიან ცოდნაში, რათა წლების განმავლობაში იგივე შეცდომების გამეორება არ მოუწიოთ და არსებობენ ისეთებიც, რომლებიც ფულსაც არ იხდიან, დროსაც არ იმეტებენ, მაგრამ ბოლოს ყველაზე ძვირს - ჯანმრთელობას იხდიან.

მუშაობენ საქმეში, რომელიც სძულთ.

ცხოვრობენ მუდმივ სტრესში.

ყოველ დილით იღვიძებენ იმ განცდით, რომ საკუთარ ცხოვრებას არ მართავენ.

წლები გადის.

- ფული შეიძლება დაბრუნდეს.
- დრო - ვერასოდეს.
- ჯანმრთელობა - ყოველთვის არა.

ამიტომ კითხვა არასოდეს არის: გადავიხადო თუ არა ფასი?

კითხვა ყოველთვის ერთია: რომელი ვალუტით გადავიხდი?

და სწორედ ამიტომ დავიწყე საუბარი ვალუტაზე, რადგან მოგვწონს ეს თუ არა, დღეს ისეთ სისტემაში ვცხოვრობთ, სადაც თითქმის ყველაფერს ფასი აქვს.

- სწავლა ფასიანია.
- ჯანმრთელობა ფასიანია.
- კვება ფასიანია.
- საცხოვრებელი ფასიანია.
- თავისუფლებასაც კი ფასი აქვს.

ფულის შოვნის სურვილი ხშირად ადამიანებს ზედაპირულად ესმით, თითქოს ეს მხოლოდ სიხარბესთან იყოს დაკავშირებული.

სინამდვილეში, უმეტესობა ფულის გამო კი არ მუშაობს, არამედ იმისთვის, რასაც ფული აძლევს.

- უსაფრთხოებისთვის.
- არჩევანის თავისუფლებისთვის.
- ოჯახისთვის.
- მშვიდი ძილისთვის.

ახლა შეიძლება ჩემს სიტყვებზე გაიღიმო, მაგრამ მოდი გულწრფელები ვიყო.

ეს წიგნიც, რომელსაც ახლა კითხულობ, ალბათ იმიტომ არ აგიდია ხელში, რომ თავისუფალი დრო გაგეყვანა. შენ მასში რაღაცას ეძებ.

- ცოდნას.
- იდეას.
- გზას.
- უნარს.

რაღაცას, რაც მომავალში დაგეხმარება მეტი გამოიმუშაო, უკეთ იცხოვრო ან ნაკლები შეცდომა დაუშვა. ამ წიგნიც გადაიხადე ფული და იმედი გაქვს, რომ ეს ფული ცოდნაში გადაიქცევა. ცოდნა კი შედეგში. შედეგი კი უკეთეს ცხოვრებაში. ამაში ცუდი არაფერია. პირიქით. ეს არის ინვესტიცია. სინამდვილეში, მთელი ცხოვრება ერთ დიდ გაცვლას ჰგავს. ჩვენ ვცვლით:

- დროს ცოდნაში.
- ცოდნას უნარში.
- უნარს ღირებულებაში.
- ღირებულებას კი ფულში.

და სწორედ აქ იწყება ყველაზე მნიშვნელოვანი კითხვა:

თუ ფული ასეთი მნიშვნელოვანი ინსტრუმენტია, მაშინ რა არის ის უნარი, რომელიც თითქმის ნებისმიერ ადამიანს აძლევს ფულის გამომუშავების შესაძლებლობას?

ჩემი აზრით, ეს უნარი გაყიდვებია.

სანამ ამ სიტყვაზე თვალებს გადაატრიალებ და იტყვი: კი მაგრამ, მე გამყიდველი არ ვარ, ერთი წუთით შემომყევი.

წარმოიდგინე, რომ საუკეთესო ექიმი ხარ. შენი საქმის პროფესიონალი. წლები ისწავლე, გამოცდილება დააგროვე, შედეგებიც გაქვს, მაგრამ თუ ადამიანებს ვერ აუხსნი, რატომ უნდა განდონ საკუთარი ჯანმრთელობა შენ, შენი ცოდნის დიდი ნაწილი გამოუყენებელი დარჩება.

ახლა სხვა მაგალითი ავიღოთ.

შეგიძლია იყო საუკეთესო ხელოსანი. იდეალურად აკეთებდე შენს საქმეს, მაგრამ თუ ვერ შეძლებ ადამიანისთვის იმის ჩვენებას, თუ რატომ ღირს შენს მომსახურებაში ფულის გადახდა, შენზე ნაკლები ცოდნის მქონე ადამიანი უფრო მეტ ფულს გამოიმუშავებს.

რატომ?

იმიტომ, რომ მან გაყიდვა იცის.

წლების განმავლობაში ერთი საინტერესო რამ შევამჩნიე. ადამიანები ფიქრობენ, რომ ფულს პროფესია შოულობს. მე კი სულ უფრო მეტად ვრწმუნდებოდი, რომ ფულს პროფესია კი არა, ღირებულება შოულობს. ღირებულებას კი მხოლოდ მაშინ აქვს ფასი, როცა ვიღაც მის არსებობას ხედავს და აი, სწორედ აქ ჩნდება გაყიდვა.

- გაყიდვა არ არის მოტყუება.
- გაყიდვა არ არის ზეწოლა.
- გაყიდვა არ არის ადამიანის იძულება.

გაყიდვა არის უნარი, ადამიანს დაანახო ღირებულება. სინამდვილეში, მთელი ეკონომიკა ამაზე დგას.

- როდესაც მაღაზიაში შედიხარ - ვიღაც მოგყიდის,
- როდესაც სამსახურში გასაუბრებაზე მიდიხარ - საკუთარ თავს ყიდი.
- როდესაც პარტნიორს არწმუნებ, რომ იდეა კარგია - იდეას ყიდი.
- როდესაც შვილს უხსნი, რატომ უნდა ისწავლოს - აზრს ყიდი.
- როდესაც წიგნს წერ - შენს გამოცდილებას ყიდი.

და რაც უფრო მეტ ადამიანს შეუძლია ღირებულების შექმნა და მისი სწორად წარდგენა, მით უფრო მეტ ფულს გამოიმუშავებს. შეიძლება არ დამეთანხმო, მაგრამ მე დღეს ასე ვფიქრობ:

ყველა ადამიანი გაყიდვებშია.

უბრალოდ ზოგი ამას აცნობიერებს.

ზოგი - არა.


და ყველაზე დიდი უსამართლობა ის არის, რომ სკოლაში გვასწავლიან ტრიგონომეტრიას, ქიმიურ ფორმულებს, ისტორიულ თარიღებს, მაგრამ თითქმის არაფერს გვეუბნებიან იმ უნარზე, რომელსაც მთელი ცხოვრების განმავლობაში ვიყენებთ.

- არ გვასწავლიან როგორ შევქმნათ ღირებულება.
- არ გვასწავლიან როგორ დავარწმუნოთ ადამიანები.
- არ გვასწავლიან როგორ ვიშოვოთ ფული.

შემდეგ კი გვიკვირს, რატომ ამთავრებს უამრავი ადამიანი უნივერსიტეტს და მაინც არ იცის, როგორ შექმნას შემოსავალი.

იქნებ პრობლემა იმაში კი არ არის, რომ ადამიანები ზარმაცები არიან.

იქნებ პრობლემა ის არის, რომ მათ მთელი ცხოვრება არასწორ კითხვებზე პასუხებს ასწავლიდნენ.



მაშინ ჩნდება შემდეგი კითხვა:

თუ გაყიდვები ასეთი მნიშვნელოვანი უნარია, შესაძლებელია კი მისი სწავლა?

რა თქმა უნდა, შესაძლებელია.

უფრო მეტსაც გეტყვი.

ჩემი აზრით, გაყიდვები ერთ-ერთი ყველაზე მარტივი სასწავლო უნარია, თუ ადამიანს ნამდვილად უნდა სწავლა.

პრობლემა ის არის, რომ ადამიანების უმეტესობას გაყიდვები არასწორად ესმის.

ფიქრობენ, რომ ეს ნიჭია, რომ ან გაქვს, ან არ გაქვს, რომ ზოგი ადამიანი უბრალოდ იბადება კომუნიკაბელური, თავდაჯერებული და დამაჯერებელი.

წლების განმავლობაში მეც ასე ვფიქრობდი, მერე კი ასობით გამყიდველი ვნახე.

- ზოგი ძალიან ჭკვიანი იყო და მაინც ვერ ყიდდა.
- ზოგი მორცხვი იყო და საუკეთესო შედეგებსღებდა.
- ზოგი ლამაზად ლაპარაკობდა, მაგრამ კლიენტს ვერ არწმუნებდა.
- ზოგი კი ორ სიტყვას ძლივს აბამდა ერთმანეთს და მაინც მილიონებს აკეთებდა.

მაშინ მივხვდი, რომ გაყიდვები არც ენის მოჩლექვას და არც ლაპარაკის ნიჭი.

გაყიდვები ადამიანის გაგებაა.

მისი სურვილების.

მისი შიშების.

მისი პრობლემების.

და რაც მთავარია - მისი გადაწყვეტილებების.

ადამიანები ხშირად ფიქრობენ, რომ ყიდულობენ პროდუქტს.

სინამდვილეში, ისინი პრობლემის გადაწყვეტას ყიდულობენ.

ადამიანი ბურღს არ ყიდულობს - ხვრელს ყიდულობს.

ადამიანი ავტომობილს არ ყიდულობს - კომფორტს, სტატუსს ან თავისუფლებას ყიდულობს.

ადამიანი წიგნს არ ყიდულობს - იმედს ყიდულობს, რომ ამ წიგნის შემდეგ რაღაც შეიცვლება.

და როდესაც ამას გაიგებ, გაყიდვების სწავლა იწყება, არა პროდუქტის დაზეპირებით, არა სკრიპტებით, არა ლამაზი ფრაზებით, არამედ ადამიანების შესწავლით.

ამიტომ როდესაც მეუბნებიან:

ლაშა, როგორ გავხდე კარგი გამყიდველი?

პირველი პასუხი ყოველთვის ერთია:

შეწყვიტე გაყიდვების სწავლა და დაიწყე ადამიანების სწავლა.

რადგან საბოლოოდ ყველა ბიზნესი, ყველა პროფესია და ყველა შემოსავალი ერთ რამეზე დგას. ადამიანებზე.

და ვინც ადამიანებს უკეთესად გაიგებს, თითქმის ყოველთვის მეტ ფულს გამოიმუშავებს, მაგრამ აქ კიდევ ერთი პრობლემა ჩნდება.

თუ გაყიდვები ასეთი მნიშვნელოვანია, მაშინ რატომ ვერ ყიდიან საკუთარ თავს ყველაზე ხშირად სწორედ ის ადამიანები, რომლებსაც ყველაზე მეტი ცოდნა აქვთ?

ჩემი აზრით, ამის მიზეზი ძალიან მარტივია.

ცოდნა თავისთავად არ ქმნის ღირებულებას.

ღირებულებას ქმნის ცოდნის გამოყენება.

სამყარო სავსეა ჭკვიანი ადამიანებით, რომლებიც საკუთარ პოტენციალზე ნაკლებს გამოიმუშავებენ. სავსეა ადამიანებით, რომლებმაც ათობით წიგნი წაიკითხეს, ათასობით საათი ისწავლეს, რამდენიმე დიპლომიც კი აიღეს, მაგრამ როცა საკუთარი თავის წარდგენის დრო ღვება:

- ჩუმდებიან.
- ეშინიათ.
- ეჭვი ეპარებათ.

ფიქრობენ, რომ ჯერ საკმარისად კარგები არ არიან და სწორედ აქ იგებენ მათზე ნაკლები ცოდნის მქონე ადამიანები. იმიტომ, რომ მოქმედებენ.

წლების განმავლობაში უამრავ ადამიანს შევხვედრივარ. ზოგს ჩემზე მეტი ცოდნა ჰქონდა. ზოგს ჩემზე მეტი გამოცდილება. ზოგს ჩემზე მაღალი IQ, მაგრამ საბოლოოდ მათზე მეტი ფული ხშირად სხვებს მიჰქონდათ.

რატომ?

იმიტომ, რომ ბაზარი ცოდნას არ აჯილდოებს. ბაზარი ღირებულებას აჯილდოებს. ღირებულებას კი მხოლოდ მაშინ აქვს ფასი, როცა ადამიანებამდე აღწევს.

შეგიძლია მსოფლიოში საუკეთესო პროდუქტი შექმნა. თუ მის შესახებ არავინ იცის, შედეგი ნულის ტოლი იქნება. შეგიძლია საუკეთესო სპეციალისტი იყო. თუ ვერავინ ხვდება, რამდენად კარგი ხარ, შემოსავალიც შესაბამისი იქნება. ამიტომ ყოველთვის მედიმება, როცა ვინმე ამბობს:

მთავარია, კარგი იყო და ხალხი თავისით მოვა.

არა.

იშვიათად მოდის. მსოფლიო ასე არ მუშაობს. შეიძლება ეს უსამართლოდ ჟღერდეს, მაგრამ სიმართლეა. მნიშვნელობა აქვს არა მხოლოდ იმას, რას წარმოადგენ, არამედ იმასაც, რამდენად კარგად შეგიძლია ამის ჩვენება. სწორედ ამიტომ არის, რომ ბევრი

ადამიანი მთელი ცხოვრება შრომობს, მაგრამ ვერ აღწევს იმ შედეგს, რომელსაც იმსახურებს. მათ ცოდნის პრობლემა არ აქვთ.

- ხილვადობის პრობლემა აქვთ.
- კომუნიკაციის პრობლემა აქვთ.
- გაყიდვების პრობლემა აქვთ.

და რაც უფრო ვაკვირდებით ამ ყველაფერს, მით უფრო მეტად ვრწმუნდებით ერთ რამეში:

ფული თითქმის არასოდეს მოდის მხოლოდ შრომისგან. ფული მოდის მაშინ, როდესაც შრომა, ღირებულება და გაყიდვა ერთმანეთს ხვდება.

აი, მაშინ იწყება ზრდა.

მაშინ ჩნდება შემოსავალი.

მაშინ იწყება ის ცხოვრება, რომელზეც ადამიანები წლების განმავლობაში მხოლოდ ოცნებობენ, მაგრამ თუ ეს ყველაფერი ასეა, მაშინ რატომ სძულს ამდენ ადამიანს სიტყვა „გაყიდვები“?

ჩემი აზრით, ადამიანები გაყიდვებს იმიტომ ვერ იტანენ, რომ წლების განმავლობაში გაყიდვები არასწორ ადამიანებთან დააკავშირეს. როდესაც სიტყვა „გაყიდვები“ გვესმის, ბევრს თვალწინ წარმოუდგება ადამიანი, რომელიც ცდილობს რაღაც მოგვახვიოს თავს. გვახსენდება ზარები, რომლებიც არ გვაინტერესებს. შეტყობინებები, რომლებიც არ წაგვიკითხავს. გამყიდველები, რომლებიც მხოლოდ საკუთარ ინტერესზე ფიქრობდნენ და ნელ-ნელა გაყიდვებმა ცუდი რეპუტაცია შეიძინა.

მაგრამ პრობლემა გაყიდვებში არასოდეს ყოფილა.

პრობლემა ადამიანებში იყო.

- დანა ქირურგის ხელში სიცოცხლეს იხსნის.
- ღამნაშავის ხელში - სიცოცხლეს ართმევს.

ინსტრუმენტი იგივეა. განსხვავება მომხმარებელშია.

იგივე ხდება გაყიდვებშიც.

კარგი გამყიდველი არ ცდილობს მოგატყუოს. კარგი გამყიდველი გეხმარება გადაწყვეტილების მიღებაში.

ცუდი გამყიდველი მხოლოდ საკუთარ საკომისიოზე ფიქრობს. კარგი გამყიდველი - შენს შედეგზე.

სწორედ ამიტომ არის, რომ ზოგიერთ ადამიანს მთელი ცხოვრება ახსოვს ერთი კონკრეტული ექიმი, მასწავლებელი ან კონსულტანტი.

არა იმიტომ, რომ რამე მიჰყიდა.

არამედ იმიტომ, რომ დაეხმარა.

ერთ დღეს მივხვდი, რომ საუკეთესო გაყიდვა მაშინ ხდება, როდესაც ადამიანი გაყიდვას საერთოდ ვერ ამჩნევს.

- როდესაც გრძნობს, რომ მოუსმინეს.
- როდესაც გრძნობს, რომ გაუგეს.
- როდესაც ხვდება, რომ მის პრობლემაზე ფიქრობენ.

და არა საკუთარ მოგებაზე. აი, სწორედ აქ იქცევა გაყიდვა მომსახურებად და მომსახურება - ნდობად.

ნდობა კი ის ვალუტაა, რომლის გარეშეც არც ერთი დიდი ბიზნესი არ შენდება. შეგიძლია ერთჯერადად მოატყუო ადამიანი. შეგიძლია ერთჯერადად გაყიდო. მაგრამ ნდობის გარეშე ვერასოდეს ააშენებ იმას, რასაც წარმატებულ კარიერას ან ბიზნესს ეძახიან.

ამიტომ, თუ მკითხავ, რა არის გაყიდვების მთავარი საიდუმლო, პასუხი ძალიან მოკლე იქნება:

ადამიანები არ ყიდულობენ პროდუქტს ან სერვისს, ადამიანები ყიდულობენ ნდობას.

და სწორედ აქ იწყება ყველაფერი.

- ფული.
- კარიერა.
- ბიზნესი.
- ურთიერთობები.
- ლიდერობა.

ყველაფერი ნდობაზე დგას და თუ ნდობა ასეთი მნიშვნელოვანია, მაშინ როგორ იბადება ის? რატომ ენდობა ადამიანი ერთს და არ ენდობა მეორეს?

ჩემი აზრით, ნდობა მაშინ იბადება, როდესაც სიტყვები და ქმედებები ერთმანეთს ემთხვევა. ადამიანები იმაზე გაცილებით ჭკვიანები არიან, ვიდრე გვგონია. შეიძლება ყველაფერი ვერ გაიგონ. შეიძლება ყველა დეტალი არ იცოდნენ, მაგრამ თითქმის ყოველთვის გრძნობენ, როდესაც ვიღაც არაგულწრფელია. გრძნობენ, როდესაც მხოლოდ გაყიდვა აინტერესებს. გრძნობენ, როდესაც მხოლოდ ფულისთვის ესაუბრები და ზუსტად ისევე გრძნობენ, როდესაც მართლა ცდილობ მათ დახმარებას.

სწორედ ამიტომ არის, რომ ზოგი ადამიანი ოთახში შემოსვლისთანავე ნდობას იწვევს. ზოგი კი საათობით ლაპარაკობს და მაინც ვერ ახერხებს ადამიანების დარწმუნებას.

- საქმე სიტყვებში არ არის.
- საქმე განზრახვაშია.

წლების განმავლობაში უამრავ მოლაპარაკებაში მიმიღია მონაწილეობა.

- ზოგჯერ პროდუქტი საუკეთესო არ მქონდა.
- ზოგჯერ ფასიც საუკეთესო არ იყო.
- ზოგჯერ კონკურენტს უკეთესი პირობებიც ჰქონდა.

მაგრამ ადამიანები მაინც ჩემთან რჩებოდნენ.

რატომ?

იმიტომ, რომ საბოლოოდ ადამიანები ყოველთვის საუკეთესო ფასს არ ირჩევენ. ისინი ირჩევენ იმას, ვისაც ენდობიან და ეს ეხება არა მხოლოდ ბიზნესს. ეს ეხება ცხოვრებასაც.

- როდესაც მეგობარს საიდუმლოს უყვები, რას ყიდულობ? ნდობას.
- როდესაც ექიმს ჯანმრთელობას ანდობ, რას ყიდულობ? ნდობას.
- როდესაც თანამშრომელს საქმეს აბარებ, რას ყიდულობ? ნდობას.
- როდესაც კლიენტი ფულს გიხდის, რას ყიდულობს? ნდობას.

ამიტომაც არის, რომ ნდობა ყველაზე ძვირად ღირებული აქტივია, რომლის ფლობაც ადამიანს შეუძლია. მისი აშენებისთვის წლები გჭირდება. დაკარგვა კი - რამდენიმე წუთში შეგიძლია და აქ არის კიდევ ერთი საინტერესო რამ. ნდობა ყოველთვის სიმართლით არ იწყება. ნდობა ხშირად კომპეტენციით იწყება. ადამიანმა ჯერ უნდა იფიქროს: „ამ ადამიანს ესმის, რას ლაპარაკობს“ და მხოლოდ ამის შემდეგ იწყებს ფიქრს: „შეიძლება ვენდო კიდევ“ ამიტომ, თუ ფულის შოვნა გინდა, მხოლოდ პატიოსნება არ არის საკმარისი. მხოლოდ კარგი ადამიანობაც არ არის საკმარისი. მხოლოდ შრომაც არ არის საკმარისი. უნდა გახდეს ისეთი კარგი შენს საქმეში, რომ ადამიანებს შენს კომპეტენციაში ეჭვი აღარ ეპარებოდეთ, რადგან ნდობის პირველი საფეხური სიმპათია არ არის. ნდობის პირველი საფეხური პროფესიონალიზმია და სწორედ აქ ვუბრუნდებით ისევ იმ კითხვას, რომლითაც ეს თავი დავიწყეთ.

თუ ღიპლომი არ არის წარმატების მთავარი გარანტია, მაშინ რა არის? ჩემი პასუხი მარტივია: უნარი.

- უნარი შექმნა ღირებულება.
- უნარი ისწავლო.
- უნარი მოერგო.

- უნარი იურთიერთო.
- უნარი გაყიდო.

და რაც უფრო მეტ ასეთ უნარს აგროვებს ადამიანი, მით უფრო ნაკლებად ხდება მისი მომავალი დამოკიდებული დიპლომზე, დამსაქმებელზე ან გარემოებებზე.

მაგრამ აქ ერთი საფრთხეც არსებობს.

როდესაც ადამიანი პირველად ხვდება, რომ ფულის შოვნა შეუძლია, ხშირად ჰგონია, რომ მიზანს უკვე მიაღწია. მეც ასე ვფიქრობდი. მეგონა, რომ პრობლემა მხოლოდ ფულის არქონა იყო. მეგონა, რომ როგორც კი მეტ ფულს ვიმოვიდი, ყველაფერი თავის ადგილას დადგებოდა, მაგრამ ცხოვრება უფრო რთული აღმოჩნდა. ფულმა ბევრი პრობლემა მომიგვარა, მაგრამ ბევრი ახალი პრობლემაც მოიტანა. მივხვდი, რომ ფული ძალიან ჰგავს გამადიდებელ შუმას.

- თუ დისციპლინა არ გაქვს, ამასაც გაადიდებს.
- თუ ხასიათის პრობლემები გაქვს, ამასაც გამოაჩენს.
- თუ ეგო მართავს შენს ცხოვრებას, ფული ეგოს კიდევ უფრო გააძლიერებს.
- თუ მიზანი არ გაქვს, დიდი შანსია, რომ ბევრი ფულიც კი სიცარიელის შეგრძნებას ვერ მოგაშორებს.

სწორედ აქ უშვებს ბევრი ადამიანი შეცდომას. ისინი ფულს მიზნად აქცევენ. არადა ფული მიზანი არასოდეს არის. ფული ინსტრუმენტია. ჩაქუჩივით, მანქანასავით, კომპიუტერივით. ფული მხოლოდ აძლიერებს იმას, ვინც უკვე ხარ. ამიტომ, როდესაც მეკითხებიან:

„რა მინდა, რომ ამ წიგნიდან დაიმახსოვრონ? “

პასუხი ყოველთვის ერთი მაქვს.

- ისწავლე ფულის შოვნა.
- ისწავლე ღირებულების შექმნა.
- ისწავლე გაყიდვები.
- ისწავლე პროფესია.

მაგრამ არასოდეს დაგავიწყდეს, რატომ აკეთებ ამას. რადგან ადამიანმა, რომელმაც იცის როგორ იშოვოს ფული, ძლიერია. ხოლო ადამიანმა, რომელმაც იცის რატომ შოულობს ფულს, გაცილებით ძლიერია.

სწორედ ამიტომ მინდა ახლა შენ ერთი კითხვა დაგისვა. კითხვა, რომელმაც ჩემი ცხოვრება შეცვალა.

თუ ხვალ დილით გაიღვიძებ და შენს ანგარიშზე იმდენი ფული დაგხვდება, რომ სიცოცხლის ბოლომდე გეყოს, რას გააკეთებ? დაფიქრდი...

- იმუშავებ?
- ისწავლი?
- რამეს შექმნი?
- ვინმეს დაეხმარები?
- თუ უბრალოდ არსებობას გააგრძელებ?

ამ კითხვაზე პასუხი ხშირად უფრო მეტს ამბობს ადამიანზე, ვიდრე მისი შემოსავალი, პროფესია ან დიპლომი, რადგან საბოლოოდ წარმატება ფულის რაოდენობით არ იზომება. წარმატება იმით იზომება, გაქვს თუ არა მიზეზი, დილით საწოლიდან რატომ უნდა ადგე და თუ ეს მიზეზი იპოვე, მაშინ ფულიც, კარიერაც და შესაძლებლობებიც ბევრად უფრო სწრაფად მოდის შენს ცხოვრებაში.

და აქ კიდევ ერთი სიმართლეა, რომელზეც იშვიათად საუბრობენ. ფულს შეუძლია გაგაფუჭოს. ვიცი, ეს უცნაურად ჟღერს. განსაკუთრებით მაშინ, როდესაც მთელი თავი იმის მტკიცებაში გავატარე, რომ ფულის შოვნა მნიშვნელოვანი უნარია.

მაგრამ სიმართლე ის არის, რომ ფული ადამიანს არ ცვლის. ფული აჩენს იმას, რაც ისედაც იყო მასში.

- თუ ადამიანი თავმდაბალია, ფული მეტ შესაძლებლობას მისცემს სიკეთის გასაკეთებლად.
- თუ ადამიანი ეგოისტია, ფული მის ეგოს კიდევ უფრო გამოკვებავს.
- თუ ადამიანი პასუხისმგებელიანია, ფული მეტ პასუხისმგებლობას დააკისრებს.
- თუ ადამიანი უპასუხისმგებლოა, ფული უფრო სწრაფად დაანგრევს.

ბევრი ფიქრობს, რომ პრობლემა ფულია.

არა!

პრობლემა ყოველთვის ადამიანი იყო. ფული უბრალოდ აძლიერებს იმას, რაც უკვე არსებობს. მინახავს ადამიანები, რომლებმაც პირველი დიდი ფულის შოვნის შემდეგ:

- მეგობრები დაკარგეს.
- ოჯახები დაკარგეს.
- საკუთარი თავიც კი დაკარგეს.

მინახავს ადამიანები, რომლებსაც ეგონათ, რომ ფული მათ თავისუფლებას მოუტანდა, მაგრამ საბოლოოდ ფულის მონები გახდნენ. რაც უფრო მეტი ჰქონდათ, მით უფრო მეტის სურვილი უჩნდებოდათ და ერთ დღეს აღმოაჩინეს, რომ მთელი ცხოვრება აგროვებდნენ იმას, რისთვისაც დრო აღარ რჩებოდათ.

ფულს შეუძლია:

- კომფორტი მოგიტანოს.
- შეგიძლია უკეთ იკვებო.
- უკეთ იმოგზაურო.
- უკეთ იცხოვრო.

მაგრამ ფულს არ შეუძლია მოგცეს მიზანი. ფულს არ შეუძლია მოგცეს ხასიათი. ფულს არ შეუძლია მოგცეს პრინციპები.

ეს ყველაფერი მანამდე უნდა გქონდეს, სანამ ფული მოვა.

წინააღმდეგ შემთხვევაში, არსებობს დიდი რისკი, რომ ერთ დღეს ანგარიშზე ბევრი ნული გქონდეს, მაგრამ შინაგანად უფრო ცარიელი იყო, ვიდრე მაშინ, როდესაც არაფერი გქონდა. ამიტომ მე არასოდეს ვუბნები ადამიანებს:

„ფული არ არის მნიშვნელოვანი.“ ეს ტყუილი იქნებოდა.

ფული მნიშვნელოვანია!

ძალიან მნიშვნელოვანია!

მაგრამ კიდევ უფრო მნიშვნელოვანია, ვინ ხდები იმ გზაზე, რომელიც ფულამდე მიგიყვანს. რადგან საბოლოოდ ფულს კი არ ვმართავთ.

ან ჩვენ ვმართავთ ფულს ან ფული იწყებს ჩვენს მართვას.

და თუ ბოლომდე გულწრფელები ვიქნებით, დღეს ისეთ მატრიცაში ვცხოვრობთ, სადაც თითქმის ყველა გადაწყვეტილების უკან ფული დგას. დილით მაღვიძარა რომ რეკავს, ბევრისთვის ეს უბრალოდ ახალი დღე არ არის.

ეს არის:

- ვალდებულებები.
- გადასახადები.
- კრედიტები.
- ქირა.
- საკვები.
- საწვავი.
- სწავლის საფასური.
- ჯანმრთელობის ხარჯები.

და კიდევ ათასი რამ, რასაც ყოველთვიურად ფული სჭირდება. შეიძლება ეს მოგვწონს. შეიძლება არ მოგვწონს, მაგრამ რეალობა არ იცვლება. ჩვენი დროის უდიდეს ნაწილს ვცვლით ფულში. რვა საათს, ათ საათს. ზოგჯერ თორმეტ საათსაც კი. ჩვენ ვყიდით:

- ჩვენს ენერგიას.
- ცოდნას.
- გამოცდილებას.
- ნერვებს.
- ემოციებს

და სანაცვლოდ ფულს ვიღებთ. ზოგს ეს მოსწონს, ზოგს - არა. მაგრამ თამაშის წესები ასეთია. საინტერესო ის არის, რომ ადამიანების დიდი ნაწილი მთელი ცხოვრება ფულზე საუბრობს, მაგრამ ძალიან ცოტა სწავლობს ფულს.

სკოლაში გვასწავლიან:

- ისტორიას.
- გეოგრაფიას.
- ქიმიას.
- ფიზიკას.

მაგრამ თითქმის არავინ გვასწავლის, როგორ მუშაობს ფული.

- როგორ იქმნება.
- როგორ იზრდება.
- როგორ მრავლდება.
- როგორ არ უნდა გახდეს მისი მონა.


შედეგად კი ადამიანები ცხოვრების საუკეთესო წლებს ხარჯავენ ფულის შოვნაში და ძალიან ცოტას - ფულის გაგებაში და აქ ჩნდება ყველაზე სახიფათო ილუზია. ადამიანს ჰგონია, რომ ის ფულს მართავს. სინამდვილეში კი ხშირად ფული მართავს ადამიანს.

- ფული წყვეტს სად იმუშავენ.
- ფული წყვეტს ვისთან დარჩება.
- ფული წყვეტს სად იცხოვრებს.
- ფული წყვეტს რას ისწავლის.
- ზოგჯერ იმასაც კი წყვეტს, რაზე იოცნებებს.

და რაც უფრო მეტს ვფიქრობდი ამაზე, მით უფრო ვრწმუნდებოდი ერთ რამეში: ადამიანების უმეტესობას ფული არ უნდა. მათ სურთ ის, რასაც ფული ჰპირდება.

- უსაფრთხოება.

- პატივისცემა.
- თავისუფლება.
- არჩევანის შესაძლებლობა.
- მშვიდი ძილი.



სწორედ ამიტომ დევნის ამდენი ადამიანი ფულს, არა თავად ფულის გამო, არამედ იმ ემოციის გამო, რომელსაც ფულს უკავშირებს. მაგრამ აქ კიდევ ერთი ხაფანგია. თუ არ იცი ვინ ხარ, ვერანაირი თანხა ვერ გეტყვის ამას. თუ არ იცი რა გინდა, ფული ამას ვერ გადაწყვეტს. თუ შინაგანად ცარიელი ხარ, ანგარიშზე დამატებული ნულები ამ სიცარიელეს ვერ შეავსებს, ამიტომ ჩემი მიზანი ამ წიგნით არ არის გასწავლო მხოლოდ ფულის შოვნა.

ჩემი მიზანია გაჩვენო, რომ ფული აუცილებელი ინსტრუმენტია, მაგრამ საშიში ბატონია. ის შესანიშნავი მსახურია, მაგრამ ცუდი მმართველი და იმ დღიდან, როცა ამას მიხვდები, ფულთან ურთიერთობაც იცვლება. შენ აღარ მუშაობ მხოლოდ ფულისთვის. ფულს აიძულებ იმუშაოს შენი მიზნებისთვის და სწორედ აქ იწყება ნამდვილი თავისუფლება.

მე ჩემი გამოცდილებით შემიძლია გასწავლო გაყიდვები.

შემიძლია გასწავლო, როგორ გაყიდო პროდუქტი, როგორ გაყიდო მომსახურება, როგორ გაყიდო იდეა, როგორ გაყიდო საკუთარი თავი და ალბათ დამეთანხმები, რომ ვაჭრობაში ყოველთვის იყო და ყოველთვის იქნება ფული.

- ქვეყნები ვაჭრობენ.
- კომპანიები ვაჭრობენ.
- ადამიანები ვაჭრობენ.
- მთელი მსოფლიო ეკონომიკა გაცვლაზე დგას.

მაგრამ არსებობს კიდევ ერთი საინტერესო დაკვირვება. ჩემი აზრით, ყველაზე კარგი ბიზნესი ის კი არ არის, სადაც მხოლოდ საკუთარ ფულს ატრიალებ. ყველაზე კარგი ბიზნესი ის არის, სადაც სხვისი რესურსებით ქმნი ღირებულებას.

- სხვისი ინვესტიციით.
- სხვისი პროდუქტით.
- სხვისი გამოცდილებით.
- სხვისი ინფრასტრუქტურით.

და შენს უნარად რჩება ერთი რამ - გაყიდვა.

სწორედ ამიტომ არის, რომ საუკეთესო გამყიდველს შეუძლია თითქმის ნებისმიერ სფეროში ფულის შოვნა. თუ წაართმევ ყველაფერს - ოფისს, მანქანას, კაპიტალს, კავშირებს და დაუტოვებ მხოლოდ გაყიდვების უნარს, დიდი ალბათობით ის თავიდან მაინც შექმნის შემოსავალს.

რატომ?

იმიტომ, რომ გაყიდვა ფულის შოვნის ერთ-ერთი ყველაზე უნივერსალური უნარია. როდესაც გაყიდვა იცი:

- ყოველთვის შეგიძლია იპოვო პროდუქტი.
- ყოველთვის შეგიძლია იპოვო სერვისი.
- ყოველთვის შეგიძლია იპოვო ადამიანი, რომელსაც სჭირდება კლიენტი.

და თუ შეგიძლია კლიენტი მიუყვანო, უკვე ღირებულებას ქმნი. ღირებულების შექმნა კი ყოველთვის ანაზღაურდება. სწორედ ამიტომ ვთვლი, რომ გაყიდვები პროფესია კი არა, სუპერძალაა.

უნარი, რომელიც ადამიანს საშუალებას აძლევს ფული გამოიმუშაოს თითქმის ნებისმიერ გარემოში, მაგრამ სანამ გაყიდვების ტექნიკებზე, მოლაპარაკებებსა და დახურვის მეთოდებზე ვისაუბრებთ, ჯერ უნდა გავიგოთ ყველაზე მნიშვნელოვანი რამ:

რატომ ყიდულობს ადამიანი საერთოდ?

ეს კითხვა იმდენად მნიშვნელოვანია, რომ ჩემი აზრით, ვინც მას სწორად უპასუხებს, გაყიდვების ნახევარი უკვე ნასწავლი აქვს.

რატომ ყიდულობს ადამიანი?

პირველი პასუხი, რომელიც თავში მოგვდის, მარტივია: იმიტომ, რომ რაღაც სჭირდება. მაგრამ რეალობა გაცილებით ღრმაა. ადამიანები იშვიათად ყიდულობენ მხოლოდ საჭიროების გამო. თუ ასე იქნებოდა, მსოფლიოში რეკლამა საერთოდ არ იარსებებდა. ადამიანები ყიდულობენ ემოციებით და შემდეგ გადაწყვეტილებას ლოგიკით ამართლებენ.

- ყიდულობენ იმედს.
- ყიდულობენ კომფორტს.
- ყიდულობენ სტატუსს.
- ყიდულობენ უსაფრთხოებას.
- ყიდულობენ სიყვარულს.
- ყიდულობენ აღიარებას.
- ყიდულობენ იმის განცდას, რომ უკეთესები გახდებიან.

წარმოიდგინე ორი ადამიანი. ერთი ყიდულობს 20-ლარიან საათს, ხოლო მეორე - 20 000-დოლარიან საათს. ორივეს ერთი და იგივე ფუნქცია აქვს. ორივე დროს აჩვენებს. მაშინ რატომ იხდის ერთი ადამიანი ათასჯერ მეტს?

რადგან საათს არ ყიდულობს. ყიდულობს იმას, რასაც ეს საათი მისთვის ნიშნავს. სწორედ აქ იწყება გაყიდვების ნამდვილი გაგება. პროდუქტი თითქმის არასოდეს არის მთავარი. მთავარია ის, რასაც პროდუქტი ადამიანის ცხოვრებაში ცვლის. აი, რატომ ვერ ყიდის ბევრი გამყიდველი. ისინი პროდუქტის მახასიათებლებზე ლაპარაკობენ. კლიენტს კი თავისი ცხოვრება აინტერესებს.

- მას არ აინტერესებს ძრავის მოცულობა. აინტერესებს, რამდენად უსაფრთხოდ იგრძნობს თავს.
- არ აინტერესებს წიგნის გვერდების რაოდენობა. აინტერესებს, რას შეცვლის ეს წიგნი მის ცხოვრებაში.
- არ აინტერესებს კურსის ხანგრძლივობა. აინტერესებს, დაეხმარება თუ არა მეტი ფულის შოვნაში.

მიხვდით, რომ ადამიანები ორ მიზეზს შორის ცხოვრობენ. ისინი გარბიან ტკივილისგან და მიიწევენ სიამოვნებისკენ. თითქმის ყველა გადაწყვეტილება ამ ორ ძალას შორის იბადება.

- ზოგი ფულის დაკარგვის ეშინია.
- ზოგს წარმატების მიღწევა უნდა.

- ზოგი მარტოობისგან გარბის.
- ზოგს სიყვარული უნდა.
- ზოგი სიღარიბისგან გარბის.
- ზოგს თავისუფლება უნდა.

და რაც უფრო კარგად გაიგებ, რომელი ტკივილი აწუხებს ადამიანს და რომელი სურვილი ამოძრავებს, მით უფრო კარგად გაიგებ, რატომ ყიდულობს. ამიტომ კარგი გამყიდველი არასოდეს იწყებს პროდუქტის გაყიდვით. ის იწყებს ადამიანის გაგებით. რადგან სანამ ადამიანი არ გაიგე, ვერასოდეს მიხვდები, სინამდვილეში რის ყიდვას ცდილობს. და აქ მივდივართ ყველაზე მნიშვნელოვან აღმოჩენამდე:

შეიძლება ადამიანი შენგან ავტომობილს ყიდულობდეს.

მაგრამ რეალურად თავისუფლებას ყიდულობდეს.

შეიძლება შენგან წიგნს ყიდულობდეს.

მაგრამ რეალურად იმედს ყიდულობდეს.

შეიძლება შენგან მომსახურებას ყიდულობდეს.

მაგრამ რეალურად სიმშვიდეს ყიდულობდეს.

და როდესაც ამას დაინახავ, გაყიდვები აღარ იქნება მხოლოდ ვაჭრობა. გაყიდვები ადამიანების ფსიქოლოგიის გაგება გახდება.

და სწორედ აქ იწყება განსხვავება ჩვეულებრივ გამყიდველსა და ნამდვილ პროფესიონალს შორის.

ჩვეულებრივი გამყიდველი ცდილობს დაარწმუნოს.

პროფესიონალი კი ჯერ ცდილობს გაიგოს.

ჩვეულებრივი გამყიდველი ბევრს ლაპარაკობს.

პროფესიონალი ბევრს უსმენს.

წლების განმავლობაში მეგონა, რომ გაყიდვები პასუხებში იყო. მერე მივხვდი, რომ გაყიდვები კითხვებშია. რაც უფრო ძლიერია შენი კითხვები, მით უფრო ღრმად ხვდები ადამიანის რეალურ მოტივაციას.

როდესაც კლიენტი ამბობს:

„ძვირია.“

ეს თითქმის არასოდეს ნიშნავს, რომ ძვირია.

ხშირად ნიშნავს:

„ჯერ ვერ დავინახე ღირებულება.“

როდესაც ამბობს:

„მოვიფიქრებ.“

ხშირად ნიშნავს:

„ჯერ არ ვარ დარწმუნებული.“

როდესაც ამბობს:

„ფული არ მაქვს.“

ხშირად ნიშნავს:

„ეს ჩემთვის საკმარისად მნიშვნელოვანი არ არის.“

და სწორედ ამიტომ, გაყიდვების უდიდესი ნაწილი სიტყვების უკან არსებული აზრების დანახვაა. ერთი პერიოდი ვფიქრობდი, რომ ადამიანები გადაწყვეტილებებს ლოგიკით იღებდნენ. მერე რეალობამ სხვანაირად მასწავლა. თუ ადამიანები მხოლოდ ლოგიკით იღებდნენ გადაწყვეტილებებს:

- არ იარსებებდა ბრენდები.
- არ იარსებებდა ფუფუნების ავტომობილები.
- არ იარსებებდა დიზაინერული ტანსაცმელი.
- არ იარსებებდა სოციალური ქსელები.

ადამიანები ემოციებით იღებენ გადაწყვეტილებებს, შემდეგ კი ლოგიკით ამართლებენ. სწორედ ამიტომ არის, რომ ერთსა და იმავე პროდუქტში ერთი ადამიანი 100 ლარს იხდის, მეორე - 1000-ს. პროდუქტი იგივეა. განსხვავებულია ემოცია, რომელსაც ის ყიდულობს და აქ მინდა ერთი რამ დაიმახსოვრო.

თუ გინდა მეტი ფული იშოვო, უნდა ისწავლო ადამიანების მოსმენა. არა იმის მოსმენა, რასაც ამბობენ, არამედ იმის მოსმენა, რასაც გულისხმობენ. რადგან კლიენტი თითქმის არასოდეს გეუბნება თავის ნამდვილ მიზეზს პირველივე წუთში. ადამიანები თავიანთ პრობლემებს მალავენ. შიშებს მალავენ. ეჭვებს მალავენ. ხშირად საკუთარ თავსაც კი უმაღლავენ და როდესაც შენ მათზე უკეთ ხვდები, რა აწუხებთ, ვიდრე თავად ხვდებიან, სწორედ მაშინ იწყება ნდობა.

- სწორედ მაშინ იწყება გავლენა.
- სწორედ მაშინ იწყება გაყიდვა.

რაც უფრო მეტ ადამიანს ვხვდებით, მით უფრო ვრწმუნდებით ერთ რამეში: ყველა ადამიანს აქვს რაღაც, რისი ყიდვაც უნდა. მაგრამ კიდევ უფრო მნიშვნელოვანია ის, რომ ყველა ადამიანს აქვს რაღაც, რისგანაც გაქცევა უნდა. ხშირად ადამიანები გაცილებით სწრაფად გარბიან ტკივილისგან, ვიდრე წარმატებისკენ მიდიან. სწორედ ამიტომ, სანამ ფულზე, ბიზნესზე და გაყიდვებზე ვისაუბრებთ, უნდა გავიგოთ ერთი ფუნდამენტური რამ:

რა მართავს ადამიანს სინამდვილეში?

სურვილი თუ შიში?

თუ მკითხავ, რა მართავს ადამიანს - სურვილი თუ შიში?

ჩემი პასუხი იქნება: ორივე. მაგრამ უმეტეს შემთხვევაში შიში უფრო ძლიერია. ადამიანები უფრო ხშირად გარბიან ტკივილისგან, ვიდრე მიისწრაფვიან წარმატებისკენ. სწორედ ამიტომ ბევრი ადამიანი იწყებს ბიზნესს არა იმიტომ, რომ მეწარმეობა უყვარს. არამედ იმიტომ, რომ სიღარიბის ეშინია. ბევრი სწავლობს არა იმიტომ, რომ სწავლა უყვარს. არამედ იმიტომ, რომ ჩამორჩენის ეშინია. ბევრი მუშაობს არა იმიტომ, რომ სამუშაო მოსწონს. არამედ იმიტომ, რომ გადასახადების, ვალდებულებების და ფინანსური პრობლემების ეშინია. ეს ცუდი არ არის. ეს ადამიანური ბუნებაა. შიში გადარჩენის მექანიზმია. ათასობით წლის განმავლობაში სწორედ შიში ეხმარებოდა ადამიანს გადარჩენაში. მაგრამ თანამედროვე სამყაროში ერთი პრობლემა გაჩნდა. ვეფხვები თითქმის აღარ არიან, მაგრამ შიშები დარჩა. დღეს ადამიანს აღარ ეშინია, რომ ვინმე შეჭამს. დღეს ეშინია:

- რომ ვერ გადაიხდის.
- ვერ შეძლებს.
- ვერ გამოვა.
- გააკრიტიკებენ.
- წარუმატებელი აღმოჩნდება.
- დასცინებენ.
- უარს ეტყვიან.

და თუ დააკვირდები, ადამიანების ცხოვრების უდიდესი ნაწილი სწორედ ამ უხილავი შიშების მართვის ქვეშ გადის. საინტერესო ის არის, რომ წარმატებული ადამიანები უშიშრები არ არიან. ეს ერთ-ერთი ყველაზე დიდი მითია:

- მათაც ეშინიათ.
- მათაც აქვთ ეჭვები.
- მათაც აქვთ ცუდი დღეები.

განსხვავება მხოლოდ ის არის, რომ ისინი მოქმედებენ მიუხედავად შიშისა. ერთ დროს მეც ვფიქრობდი, რომ თავდაჯერებულობა წარმატების წინაპირობა იყო. მერე მივხვდი, რომ პირიქით ხდება.

- ადამიანი ჯერ მოქმედებს.
- შემდეგ იღებს შედეგს.
- შედეგი აჩენს გამოცდილებას.
- გამოცდილება - თავდაჯერებულობას.

და არა პირიქით. შენ ვერ გახდები თავდაჯერებული გამყიდველი გაყიდვების გარეშე. ვერ გახდები თავდაჯერებული მძღოლი ტარების გარეშე. ვერ გახდები თავდაჯერებული მეწარმე ბიზნესის დაწყების გარეშე. თავდაჯერებულობა მოქმედების შედეგია. არა მისი წინაპირობა. ამიტომ, როდესაც ვინმე მეუბნება:

„ჯერ მზად არ ვარ.“

ხშირად ვეკითხები:

„და როგორ აპირებ მომზადებას?“

რადგან სიმართლე ის არის, რომ ადამიანების უმეტესობა არასოდეს გრძნობს თავს ბოლომდე მზად.

- არც პირველი გაყიდვის წინ.
- არც პირველი ბიზნესის დაწყების წინ.
- არც პირველი საჯარო გამოსვლის წინ.
- არც პირველი წიგნის დაწერის წინ.

და თუ დაველოდებით იმ დღეს, როდესაც შიში მთლიანად გაქრება, დიდი ალბათობით მთელი ცხოვრება ლოდინში გავა. შიში არ ქრება. უბრალოდ მიზანი უნდა გახდეს შიშზე დიდი. როდესაც მიზეზი საკმარისად ძლიერია, ადამიანი იწყებს მოძრაობას და სწორედ აქ ჩნდება კითხვა, რომელმაც შეიძლება შენი ცხოვრება შეცვალოს:

- ✓ რისი გეშინია უფრო?
- ✓ მარცხის?
- ✓ თუ იმის, რომ ათი წლის შემდეგ იმავე ადგილას აღმოჩნდე, სადაც დღეს ხარ?

თუ გულწრფელი ვიქნები, მე უფრო მეორესი მეშინია.

- არ მეშინია, რომ რაღაც არ გამომივა.
- არ მეშინია, რომ ვინმე უარს მეტყვის.
- არ მეშინია, რომ დავმარცხდები.

ყველა ეს უკვე გამოვიარე.

- უარიც.
- მარცხიც.
- იმედგაცრუებაც.
- ფულის დაკარგვაც.
- ადამიანების დაკარგვაც.

მაგრამ არის ერთი რამ, რაც მართლა მაშინებს. წარმოიდგინე, რომ ათი წელი გავიდა. დრო, რომელიც ისედაც გავა და ერთ დღეს სარკეში იყურები. ხედავ საკუთარ თავს და ხვდები, რომ ისევ იმავე ადგილზე ხარ.


- იგივე პრობლემებით.
- იგივე შიშებით.
- იგივე გამართლებებით.
- იგივე ოცნებებით, რომლებიც ისევ მხოლოდ ოცნებებად დარჩა.

ჩემი აზრით, ეს არის ნამდვილი მარცხი. არა მაშინ, როცა ცდილობ და არ გამოგდის. არამედ მაშინ, როცა საერთოდ არ ცდილობ. რადგან ცხოვრებას ერთი უცნაური თვისება აქვს. ის არ გაჩილდოებს პოტენციალისთვის. არ აინტერესებს, რა შეგეძლო. არ აინტერესებს, რამდენად ნიჭიერი იყავი. არ აინტერესებს, რამდენი იდეა გქონდა. ცხოვრება მხოლოდ იმას ითვლის, რაც გააკეთე. შედეგებს ითვლის. მოქმედებებს ითვლის. გავლენას ითვლის. ერთ დღეს მივხვდი, რომ ადამიანების უდიდესი ნაწილი არა მარცხით, არამედ გამართლებებით ცხოვრობს.

- „დრო არ მქონდა.“
- „ფული არ მქონდა.“
- „არავინ დამეხმარა.“
- „არ გამიმართლა.“
- „ქვეყანაა ასეთი.“
- „ბაზარია ასეთი.“
- „ადამიანები არიან ასეთები.“

და რაც უფრო მეტ ასეთ ფრაზას ვისმენდი, მით უფრო ვხვდებოდი ერთ რამეს. ყველა ეს წინადადება ერთ საერთო აზრამდე დადის: „პასუხისმგებლობა ჩემი არ არის.“ მაგრამ იმ დღიდან, როცა ადამიანი პასუხისმგებლობას იღებს, მისი ცხოვრება იცვლება. იმიტომ, რომ პასუხისმგებლობასთან ერთად ძალაც მოდის. სანამ სხვებს ადანაშაულებ, ვერაფერს ცვლი. როცა საკუთარ თავზე იღებ პასუხისმგებლობას, უკვე შეგიძლია შეცვალო. შეიძლება რთული იყოს. შეიძლება უსამართლოც იყოს. მაგრამ ძალა სწორედ იქ არის. ამიტომ, თუ ამ წიგნიდან მხოლოდ ერთი რამ უნდა დაიმახსოვრო, მინდა ეს იყოს:

შენს ცხოვრებაზე შეიძლება ბევრმა ადამიანმა გავლენა მოახდინა.



შეიძლება ბევრი უსამართლობაც შეგხვდა.

შეიძლება ბევრი რამ შენი ბრალი საერთოდ არ ყოფილა.

მაგრამ შემდეგი ნაბიჯი უკვე შენი პასუხისმგებლობაა და სწორედ ამ ადგილას იწყება ცვლილება. სწორედ ამ ადგილას იწყება ზრდა. სწორედ ამ ადგილას იწყება თავისუფლება. რადგან იმ მომენტში, როცა ხვდები, რომ პასუხი გარეთ არ არის, არამედ შენშია, მსხვერპლიდან შემოქმედად იქცევი და ეს არის მომენტი, როდესაც ადამიანის ცხოვრება ახალ მიმართულებას იღებს.

ერთ დროს მეგონა, რომ ადამიანები გადაწყვეტილებებს ფიქრით იღებდნენ. მერე გაყიდვებმა სხვა რამე მასწავლა. წარმოიდგინე, რომ შენს ტვინში ორი მოთამაშეა.

ერთი სწრაფია.

- ემოციურია.
- ინსტინქტურია.

მას უსაფრთხოება, სიამოვნება, სტატუსი და გადარჩენა აინტერესებს. ეს არის ლიბერული სისტემა.

მეორე უფრო ნელია.

- აანალიზებს.
- ადარებს.
- ითვლის.
- მსჯელობს.

ეს არის ნეოკორტექსი და მიუხედავად იმისა, რომ ადამიანებს გვიყვარს ფიქრი, თითქოს ლოგიკური არსებები ვართ, რეალურ ცხოვრებაში პირველი სიტყვა ხშირად ლიბერულ სისტემას ეკუთვნის.

ის პირველი წყვეტს:

- მომწონს თუ არა.
- ვენდობი თუ არა.
- მინდა თუ არა.
- უსაფრთხოა თუ არა.

და მხოლოდ ამის შემდეგ ერთვება ნეოკორტექსი, რომელიც იწყებს ახსნას, რატომ მიიღო ეს გადაწყვეტილება. ამიტომ არის, რომ ადამიანს შეუძლია ერთი წუთის განმავლობაში შეიყვაროს ადამიანი. შეიძულოს ადამიანი ან ენდოს მას. ლოგიკურად ამის ახსნას შეიძლება საათები დასჭირდეს, მაგრამ გადაწყვეტილება უკვე მიღებულია. წლების განმავლობაში კლიენტებთან მუშაობისას ხშირად მინახავს ერთი და იგივე სცენა. კლიენტი შედის ოფისში.

- ათვალიერებს.
- მისმენს.
- კითხვებს სვამს.

და თითქოს გადაწყვეტილებას გზადაგზა იღებს. სინამდვილეში კი ხშირად პირველი რამდენიმე წუთის განმავლობაში უკვე გადაწყვიტა, სურს თუ არა შენთან მუშაობა. შემდეგ უბრალოდ მიზეზებს ეძებს. სწორედ ამიტომ არის, რომ გაყიდვები მხოლოდ პროდუქტის ცოდნა არასოდეს ყოფილა. შეგიძლია იდეალურად იცოდე პროდუქტი. მაგრამ თუ ლიბერულ სისტემამდე ვერ მიაღწიე, ნეოკორტექსს სამუშაო აღარ ექნება. ადამიანი ჯერ უნდა გენდოს. ჯერ უნდა იგრძნოს უსაფრთხოება. ჯერ უნდა დაინახოს საკუთარი თავი იმ შედეგში, რომელსაც ჰპირდება და მხოლოდ ამის შემდეგ იწყებს ლოგიკური არგუმენტების ძებნას. ამიტომ ამბობენ, რომ ადამიანები ემოციით ყიდულობენ და ლოგიკით ამართლებენ და რაც უფრო მეტ ადამიანს ვაკვირდებოდი, მით უფრო ვრწმუნდებოდი, რომ საუკეთესო გამყიდველები პროდუქტს კი არ ყიდიან.

ისინი ლიბერული სისტემასთან საუბრობენ. იმ ნაწილთან, რომელიც გადაწყვეტილებას იღებს მანამ, სანამ ადამიანი ამას გააცნობიერებს.

თუ ლიბერული სისტემა ემოციებით იღებს გადაწყვეტილებებს, მაშინ ჩნდება ყველაზე მნიშვნელოვანი კითხვა:

როგორ ვესაუბროთ მას?

პირველ რიგში, ლიბერული სისტემას არ აინტერესებს ფაქტები. მას აინტერესებს მნიშვნელობა. მას არ აინტერესებს, რომ მანქანას 300 ცხენის ძალა აქვს. აინტერესებს, რას იგრძნობს ამ მანქანის საჭესთან. მას არ აინტერესებს, რომ კურსი 20 საათიანია. აინტერესებს, შეიცვლება თუ არა მისი ცხოვრება ამ კურსის შემდეგ. მას არ აინტერესებს, რომ წიგნი 300 გვერდიანია. აინტერესებს, მიიღებს თუ არა პასუხს იმ კითხვაზე, რომელიც აწუხებს. სწორედ ამიტომ, როდესაც ადამიანს ელაპარაკები, უნდა ისაუბრო არა მახასიათებლებზე, არამედ შედეგებზე. არა პროდუქტზე, არამედ ცვლილებაზე. არა იმაზე, რას ყიდი. არამედ იმაზე, რას ცვლის ეს ადამიანის ცხოვრებაში. მეორე მნიშვნელოვანი რამ არის ისტორიები. ლიბერული სისტემას უყვარს ისტორიები. ფაქტებს ივიწყებს. ციფრებს ივიწყებს. მაგრამ ისტორიებს იმახსოვრებს. ამიტომ არის, რომ ბავშვობიდან დღემდე გვახსოვს ზღაპრები, გვახსოვს ფილმები, გვახსოვს ადამიანების ისტორიები და თითქმის არასოდეს გვახსოვს სტატისტიკა. როდესაც კლიენტს რეალური ისტორიის უყვები, მისი ტვინი იწყებს საკუთარი თავის წარმოდგენას იმ ისტორიაში. სწორედ ამ დროს იბადება ემოციური კავშირი. მესამე - ლიბერული სისტემას უყვარს უსაფრთხოება. მას არ უნდა რისკი. არ უნდა გაურკვევლობა. არ უნდა დანაკარგი. ამიტომ კარგი გამყიდველი ყოველთვის პასუხობს ერთ უხილავ კითხვას:

„თუ შენ გენდობი, უსაფრთხოდ ვიქნები?“

და ბოლოს, ლიბერული სისტემას ყველაზე მეტად სჯერა იმის, რასაც ხედავს. არა იმის, რისაც ესმის.

- ✓ ამიტომ რეკომენდაციები მუშაობს.
- ✓ ამიტომ მუშაობს სოციალური მტკიცებულება.
- ✓ ამიტომ მუშაობს წარმატებული მაგალითები.

როდესაც ადამიანი ხედავს, რომ სხვამ უკვე მიიღო შედეგი, მისი შიში მცირდება. ნდობა იზრდება და გადაწყვეტილების მიღებაც მარტივდება. სწორედ ამიტომ საუკეთესო გამყიდველი არასოდეს ცდილობს ადამიანის დარწმუნებას. ის ცდილობს ადამიანს დაანახოს, რადგან ადამიანი ყოველთვის უფრო ადვილად იჯერებს იმას, რაც თავად დაინახა, ვიდრე იმას, რაც ვილაყამ უთხრა.

ერთხელ ერთმა სეილმა მკითხა:

- ლაშა, რა არის ის ერთი კითხვა, რომლის შემდეგაც კლიენტები ყველაზე ხშირად ყიდულობენ?

გავუდიმე. იმიტომ, რომ ასეთი კითხვა არ არსებობს.

რომ არსებობდეს, ყველა ერთსა და იმავე ფრაზას ისწავლიდა და გაყიდვებიც ავტომატურად გაიზრდებოდა. გაყიდვა კითხვაში კი არა, კითხვის მიზანშია. კითხვა უნდა დაეხმაროს ადამიანს, დაინახოს ის, რასაც აქამდე ვერ ხედავდა. მაგალითად, თუ ადამიანს ეკითხები:

- „გინდათ ეს მანქანა? “

სავარაუდოდ, „კი“ ან „არა“ იქნება პასუხი.

მაგრამ თუ ჰკითხავ:

- „რას შეცვლის თქვენს ცხოვრებაში ეს მანქანა? “

მისი ტვინი უკვე პასუხს აღარ ეძებს შენთვის. ის პასუხს საკუთარი თავისთვის ეძებს. ამ მომენტში საუბარი პროდუქტიდან ადამიანზე გადადის. ეს კი ყველაზე მნიშვნელოვანი გარდატეხაა. ადამიანები არასოდეს ყიდულობენ პროდუქტს. ისინი ყიდულობენ საკუთარ მომავალს. მანქანა არ არის უბრალოდ ოთხი ბორბალი.

- ვიღაცისთვის ეს თავისუფლებაა.
- ვიღაცისთვის - უსაფრთხოება.
- ვიღაცისთვის - სტატუსი.
- ვიღაცისთვის - საკუთარი ოჯახის კომფორტი.

თუ მხოლოდ მანქანაზე ილაპარაკებ, კონკურენტს ყოველთვის ექნება უფრო იაფი ან უფრო ახალი, მაგრამ თუ იმ ცვლილებაზე ილაპარაკებ, რომელსაც ეს მანქანა ადამიანის ცხოვრებაში ქმნის, ფასზე საუბარი ნელ-ნელა მეორე პლანზე გადადის. ეს მხოლოდ ავტომობილებს არ ეხება. იგივე ხდება ყველგან. ადამიანი არ ყიდულობს წიგნს. ის ყიდულობს ახალ აზროვნებას. არ ყიდულობს ტრენინგს. ყიდულობს იმედს, რომ უკეთესი შედეგი ექნება. არ ყიდულობს საათს. ყიდულობს იმ განცდას, რომელსაც ის საათი მისცემს. პროდუქტი მხოლოდ ხილია. ნამდვილი დანიშნულების ადგილი კი ყოველთვის ემოციაა. სწორედ ამიტომ, სანამ პროდუქტის წარდგენას დაიწყებ, საკუთარ თავს ერთი კითხვა დაუსვი: რას ყიდულობს სინამდვილეში ეს ადამიანი? თუ ამ კითხვაზე პასუხს იპოვი, გაყიდვა გაცილებით მარტივი გახდება. რადგან იმ მომენტიდან პროდუქტს აღარ ყიდი. შენ ეხმარები ადამიანს, მიიღოს ის, რაც სინამდვილეში სურს.

აქვე ერთი მნიშვნელოვანი რამ მინდა გითხრა. შესაძლოა, ამ წიგნის კითხვისას იფიქრო, რომ ახლა აუცილებლად გაყიდვების სწავლა მოგიწევს.

არა.

შესაძლოა, შენ საერთოდ არ გინდა გამყიდველი იყო. შეიძლება შესანიშნავი ექიმი ხარ.

- პროგრამისტი.
- დიზაინერი.
- მზარეული.
- ხელოსანი.
- მუსიკოსი.
- მასწავლებელი.

არ აქვს მნიშვნელობა, რას აკეთებ. მნიშვნელოვანია, რაში ხარ ისეთი კარგი, რომ ადამიანები მზად არიან ამაში ფული გადაიხადონ. ყველა ადამიანს აქვს უნარი, რომელიც სხვის პრობლემას აგვარებს. პრობლემა ის კი არ არის, რომ ადამიანებს ნიჭი არ აქვთ. პრობლემა ის არის, რომ ხშირად თვითონაც არ იციან, რა არის მათი ყველაზე ძლიერი მხარე და მაშინაც კი, როცა იციან, ვერ ახერხებენ მის სწორად წარმოჩენას. დღევანდელ სამყაროში საკმარისი აღარ არის, რაღაც კარგად აკეთო. თუ ვერ აუხსენი ადამიანს, რატომ არის ეს მისთვის მნიშვნელოვანი, დიდი შანსია, შენზე ნაკლებად პროფესიონალმა, მაგრამ უკეთესმა კომუნიკატორმა, შენს ნაცვლად მიიღოს შეკვეთა. სწორედ ამიტომ, გაყიდვა ჩემთვის არასოდეს ყოფილა მხოლოდ პროდუქტის გაყიდვა. გაყიდვა არის საკუთარი ღირებულების სწორად შეფუთვის და სწორ ადამიანამდე მიტანის უნარი.

- შენი ნიჭი - ეს არის პროდუქტი.
- შენი კომუნიკაცია - ეს არის შეფუთვა.

ხოლო ნდობა - ხილია, რომელიც ამ ორს ერთმანეთთან აკავშირებს. შეიძლება მსოფლიოში საუკეთესო პროდუქტი შექმნა, მაგრამ თუ მის შესახებ არავინ იცის, მისი ღირებულება ნულს უახლოვდება, ხოლო საშუალო პროდუქტი, რომელსაც სწორად წარმოადგენენ, ხშირად ბევრად უკეთ იყიდება. ეს ყოველთვის სამართლიანი არ არის. მაგრამ ასე მუშაობს ბაზარი და რაც უფრო ადრე მიიღებ ამ რეალობას, მით უფრო მალე შეძლებ შენი ნიჭის ფულად გადაქცევას. საბოლოოდ, მნიშვნელობა აღარ აქვს, რას ქმნი. თუ გინდა, რომ ამ საქმიანობით იცხოვრო, ერთ დღეს აუცილებლად მოგიწევს მისი სწორად წარდგენა. რადგან საბოლოოდ, ჩვენ ყველანი ერთსა და იმავე საქმეს ვაკეთებთ.

- ვყიდით ჩვენს დროს.
- ვყიდით ჩვენს ცოდნას.
- ვყიდით ჩვენს გამოცდილებას.
- ვყიდით ჩვენს იდეებს.

და ზოგჯერ, ყველაზე ძვირად სწორედ ის ადამიანები ფასობენ, რომლებმაც საკუთარი ღირებულების სწორად გადმოცემა ისწავლეს.

არსებობს ერთი შეცდომა, რომელსაც ადამიანები წლების განმავლობაში უშვებენ. ისინი ფიქრობენ, რომ ფულს პროფესია შოულობს.

არა!

ფულს პროფესია არასოდეს შოულობს. ფულს ადამიანი შოულობს და ორ ერთნაირ პროფესიაში მყოფ ადამიანს შორის შემოსავალი ზოგჯერ ათჯერ, ოცჯერ, ასჯერაც კი განსხვავდება.

რატომ?

თუ ღიპლომი ყველაფერს წყვეტს, რატომ არიან ღარიბი ადამიანები, რომლებსაც სამი ღიპლომი აქვთ? და რატომ არსებობენ მილიონერები, რომლებსაც უნივერსიტეტიც კი არ დაუმთავრებიათ? თუ გამოცდილება ყველაფერია, რატომ არის ათწლიანი გამოცდილების მქონე ადამიანი ხშირად იმაზე ნაკლებად ანაზღაურებადი, ვინც ამ სფეროში მხოლოდ სამი წელია მუშაობს? აქ რაღაც არ ემთხვევა. სადღაც არის ცვლადი, რომელზეც თითქმის არავინ საუბრობს. წარმოიდგინე, რომ შენს ხელში ბრილიანტია.

- ნამდვილი.
- იშვიათი.
- ძვირფასი.

მაგრამ ის ძველი გაზეთის ფურცელში გაახვიე და ქუჩაში დადე. რამდენი ადამიანი მიხვდება, რომ შიგნით მილიონების ღირებულება დევს? ალბათ, ძალიან ცოტა. ახლა იგივე ბრილიანტი შავ ხავერდზე დადე, განათება შეუცვალე, ისტორია მოყევი და ვიტრინაში გამოფინე. ბრილიანტი არ შეცვლილა. შეიცვალა მხოლოდ ის, როგორ დაინახა ის ადამიანმა. აი, ზუსტად ასე ცხოვრობს ადამიანების უმეტესობაც. ისინი საკუთარ ნიჭს გაზეთში ახვევენ. მერე კი უკვირთ, რატომ არავინ ამჩნევს. ყველაზე მტკივნეული კი იცი რა არის? ხშირად ისინი მართლაც ნიჭიერები არიან, მაგრამ ნიჭი, რომელსაც ვერავინ ხედავს, ბაზრისთვის თითქმის არ არსებობს და აქ ჩნდება კითხვა, რომელმაც ჩემი ცხოვრება მთლიანად შეცვალა. თუ მე მართლა ასეთი კარგი ვარ, რატომ არ ჩანს ეს ჩემს შემოსავალში? ეს კითხვა უსიამოვნოა. იმიტომ, რომ პასუხი თითქმის ყოველთვის ჩვენს გარეთ არ არის. სწორედ იმ დღეს მივხვდი, რომ პრობლემა არც ცოდნაში იყო, არც შრომაში, არც იღბალში. პრობლემა იმაში იყო, რომ ადამიანები ვერ ხედავდნენ იმ ღირებულებას, რომლის შექმნაც შემეძლო და ეს მათი ბრალი არ იყო.

- მე ვერ ვაჩვენებდი.
- ვერ ვხსნიდი.

- ვერ ვფუთავდი.

იმ დღიდან მივხვდი ერთ ძალიან უცნაურ კანონზომიერებას. სამყარო იშვიათად გაჯილდოებს იმისთვის, რაც იცი. სამყარო გაცილებით ხშირად გიხდის იმის მიხედვით, თუ რამდენ ადამიანს შეუძლია დაინახოს, რას წარმოადგენ და სწორედ აქ იწყება ყველაზე საინტერესო ნაწილი...

რატომ ხდება, რომ ორი ერთნაირი შესაძლებლობების მქონე ადამიანიდან ერთი მთელი ცხოვრება გადარჩენისთვის იბრძვის, ხოლო მეორე იმავე უნარით სიმდიდრეს ქმნის?

ამ კითხვაზე პასუხი ფულში არ არის, არც იდბალში, არც კავშირებში, პასუხი ბევრად უფრო უხილავია. სწორედ ამიტომ, ადამიანების უმეტესობა მას მთელი ცხოვრება ვერ ამჩნევს.

ერთხელ საკუთარ თავს ერთი უცნაური კითხვა დავუსვი. რატომ ხდება, რომ ზოგი ადამიანი მთელი ცხოვრება საკუთარ შანსს ელოდება, ზოგი კი შანსებს თავად ქმნის? პირველად ვიფიქრე, რომ პასუხი ცოდნაში იყო, მაგრამ მალევე მივხვდი, რომ ეს სიმართლე არ იყო. ვიცნობდი ადამიანებს, რომლებმაც ჩემზე ბევრად მეტი იცოდნენ.

- ჭკვიანებიც იყვნენ.
- განათლებულებიც.


მაგრამ როცა თვის ბოლოს ანგარიშს უყურებდნენ, ციფრები მათ ცოდნას საერთოდ არ ჰგავდა. მაშინ ვიფიქრე, იქნებ პრობლემა შრომაშია, მაგრამ იქაც იგივე სურათი დამხვდა. არაერთ ადამიანს ვიცნობ, რომელიც დღეში თორმეტი-თოთხმეტი საათს მუშაობს და მაინც ვერ აღწევს იმ შედეგს, რასაც ზოგი ოთხ ან ხუთ საათში აღწევს.

მაშინ რა ხდება?

რატომ არ მუშაობს ფორმულა:

მეტი შრომა = მეტი ფული?

იმიტომ, რომ ასეთი ფორმულა საერთოდ არ არსებობს. არსებობს სხვა ფორმულა. ფორმულა, რომელსაც სკოლაში არ გვასწავლიან. ბაზარი არ იხდის იმაში, რამდენად დაიღალე. ბაზარი იხდის იმაში, რამდენად ღირებული ხარ სხვისი პრობლემის გადასაჭრელად. ეს ორი სრულიად განსხვავებული რამ არის. შეიძლება მთელი დღე ქვები ზიდო. დაიღალო. ოფლში გაიწურო. მაგრამ თუ ამ შრომას ცოტა სჭირდება, შენი



ანაზღაურებაც შესაბამისი იქნება და შეიძლება ერთი საათი დახარჯო ისეთი პრობლემის გადაწყვეტაზე, რომელიც ათასობით ადამიანს აწუხებს. ამ შემთხვევაში ფულს საათებისთვის კი არ გიხდიან, არამედ შედეგისთვის გიხდიან. სწორედ აქ ცდება ადამიანების უმეტესობა. ისინი დროს ყიდნიან. მაშინ, როცა ყველაზე მდიდარი ადამიანები პრობლემებს აგვარებენ და რაც უფრო ძვირია პრობლემა, რომელსაც აგვარებ, მით უფრო ძვირი ხდება შენი დროც. ამიტომ, სანამ იკითხავ:

„რამდენს გადამიხდიან?“

ჯერ სხვა კითხვა უნდა დასვა: „რა შემიძლია ისეთი, რაშიც ადამიანები სიამოვნებით გადაიხდიან?“ აი, ამ კითხვაზე პასუხი შეიძლება მთელი შენი ცხოვრების მიმართულება გახდეს, რადგან იმ დღიდან, როცა საკუთარ თავს აღარ ჰკითხავ, „სად ვიშოვო ფული?“ და დაიწყებ კითხვას, „ვისი პრობლემა შემიძლია გადავჭრა?“ ფული ნელ-ნელა მიზნიდან შედეგად გადაიქცევა და სწორედ ამ მომენტში იწყებ იმის გააზრებას, რომ ყველაზე ძვირი უნარი ის კი არ არის, რისი გაკეთებაც შეგიძლია. ყველაზე ძვირი უნარია, რომ ადამიანმა დაინახოს, რატომ ღირს ამაში ფულის გადახდა. სწორედ აქ იბადება სიტყვა, რომლის ბევრს ეშინია. გაყიდვა, მაგრამ სანამ ამ სიტყვას განვსჯით, ერთი მცდარი წარმოდგენა უნდა დავანგრიოთ... შესაძლოა, მთელი ცხოვრება ყიდლი... და ამას ვერც კი ხვდებოდი.

თუ სიტყვა „გაყიდვა“ გაღიზიანებს, მართო არ ხარ. როცა პირველად ეს სიტყვა გავიგე, მეც იგივე ვიფიქრე. წარმომედგინა ადამიანი, რომელიც ყველანაირად ცდილობს რაღაც

შემასაღოს. ის, ვინც ბევრს ლაპარაკობს. ვინც არ გისმენს. ვინც მხოლოდ საკუთარ ინტერესზე ფიქრობს. დიდხანს მეც ასე ვფიქრობდი. სანამ ერთ დღეს ერთი რამ არ შევნიშნე. ყველაზე წარმატებულ ადამიანებს, რომლებსაც ვიცნობდი, საკუთარ თავს არასოდეს უწოდებდნენ გამყიდველებს.

- ერთი ექიმი იყო.
- მეორე - ადვოკატი.
- მესამე - არქიტექტორი.
- მეოთხე - მეწარმე.
- მეხუთე - მასწავლებელი.

მაგრამ ყველას ერთი საერთო თვისება ჰქონდა. ადამიანები მათ ენდობოდნენ და როცა ადამიანი გენდობა, შენ უკვე აღარ ყიდი. ადამიანი თავად ყიდულობს. სწორედ აქ მივხვდი, რომ მთელი ცხოვრება არასწორ კითხვას ვსვამდი.

კითხვა არ არის: „როგორ გავყიდო?“

სწორი კითხვაა: „რატომ ყიდულობს ადამიანი?“

ეს ორი კითხვა ერთმანეთს ჰგავს. მაგრამ მათ შორის მთელი სამყაროა. პირველი კითხვა შენზეა. მეორე - ადამიანზე. როგორც კი ყურადღებას საკუთარ თავზე კი არა, ადამიანზე გადაიტან, ყველაფერი იცვლება, მაგრამ აქ კიდევ ერთი შეცდომაა, რომელსაც თითქმის ყველა უშვებს. ადამიანები ფიქრობენ, რომ გადაწყვეტილებას მაშინ იღებენ, როცა პასუხი იპოვეს.

სინამდვილეში...

ადამიანი გადაწყვეტილებას ბევრად ადრე იღებს. პასუხს კი მოგვიანებით იგონებს. ეს წინადადება პირველად რომ წავიკითხე, არ დავიჯერე. მეც მეგონა, ადამიანები ჯერ ფიქრობენ, აანალიზებენ, ერთმანეთს ადარებენ, ყველა პლიუსსა და მინუსს წონიან... და მხოლოდ ამის შემდეგ იღებენ გადაწყვეტილებას, მაგრამ რეალობა გაცილებით უცნაურია. თუ ეს მართლაც ასეა... მაშინ რატომ ყიდულობს ერთი ადამიანი იმ ნივთს, რომელიც საერთოდ არ სჭირდება... და მეორე ვერ ბედავს იყიდოს ის, რაც ნამდვილად სჭირდება? პასუხი ამ კითხვაზე არც ფასშია, არც ხარისხში და რეკლამაში. პასუხი იმ ადგილას იმალება, რომელსაც ადამიანების უმეტესობა საერთოდ ვერ ხედავს. ჩვენი გადაწყვეტილებები იბადება იქ, სადაც სიტყვები ჯერ კიდევ არ არსებობს და სანამ ამ ადგილს არ გაიცნობ, ვერასოდეს მიხვდები, რატომ ამბობენ ადამიანები ერთს და აკეთებენ სრულიად სხვას.

შეიძლება ახლა ამ წიგნს სამსახურში შესვენებაზე კითხულობ, სახლში ან გზაში. წაიკითხე ეს გვერდი და ერთი წუთით აღარ გააგრძელო. უბრალოდ საკუთარ თავს

შეხედუ. ღღეს რა გააკეთე ისეთი, რამაც შენი ცხოვრება ერთი ნაბიჯით წინ წასწია? არა სხვისი, შენი....

რამდენი გადაწყვეტილება მიიღე ღღეს?

მათგან რამდენი მიიღე შეგნებულად?

რამდენი იყო ჩვევა?

რამდენი - შიში?

რამდენი - იმიტომ, რომ "ასეა საჭირო"?

ახლა უფრო რთულ კითხვას დაგისვამ. ბოლოს როდის დაფიქრდი იმაზე, რატომ აკეთებ იმას, რასაც ყოველდღე აკეთებ? არა იმიტომ, რომ ფული გჭირდება. ეს პასუხი ძალიან მარტივია. უფრო ღრმად ჩადი. რატომ მუშაობ იმ საქმეში, სადაც მუშაობ? რატომ ცხოვრობ იმ რიტმით, რომლითაც ცხოვრობ? რატომ ეთანხმები იმას, რასაც ეთანხმები? და ყველაზე რთული...

თუ ხვალ დილით ყველაფრის თავიდან დაწყების უფლება მოგცეს, იმავე ცხოვრებას აირჩევ?

თუ პასუხი "კია" - შესანიშნავია. მაგრამ თუ ერთი წამით მაინც დაფიქრდი... მაშინ ეს წიგნი შენთვისაა. იმიტომ, რომ პრობლემა ხშირად იმაში კი არ არის, რომ არ ვიცით, რა უნდა გავაკეთოთ. პრობლემა ის არის, რომ იმდენი ხანია ერთი და იმავე ცხოვრებას ვიმეორებთ, საკუთარ გადაწყვეტილებებსაც კი აღარ ვამოწმებთ.

- ვცხოვრობთ.
- ვმუშაობთ.
- ვიღლებით.
- ვიძინებთ.

და ამას ცხოვრებას ვეძახით. მაგრამ... რა მოხდება, თუ აღმოჩნდება, რომ შენი ცხოვრების ყველაზე მნიშვნელოვანი გადაწყვეტილებები... შენ საერთოდ არ მიგიღია? რა მოხდება, თუ ისინი შენამდე მიიღეს?

- ოჯახმა.
- გარემომ.
- საზოგადოებამ.
- შიშმა.
- ჩვევამ.

და შენ უბრალოდ მათი შესრულება გააგრძელებ....

თუ ეს სიმართლეა, მაშინ ჩნდება ყველაზე საშიში კითხვა: შენ მართლა შენს ცხოვრებას ცხოვრობ? თუ იმ ცხოვრებას, რომელიც ოდესღაც ვიღაცამ შენთვის აირჩია?

შეიძლება ახლა ერთი რამ იფიქრე. „ეს ჩემზე არ არის. “ზუსტად ასე ვფიქრობდი მეც. მეგონა, ჩემს ცხოვრებას მე ვმართავდი. ჩემს გადაწყვეტილებებს მე ვიღებდი. ჩემს აზრებს მე ვფიქრობდი, მაგრამ ერთმა კითხვამ ყველაფერი თავდაყირა დააყენა. თუ მართლა შენ იღებ ყველა გადაწყვეტილებას, მაშინ რატომ მეორდება შენს ცხოვრებაში ერთი და იგივე შედეგი? რატომ გიყვარდება ხშირად ერთი და იგივე ტიპის ადამიანები? რატომ ხვდები ისევ იმავე შეცდომებში? რატომ გაძლევს ცხოვრება სხვადასხვა ღეკორაციას, მაგრამ თითქმის ყოველთვის ერთსა და იმავე სცენარს? ეს შემთხვევითობაა? თუ არსებობს რაღაც, რასაც ვერ ხედავ? წარმოიდგინე, რომ მთელი ცხოვრება მანქანას მართავ. გგონია, საჭე შენს ხელშია, მაგრამ ერთ დღეს გაიგებ, რომ მისამართი წლების წინ უკვე ვიღაცას შეუყვანია. შენ მხოლოდ გაზს აჭერ. საშინელი შეგრძნებაა, არა? ახლა ყველაზე მძიმე კითხვა. ბოლოს როდის მიიღე ისეთი გადაწყვეტილება, რომელიც ნამდვილად შენი იყო?

- არა იმიტომ, რომ მშობლებს უნდოდათ.
- არა იმიტომ, რომ საზოგადოება ასე ფიქრობს.
- არა იმიტომ, რომ "ასეა მიღებული".
- არამედ იმიტომ, რომ ეს შენი გადაწყვეტილება იყო.

შეიძლება ამ კითხვაზე პასუხი არ გქონდეს. და იცი რატომ? იმიტომ, რომ ადამიანების უმეტესობა მთელი ცხოვრება პასუხებს ეძებს... ისე, რომ კითხვაც კი არასოდეს დაუსვამს.

თუ ამ წუთას ფიქრობ, რომ ეს ყველაფერი გაზვიადებულია... მინდა ერთი პატარა ექსპერიმენტი ჩაატარო. არაფრის დაწერა არ არის საჭირო. არც ვინმესთვის რამის დამტკიცება. უბრალოდ საკუთარ თავს უპასუხე, რატომ გაცვია ის ტანსაცმელი, რომელიც ახლა გაცვია? პირველი პასუხი, ალბათ, ასეთი იქნება: „იმიტომ, რომ მომწონს. “კარგი. მაშინ შემდეგი კითხვები:

- რატომ მოგწონს?
- რატომ არა სხვა ფერი?
- რატომ არა სხვა სტილი?
- რატომ არა სხვა ბრენდი?
- ვინ გასწავლა, რომ ეს ლამაზია?

ახლა კიდევ უფრო შორს წავიდეთ.

რატომ ცხოვრობ იმ ქალაქში, სადაც ცხოვრობ?

რატომ მუშაობ იმ საქმეში, სადაც მუშაობ?

რატომ ფიქრობ ფულზე ისე, როგორც ფიქრობ?

და ყველაზე უცნაური...

ეს აზრები მართლა შენია?

თუ ისინი უბრალოდ იმდენჯერ გაიმეორე, რომ საკუთარ აზრებად მიიღე?

ბავშვს თუ ყოველდღე ეტყვი, რომ არაფერი გამოუვა...

დიდი შანსია, ერთ დღეს თვითონაც ამას დაიჯერებს, მაგრამ იმ დღეს, როცა ამას იტყვის, დარწმუნებული იქნება, რომ ეს მისი აზრია.

არადა...

ეს აზრი მას ეკუთვნის?

თუ უბრალოდ ოდესღაც ვიღაცამ ჩაუდო?

რამდენი ასეთი აზრი ცხოვრობს შენში?

რამდენი გადაწყვეტილება მიგიღია მხოლოდ იმიტომ, რომ სხვა გზა არასოდეს გინახავს?

რამდენ ოცნებაზე თქვი უარი არა იმიტომ, რომ შეუძლებელი იყო... არამედ იმიტომ, რომ ოდესღაც ვიღაცამ გითხრა: „ეს შენთვის არ არის. “ყველაზე საშიში ტყუილი, რომელსაც ადამიანი საკუთარ თავს ეუბნება, ძალიან მშვიდად ჟღერს. ის არ ყვირის, არ გემუქრება, უბრალოდ ჩურჩულებს:

„ასეთი ვარ. “

და სწორედ ამ ორი სიტყვის გამო, ადამიანები წლების განმავლობაში ერთსა და იმავე ცხოვრებას ცხოვრობენ. მაგრამ...

რა მოხდება, თუ "ასეთი ვარ" საერთოდ არ არსებობს?

რა მოხდება, თუ ეს მხოლოდ ისტორიაა, რომელსაც ყოველდღე საკუთარ თავს უყვები?

ახლა კი მინდა, შემდეგ გვერდზე გადასვლამდე ერთი ბოლო კითხვა დაგრჩეს. შეიძლება სწორედ ეს კითხვა გახდეს ყველაზე ძვირად ღირებული კითხვა, რომელიც ოდესმე დაგისვამს. დღეს, რომ ყველა შენი შეხედულება წაგართვან...

რა დარჩება ისეთი, რაც ნამდვილად შენია?

...იქნებ ყველაზე დიდი ტყუილი, რომელსაც მთელი ცხოვრება ვიჯერებთ, საერთოდ სხვაა. გვასწავლეს, რომ თუ ბევრს ვისწავლით, ყველაფერი გამოვა. თუ ბევრს

ვიშრომებით, აუცილებლად დაგვაფასებენ. თუ პატიოსნები ვიქნებით, სამყარო სამართლიანად მოგვექცევა.

ლამაზი აზრებია, მაგრამ...

რამდენჯერ მომხდარა, რომ ყველაფერი სწორად გააკეთე... და მაინც წააგე? არ მეჩქარება პასუხის გაცემა, იმიტომ, რომ შენც იცი, ეს მომხდარა და არა ერთხელ. მაშინ ჩნდება კითხვა, რომელსაც ადამიანები მთელი ცხოვრება გაურბიან. რა მოხდება, თუ პრობლემა არც შენშია... და არც სამყაროში? რა მოხდება, თუ პრობლემა საერთოდ სხვა ადგილას იმალება?

წარმოიდგინე ორი ადამიანი. ორივეს ერთნაირი ცოდნა აქვს. ერთნაირი გამოცდილება. ერთნაირი შესაძლებლობები. ორივე ერთსა და იმავე დღეს იწყებს. ხუთი წლის შემდეგ ერთი მილიონებს გამოიმუშავებს. მეორე კი ისევ ამბობს: „ცხოვრებაში არ გამიმართლა. “სად გაჩნდა ეს განსხვავება? პირველ დღეს? მეხუთე წელს? თუ იმ გადაწყვეტილებაში, რომელსაც მაშინ არცერთმა მათგანმა მნიშვნელობა არ მიაანიჭა?

ადამიანების უმეტესობა დიდ გადაწყვეტილებებს ეძებს. ფიქრობენ, რომ ცხოვრებას ერთი დიდი ნაბიჯი ცვლის. სინამდვილეში...

ცხოვრებას თითქმის ყოველთვის პატარა გადაწყვეტილებები ცვლის. ისინი, რომლებსაც საერთოდ არ ვამჩნევთ. სწორედ ამიტომ არის საშიში. საფრთხეს ვერ ხედავ. ვერც მაშინ, როცა პირველად იტყვი: „ხვალიდან დავიწყებ. “ვერც მაშინ, როცა იტყვი: „ჯერ მზად არ ვარ. “ვერც მაშინ, როცა საკუთარ თავს ეტყვი: „ცოტა კიდევ მოვიცდი. “ამ სიტყვებში თითქოს არაფერია, მაგრამ...

შენი ცხოვრება, რომ ფილმი იყოს და ყველა ასეთი წინადადება შეინახო... ნახავ, რომ სწორედ ისინი წერდნენ სცენარს.


- არა დიდი გადაწყვეტილებები.
- არა ბედისწერა.
- არა იღბალი.

სწორედ ეს პატარა, თითქოს უმნიშვნელო ფრაზები. ახლა მინდა, საკუთარ თავს კიდევ ერთი კითხვა დაუსვა და გთხოვ, სწრაფად ნუ უპასუხებ.

შენი დღევანდელი ცხოვრება...

შენი ოცნებების შედეგია თუ შენი ყოველდღიური ჩვევების?

თუ ამ ორს შორის განსხვავებას ჯერ ვერ ხედავ... ნუ იჩქარებ, რადგან შემდეგი გვერდი სწორედ იმაზეა.



არსებობს ერთი უხილავი ძალა, რომელიც შენს ცხოვრებას უფრო მეტად მართავს, ვიდრე ნებისყოფა, მოტივაცია და მიზნები ერთად და ყველაზე უცნაური იცი რა არის? შესაძლოა, ამ ძალას ყოველდღე ემორჩილები... ისე, რომ მისი არსებობის შესახებ არც კი იცი.

...შეიძლება ყველაზე ძვირი შეცდომა ის არ არის, რასაც ვაკეთებთ. შეიძლება ყველაზე ძვირი შეცდომა ის არის, რაც არასოდეს დაგვიყენებია ეჭვქვეშ. ბავშვობაში გასწავლეს:

- როგორ უნდა გელაპარაკა.
- როგორ უნდა ჩაგეცვა.
- როგორ უნდა მოქცეულიყავი.
- რა იყო კარგი.
- რა იყო ცუდი.
- რა იყო წარმატება.
- რა იყო სირცხვილი.

შენ ეს ყველაფერი დაიჯერე. არც იმიტომ, რომ სისულელე იყო. არც იმიტომ, რომ სიმართლე იყო. უბრალოდ... სხვა არჩევანი არ გქონდა, მაგრამ ახლა ერთი კითხვა მაქვს.

რომელი აზრია ნამდვილად შენი? ნუ იჩქარებ...

ეს ბევრად რთული კითხვაა, ვიდრე ერთი შეხედვით ჩანს. შეიძლება ორმოცი წლის ხარ, შეიძლება ოცი, შეიძლება სამოცი და მთელი ამ დროის განმავლობაში... ერთხელაც არ დაგისვამს ეს კითხვა. შეიძლება ფიქრობ, რომ ფული გინდა, მაგრამ... მართლა ფული გინდა? თუ ის თავისუფლება, რომელსაც ფული გაძლევს? შეიძლება დიდი სახლი გინდა, მაგრამ... მართლა სახლი გინდა? თუ ის განცდა, რომ ბოლოს და ბოლოს „მივადწიე“? შეიძლება საერთოდ არ ეძებ იმას, რასაც მთელი ცხოვრება მისდევ და თუ ეს ასეა... ვის ცხოვრებას ცხოვრობ?

ერთი წუთით წარმოიდგინე. ხვალ დილით იღვიძებ.

- არ გახსოვს შენი პროფესია.
- არ გახსოვს შენი სტატუსი.
- არ გახსოვს, რამდენი ფული გაქვს.
- არ გახსოვს, რას ელოდებიან შენგან.

მხოლოდ ერთი რამ იცი. შეგიძლია თავიდან აირჩიო, ზუსტად იმავე ცხოვრებას აირჩევდი? თუ პასუხი არაა...

მაშინ ძალიან ცუდი ამბავი მაქვს. შესაძლოა, პრობლემა სამსახურში საერთოდ არ არის, არც ხელფასში, არც უფროსში, არც ქვეყანაში. პრობლემა შეიძლება იმ ადამიანშია, რომელსაც ყოველ დილით სარკეში უყურებ. არა იმიტომ, რომ ის სუსტია. არა იმიტომ, რომ უნიჭოა. არამედ იმიტომ, რომ... მას წარმოდგენაც არ აქვს, ვინ მართავს მის ცხოვრებას. ეს წინადადება პირველად რომ წავიკითხე, გავბრაზდი. ვიფიქრე, სისულელეა. „რა თქმა უნდა, ჩემს ცხოვრებას მე ვმართავ.“, მაგრამ მერე ერთი ექსპერიმენტი ჩავატარე. ერთი კვირის განმავლობაში ყველა ჩემი გადაწყვეტილება ჩავიწერე. ყველა.

- როდის გავიდვიძე.
- რატომ გავიდვიძე.
- რატომ დავლიე ყავა.
- რატომ შევამოწმე ტელეფონი.
- რატომ ვთქვი "არა".
- რატომ ვთქვი "კი".

და მეშვიდე დღეს... ფურცელს დიდხანს ვუყურებდი, იმიტომ, რომ პირველად ცხოვრებაში რაღაც დავინახე, რაღაც ისეთი... რისი დანახვაც აღარ შემეძლო. თუ მეც

დავინახე... დიდი ალბათობით, შენც დაინახავ, მაგრამ გაფრთხილებ. როგორც კი ამას დაინახავ... უკან დაბრუნებას ვეღარ შეძლებ, იმიტომ, რომ არსებობს სიმართლე, რომელიც ადამიანს ორ ნაწილად ყოფს. იმად, ვინც მანამდე იყო და იმად, ვინც ამის შემდეგ ხდება. შემდეგ გვერდებზე სწორედ ამ სიმართლის შესახებ დავიწყებთ საუბარს...

...არსებობს ერთი კითხვა, რომლის დასმასაც ადამიანების უმეტესობა მთელი ცხოვრება გაურბის. არც იმიტომ, რომ პასუხი არ იცის, არამედ იმიტომ, რომ ეშინია. თუ დღეს ზუსტად იმდენ ფულს გამოიმუშავებ, რამდენსაც გამოიმუშავებ... შეიძლება ეს შემთხვევითი საერთოდ არ არის? იქნებ შენი შემოსავალი, შენი გადაწყვეტილებების ანარეკლია. არა დღევანდელის, არამედ იმ გადაწყვეტილებების, რომლებიც წლების წინ მიიღე. ან საერთოდ...არ მიიღე.

- ერთი გადაწყვეტილება.
- ერთი გადაღებული ზარი.
- ერთი შეუსრულებელი იდეა.
- ერთი შიში.
- ერთი "მერე".

შესაძლოა, სწორედ იქ დაიწერა შენი მომდევნო ხუთი წელი, მაგრამ იმ მომენტში ამას ვერ ხედავდი. არც მე ვხედავდი. ადამიანი არასოდეს გრძნობს, რომ მისი ცხოვრება ახლა იცვლება. ის ამას მხოლოდ წლების შემდეგ ხვდება. ყველაზე საშიში გადაწყვეტილებები კი ის არის, რომლებსაც საერთოდ არ იღებ. როდესაც არაფერს ცვლი, ესეც გადაწყვეტილებაა. როდესაც რისკზე არ მიდიხარ, ესეც გადაწყვეტილებაა. როდესაც სწავლას გადადებ, ესეც გადაწყვეტილებაა. როდესაც ამბობ: „ჯერ მზად არ ვარ.“ ეს წინადადება ხშირად წლები ღირს. მერე კი საკუთარ თავს უმეორებ: „ასეთი ბედი მქონდა.“ მართლა? თუ უბრალოდ, ბედს დაარქვი ის, რაც სინამდვილეში შენი გადაწყვეტილებების ჯამი იყო?

ახლა მინდა, საკუთარ თავს ყველაზე უხერხული კითხვა დაუსვა. ბოლო ხუთი წლის განმავლობაში რომელმა მიღებულმა გადაწყვეტილებამ გაგამდიდრა?

თუ ერთი ვერ გაიხსენე, მაშინ მეორე კითხვა მაქვს. რამდენი გადაწყვეტილება მიგიღია მხოლოდ იმისთვის, რომ არაფერი დაგეკარგა და რამდენი იმისთვის, რომ რაღაც მოგეგო? ეს ორი ადამიანი სრულიად განსხვავებულ ცხოვრებას ცხოვრობს. პირველი მთელი ცხოვრება თავს იცავს. მეორე მთელი ცხოვრება ქმნის და იცის, ყველაზე უცნაური რა არის? ორივეს ჰგონია, რომ სწორად იქცევა. იმ დღეს, როცა ეს განსხვავება პირველად დავინახე, მივხვდი, რომ ფულის შოვნა ეკონომიკის საკითხი კი არა, გადაწყვეტილების მიღების საკითხია, მაგრამ აქ კიდევ უფრო დიდი საიდუმლო იმალება. რა მოხდება, თუ გადაწყვეტილებების უმეტესობას საერთოდ შენ არ იღებ? თუ ასეა, მაშინ ვინ იღებს?

მოდის, ახლა ერთი წუთით ყველა თეორია გვერდზე გადავდეთ. არც მოტივაცია, არც პოზიტიური აზროვნება, არც ბედისწერა, მხოლოდ ფაქტები. თუ დღეს თვეში 1 000 ლარს გამოიმუშავებ, მაშინ ბაზარი ამბობს, რომ ამ მომენტში შენი ღირებულება დაახლოებით 1 000 ლარია. თუ 5 000-ს გამოიმუშავებ, ბაზარი სხვაგვარად გაფასებს. თუ 50 000-ს... ისევ სხვაგვარად. ეს არ ნიშნავს, რომ როგორც ადამიანი, უფრო ძვირი ან იაფი ხარ. ეს ნიშნავს, რომ ბაზარი ასე აფასებს იმ ღირებულებას, რომელსაც დღეს ქმნი. მწარეა? ძალიან ხო? მაგრამ სიმართლე თითქმის ყოველთვის მწარეა. ბაზარს არ აინტერესებს, რამდენჯერ გიღალატეს. არ აინტერესებს, რამდენი უსამართლობა გადაიტანე. არ აინტერესებს, რამდენად კარგი ადამიანი ხარ. ფული ემოციებზე არ მოძრაობს. ფული ღირებულებაზე მოძრაობს. აქ ყველაზე დიდი შეცდომა იწყება. ადამიანები ცდილობენ გაზარდონ შემოსავალი... ისე, რომ საკუთარი ღირებულება საერთოდ არ გაუზრდიათ. ეს ჰგავს ადამიანს, რომელიც თვეში ერთხელ იწონის თავს, მაგრამ მთელი თვე ერთსა და იმავეს აკეთებს და მაინც ელოდება, რომ სასწორი სხვა რიცხვს აჩვენებს. შედეგი არასოდეს შეიცვლება, თუ მიზეზი არ შეიცვალა. ამიტომ, სანამ საკუთარ თავს ჰკითხავ:

"როგორ ვიშოვო მეტი ფული?"

სხვა კითხვა უნდა დასვა.

"რატომ უნდა გადამიხადოს სამყარომ მეტი?"

თუ ამ კითხვაზე პასუხი არ გაქვს, არც ფული მოვა და თუ მოვა, დიდხანს ვერ დარჩება. რადგან ფული ყოველთვის მიჰყვება ღირებულებას და არასოდეს - სურვილს. ყველაზე დიდი შეცდომა, რომელსაც ადამიანები უშვებენ, არის ის, რომ უნარების განვითარებაზე ნაკლებ დროს ხარჯავენ, ვიდრე ხელფასის გაზრდაზე ფიქრზე.

ეს უკვე აღარ არის მოტივაცია.

ეს არის ცივი რეალობა.

და სწორედ ასეთი რეალობა აიძულებს მკითხველს საკუთარ თავს ჰკითხოს: "თუ ბაზარი მართლა ასე მუშაობს... მაშინ რომელი უნარის განვითარებაში უნდა ჩავდო შემდეგი ერთი წელი?"

- იპოვე შენი ნიჭი;
- აქციე ის უნარად;
- ისწავლე მისი სწორად კომუნიკაცია;
- და ბოლოს - გაყიდვა უბრალოდ ამ ღირებულების გადაცემის პროცესია.

ადამიანები პასუხს ძალიან ადრე ეძებენ და ამიტომაც, თითქმის ყოველთვის არასწორ პასუხს პოულობენ. ყველას უნდა იცოდეს: როგორ ვიშოვო მეტი ფული? მაგრამ ძალიან ცოტა ადამიანი სვამს კითხვას: რა პრობლემას ვაგვარებ ისეთს, რომ ვიღაცას ამისთვის ფულის გადახდა მოუხდეს? ეს ორი კითხვა ერთმანეთს ჰგავს, მაგრამ მათ შორის მილიონებია.

როდესაც პირველად დავიწყე გაყიდვები, ერთი შეცდომა მეც დავუშვი. ვფიქრობდი, რომ ადამიანები პასუხების საყიდლად მოდიოდნენ. ვცდებოდი. ადამიანი პასუხს მხოლოდ მაშინ ყიდულობს, როცა ჯერ საკუთარ პრობლემას აღიარებს. ეს კი ძალიან იშვიათად ხდება. თუ ადამიანს არ სჯერა, რომ პრობლემა აქვს, ვერაფერს მიჰყიდი. თუ სჯერა, რომ პრობლემა აქვს, მაგრამ არ ესმის, სადამდე მიიყვანს, ისევ ვერაფერს მიჰყიდი. თუ ესმის, მაგრამ ფიქრობს, რომ არაფერი შეიცვლება, ისევ ვერაფერს მიჰყიდი. აი, სწორედ ამიტომ არ ყიდულობენ ადამიანები პროდუქტს. ისინი ყიდულობენ იმ მომენტში, როცა საკუთარ თავს ეუბნებიან: "ასე გაგრძელება აღარ მინდა."

აი, ახლა მინდა, საკუთარ თავზე იფიქრო.

- არა ჩემზე.
- არა ამ წიგნზე.

შენზე. თუ დღეს შენს ცხოვრებაში არაფერი შეიცვალა, როგორი იქნება შენი ცხოვრება ხუთ წელიწადში?

- იგივე სამსახური?
- იგივე შემოსავალი?
- იგივე წუწუნი?
- იგივე დაღლა?
- იგივე ოცნებები, რომლებსაც ისევ "მომავალ წელს" გადადებ?


გახსოვდეს ერთი რამ. გადავადებული გადაწყვეტილება, ესეც გადაწყვეტილებაა. ბაზარი არ გსჯის. ის უბრალოდ ითვლის.

- დღეებს.
- თვეებს.
- წლებს.

და ბოლოს იმ შედეგს გაჩვენებს, რომელიც შენმა ყოველდღიურმა არჩევანმა შექმნა.

სწორედ ამიტომ არ გთხოვ, დამიჯერო. არც იმას გთხოვ, რომ ჩემი აზრი მიიღო. მე მხოლოდ ერთი რამ მინდა. ამ წიგნის დასრულების შემდეგ, ისეთ კითხვებს ვეღარ გაექცე, რომლებსაც აქამდე მთელი ცხოვრება გაურბოდი. იმიტომ, რომ, ადამიანის

ცხოვრება მაშინ არ იცვლება, როცა ახალ პასუხს პოულობს. ცხოვრება მაშინ იცვლება, როცა პირველად სწორ კითხვას სვამ.



...არსებობს ერთი კანონი, რომელიც ცხოვრებაში თითქმის ყველაფერზე მოქმედებს. ვინც ამ კანონს ვერ გაიგებს, მთელი ცხოვრება იფიქრებს, რომ ადამიანები გადაწყვეტილებებს ლოგიკით იღებენ. სინამდვილეში კი, ადამიანები იშვიათად იღებენ გადაწყვეტილებას იმიტომ, რომ ვიღაცამ დაარწმუნა. გადაწყვეტილებას მაშინ იღებენ, როცა საკუთარ თავთან ბრძოლას წყვეტენ. ამ განსხვავებას წლები ვერ ვხედავდი.

- ვფიქრობდი, თუ უკეთ ავუხსნიდი...
- თუ მეტ არგუმენტს მოვიყვანდი...
- თუ უკეთეს ფასს შევთავაზებდი...

ადამიანი აუცილებლად დამეთანხმებოდა. არადა, ვცდებოდი. მივხვდი, რომ ყველაზე ძლიერი არგუმენტი, რომელიც ადამიანს შეუძლია მოისმინოს, მისი საკუთარი ხმაა. იმ დღიდან ლაპარაკი თითქმის შევწყვიტე და კითხვების დასწავლა დავიწყე, მაგრამ არა იმიტომ, რომ კითხვები რაიმე ჯადოსნური ტექნიკაა. არამედ იმიტომ, რომ, კითხვა ადამიანს ფიქრს აიძულებს. ხოლო ადამიანი, რომელიც ფიქრს იწყებს, ადრე თუ გვიან, საკუთარ სიმართლესაც პოულობს. სწორედ აქ მივხვდი ერთ ძალიან უცნაურ რამეს.

ადამიანს არ შეუძლია პრობლემის გადაწყვეტა, რომლის არსებობასაც არ აღიარებს. ეს შეუძლებელია.

- შეგიძლია მთელი დღე ელაპარაკო.
- შეგიძლია ფაქტები აჩვენო.
- შეგიძლია მაგალითები მოუყვე.
- შეგიძლია უფასოდაც კი მისცე გამოსავალი.

თუ საკუთარ თავს არ ეტყვის: „დაიხ... პრობლემა ნამდვილად მაქვს. “არაფერი შეიცვლება.

ახლა შენზე მინდა გკითხო. რამდენჯერ გითქვამს: „მეტი ფული მინდა. “ალბათ ბევრჯერ, მაგრამ რამდენჯერ გიკითხავს საკუთარი თავისთვის: რატომ არ მაქვს? არა, ეს კითხვა არ არის.

- „იმიტომ, რომ ქვეყანაში რთული მდგომარეობაა. “ეს პასუხია.
- „იმიტომ, რომ უფროსი არ მაფასებს. “ესეც პასუხია.
- „იმიტომ, რომ კავშირები არ მაქვს. “ისეც პასუხია.

მე კითხვა დაგისვია. რატომ არ მაქვს? ხედავ, რა ხდება? ადამიანების უმეტესობა პასუხებით ცხოვრობს. ძალიან ცოტა ადამიანი ცხოვრობს კითხვებით. სწორედ ამიტომაც ძალიან ცოტას ეცვლება ცხოვრება. წლების განმავლობაში ათასობით ადამიანს შევხვდი. მათ შორის იყვნენ ადამიანები, რომლებსაც ფულის პრობლემა ჰქონდათ, მაგრამ თითქმის არც ერთს არ ჰქონდა ფულის პრობლემა:

- ჰქონდათ გადაწყვეტილებების პრობლემა.
- ჰქონდათ პასუხისმგებლობის პრობლემა.
- ჰქონდათ ხედვის პრობლემა.

და რაც ყველაზე ხშირად შემხვედრია, ჰქონდათ არასწორ კითხვებზე ნაპოვნი სწორი პასუხები. ეს ყველაზე საშიში მდგომარეობაა. როცა დარწმუნებული ხარ, რომ მართალი ხარ, სწორედ მაშინ აღარ ეძებ სიმართლეს.

მაშინ საკუთარ თავს ერთი პირობა დავუდე. აღარასოდეს ვიჩქარებდი პასუხის მიცემას. ჯერ კითხვას ვიპოვიდი. იმიტომ, რომ მთელი ჩემი ცხოვრების განმავლობაში ერთი რამ დავინახე. ადამიანები არასოდეს ყიდულობენ პასუხს, სანამ სწორ კითხვას არ იპოვიან და მაშინ მივხვდი, ფულის შოვნა არც გაყიდვებიდან იწყება. ფულის შოვნა იწყება იმ კითხვიდან, რომელსაც საკუთარ თავს ყოველდღე უსვამ. თუ მთელი დღე საკუთარ თავს ეკითხები:

- "როგორ გადავრჩე?" შენი ტვინი გადარჩენის გზებს მოძებნის.
- "როგორ გავიზარდო?" ზრდის შესაძლებლობებს დაინახავ.

- "როგორ ვიშოვო მეტი?" შეიძლება მეტიც იშოვო.

მაგრამ, თუ ერთხელ მაინც გაბედავ და საკუთარ თავს ჰკითხავ:

"როგორ გავხდე ისეთი ადამიანი, რომლისთვისაც მეტი ფულის გადახდა ბუნებრივი იქნება?"...იმ დღიდან შენს ცხოვრებაში ყველაზე მნიშვნელოვანი ცვლილება დაიწყება.

ერთხელ ერთი საინტერესო რამ შევამჩნიე. ორი ადამიანი ერთსა და იმავე ფრაზას ისმენდა.

პირველი მაშინვე ამბობდა:

- არა, არ მაინტერესებს.

მეორე კი რამდენიმე წუთში უკვე ყიდულობდა.

დიდხანს ვფიქრობდი, რა იყო განსხვავება. პროდუქტი ერთი იყო. ფასი ერთი იყო. საუბარიც თითქმის ერთი. მაშინ რატომ მიიღო ორმა ადამიანმა სრულიად განსხვავებული გადაწყვეტილება? პასუხი სიტყვებში არ აღმოჩნდა. პასუხი იმაში აღმოჩნდა, რას აკეთებდა ეს სიტყვები ადამიანის ტვინში. იმ დღეს მივხვდი, რომ ყოველი წინადადება ერთნაირად არ მოქმედებს. არსებობს ფრაზები, რომლებიც უბრალოდ ინფორმაციას გადასცემს. და არსებობს ფრაზები, რომლებიც ფიქრს იწყებს. მოდი, რამდენიმე მაგალითი ვნახოთ.

თუ ვეტყვი:

„თუ რამე მოხდება..." ადამიანის ტვინი მომავლის წარმოდგენას იწყებს.

თუ ვკითხავ:

„დღეს თუ არა, როდის?" ის უკვე გადაწყვეტილების გადადებაზე იწყებს ფიქრს.

თუ ვკითხავ:

„სხვა კომპანიასთან რატომ დარჩით?" მისი ტვინი ავტომატურად იწყებს შედარებას.

თუ ვეტყვი:

„ყველაფერი თქვენი გადასაწყვეტია." ყველაზე საინტერესო რამ ხდება. ადამიანი კონტროლს გრძნობს და სწორედ ამ მომენტში წინააღმდეგობა მცირდება.

შეამჩნიე?

არცერთ წინადადებაში არ ვცდილობ ადამიანის დარწმუნებას. მე მხოლოდ მის აზროვნებას ვაძლევ მიმართულებას. ეს კი ორი სრულიად განსხვავებული რამ არის.

გახსოვს, ბოლოს როდის გითხრა ვინმემ: „ ძვირია. “

თუ გაყიდვებში ხარ, ეს ალბათ ასჯერ მაინც მოგისმენია. თავიდან მეც მეგონა, რომ ეს ფულს ნიშნავდა. მერე შევამჩნიე, რომ ყველაზე ხშირად ამ სიტყვებს ის ადამიანები ამბობდნენ, რომლებიც რამდენიმე დღეში ბევრად უფრო ძვირ პროდუქტს ყიდულობდნენ, მაშინ საკუთარ თავს ერთი კითხვა დავუსვი:

თუ პრობლემა ფულია... რატომ ყიდულობს მერე? პასუხი იმ სიტყვაში არ იყო. პასუხი იმ აზრში იყო, რომელიც ამ სიტყვის უკან იდგა.

ამის შემდეგ ადამიანებზე დაკვირვება დავიწყე. არა იმაზე, რას ყიდულობდნენ, არამედ იმაზე, რას ამბობდნენ და ნელ-ნელა ერთი უცნაური კანონზომიერება დავინახე. ადამიანები არასოდეს ამბობენ მხოლოდ იმას, რასაც ამბობენ. მათი სიტყვები მათი აზროვნების ჩრდილია.

- თუ ვიღაც მუდმივად რისკზე ლაპარაკობს, დიდი ალბათობით, უსაფრთხოება მისთვის მთავარი ღირებულებაა.
- თუ ვიღაც ყოველთვის ფასს ეკითხება, შესაძლოა, ფული კი არ ადარდებს, არამედ შეცდომის დაშვების ეშინია.
- თუ ვიღაც გამუდმებით სხვებს ადარებს, შესაძლოა, გადაწყვეტილების მიღების პასუხისმგებლობას გაურბის.

სიტყვები მხოლოდ ზედაპირია. ნამდვილი პასუხი ყოველთვის სიდრმეშია. სწორედ აქ შევცვალე ერთი ჩვევა. აღარ ვუსმენდი იმას, რას მეუბნებოდა ადამიანი. ვუსმენდი იმას, რას ამხელდა საკუთარ თავზე და რაც უფრო მეტ ადამიანს ვესაუბრებოდი, მით უფრო ვრწმუნდებოდი ერთ რამეში. ადამიანი არასოდეს გეუბნება მხოლოდ ინფორმაციას. ის გიჩვენებს, როგორ ფიქრობს.

ახლა მოდი, საკუთარ თავზე გადავიდეთ. ამ წიგნს რომ კითხულობ, შენც ხომ რაღაცას ეუბნები საკუთარ თავს?

- "ეს რთულია."
- "ეს ჩემზე არ არის."
- "ამას ხვალ წავიკითხავ."
- "ეს უკვე ვიცოდი."

გიფიქრია... რომ შესაძლოა, ეს ფრაზები უბრალოდ სიტყვები არ არის? შესაძლოა, ეს არის ის პროგრამა, რომელიც შენს მომავალს წერს.

- შენი სიტყვები ავლენს შენს აზროვნებას.
- შენი აზროვნება წარმოშობს შენს გადაწყვეტილებებს.
- შენი გადაწყვეტილებები ქმნის შენს ქმედებებს.
- შენი ქმედებები განსაზღვრავს შენს ფინანსურ შედეგს.
-

ფული არ იშოვება - ფულს იზიდავენ.

ეს წინადადება ბევრს არ მოეწონება, იმიტომ, რომ გვასწავლეს, ფული მძიმე შრომით იშოვება. ნაწილობრივ მართალია, მაგრამ მხოლოდ შრომა, რომ ქმნიდეს სიმდიდრეს, ყველაზე მდიდარი ადამიანები მაღაროელები, მშენებლები და მტვირთავები იქნებოდნენ. რეალობა სხვა რამეს გვაჩვენებს. მაშინ რა იზიდავს ფულს? წლები ვაკვირდებოდი ადამიანებს, რომლებიც ჩემზე ბევრად მეტს გამოიმუშავებდნენ. ვფიქრობდი, რომ ისინი ჩემზე ჭკვიანები იყვნენ. მერე აღმოვაჩინე, რომ ზოგი საერთოდ არ იყო. ვფიქრობდი, რომ უფრო ბევრს მუშაობდნენ. არც ეს აღმოჩნდა სიმართლე. ერთ დღეს კი მივხვდი... ისინი სხვანაირად ფიქრობდნენ.

- არა პოზიტიურად.
- არა მოტივირებულად.
- ეკონომიკურად.

მდიდარი ადამიანი ფულს არასოდეს ეკითხება: "რამდენს ვიშოვი?" ის ჯერ სხვა კითხვას სვამს. "ვის რა პრობლემა აქვს, რომლის გადაჭრაშიც ფულს გადაიხდის?" სწორედ ამ კითხვამ შეცვალა ჩემი ცხოვრებაც. იმ დღიდან აღარ ვეძებდი სამსახურს. ვეძებდი პრობლემებს, იმიტომ, რომ სადაც პრობლემაა, იქ ფულიც არის.

გიფიქრია, რატომ იხდიან ადამიანები 5 ლარს წყალში? და იმავე წყალში, აეროპორტში, 15 ლარს?

წყალი შეიცვალა? არა.

კონტექსტი შეიცვალა და იმ დღეს მივხვდი, ფულის შოვნა ხშირად პროდუქტის შექმნა კი არა, პრობლემის სწორი კონტექსტის პოვნაა.

- ერთი და იგივე ადამიანი.
- ერთი და იგივე ცოდნა.
- ერთი და იგივე უნარი.

ერთ ქალაქში შეიძლება თვეში 1000 ლარს გამოიმუშავებდეს. მეორე ქალაქში - 10000-ს. რატომ? იმიტომ, რომ ღირებულება ფიქსირებული არ არის. ღირებულებას ბაზარი ადგენს. და სწორედ ამიტომ, პირველი კითხვა, რომელიც საკუთარ თავს უნდა დაუსვა, არის არა: "რისი გაკეთება შემიძლია?"

არამედ...


"რისი გაკეთება შემიძლია ისეთის, რაშიც ადამიანები ნებაყოფლობით გადაიხდიან?"

აქ ადამიანების უმეტესობა ჩერდება და ამბობენ:

"არ ვიცი, რისი გაკეთება შემიძლია."

მე ამის არასოდეს მჯეროდა. ყველას რაღაც შეუძლია.

- ვიღაც კარგად წერს.
- ვიღაც კარგად ყიდის.
- ვიღაც უსმენს.
- ვიღაც მოლაპარაკებებს აწარმოებს.
- ვიღაც მანქანებს არჩევს.
- ვიღაც ბავშვებთან მუშაობს.
- ვიღაც ვიდეოებს იღებს.
- ვიღაც პრობლემებს აგვარებს.



საკითხი ის კი არ არის, გაქვს თუ არა უნარი. საკითხია, იცი თუ არა, რომელ პრობლემას აგვარებს ეს უნარი და სწორედ აქ იწყება ფულის მოვნა.

- არა ბანკში.
- არა ოფისში.
- არა ბიზნესში.

ადამიანის პრობლემაში. როდესაც სხვის პრობლემას ხედავ იქ, სადაც სხვები მხოლოდ წუწუნს ხედავენ...ფული უკვე ძალიან ახლოსაა.

შენი ნიჭი შეიძლება უკვე მილიონები ღირდეს...

...უბრალოდ, არასწორ ადგილას ეძებ მყიდველს. ადამიანების უმეტესობა ერთ შეცდომას უშვებს. ისინი ეკითხებიან საკუთარ თავს:

„რა შემოიძლია?“

სინამდვილეში კი სხვა კითხვა უნდა დასვან: „ვის სჭირდება ის, რაც მე შემოიძლია?“

ეს ორი კითხვა ერთმანეთისგან მილიონობით ლარით განსხვავდება. მოდი, რამდენიმე მაგალითი ვნახოთ.

თუ ციფრებთან მეგობრობ...

შესაძლოა, ფიქრობ, რომ მხოლოდ ბუღალტერი შეგიძლია გახდე. სინამდვილეში...

- შეგიძლია კომპანიებს ფინანსური მოდელები შეუქმნა.
- შეგიძლია ინვესტორებისთვის ბიზნესგეგმები მოამზადო.
- შეგიძლია Excel-ის ავტომატიზაციით დაზოგო კომპანიებს ასობით საათი.
- შეგიძლია მცირე ბიზნესებს ფულის მოძრაობა ასწავლო.
- შეგიძლია აუდიტში ან ფინანსურ კონსულტაციაში იმუშაო
- ან თუნდაც შექმნა კომპანია, რომელიც ამ მომსახურებებს გაუწევს.

ადამიანები ციფრებში არ იხდიან ფულს. ისინი იხდიან სწორ გადაწყვეტილებაში.

თუ ვიდეოების გადაღება გიყვარს... დღეს კამერა პროფესია აღარ არის. კამერა ფულის საბეჭდი მანქანაა. თუ იცი როგორ მიიქციო ყურადღება...

შეგიძლია:

- ბიზნესებისთვის Reels გადაიღო;
- TikTok კონტენტი შექმნა;
- YouTube არხები მართო;
- ონლაინ კურსები გადაიღო;
- პროდუქტის ვიდეოები შექმნა;
- პირადი ბრენდები ააშენო.

გახსოვდეს...

ყველა ბიზნესს ერთი პრობლემა აქვს. არავინ იცის, რომ არსებობს. თუ ამ პრობლემას აგვარებ, ძალიან ძვირი ხარ.

თუ კარგად წერ...

შეგიძლია:

- წიგნები.
- რეკლამები.
- სოციალური ქსელები.
- ელფოსტები.
- სცენარები.
- AI-ის პრომპტები.
- ბრენდების ისტორიები.

ერთი კარგი ტექსტი ზოგჯერ იმაზე მეტ ფულს შოულობს, ვიდრე ერთი თვის შრომა.

თუ კარგად ლაპარაკობ...

ნუ ჩათვლი, რომ უბრალოდ კომუნიკაბელური ხარ. ეს ბიზნესის ერთ-ერთი ყველაზე ძვირი უნარია.

შეგიძლია:

- გაყიდვები.
- ტრენინგები.
- მოლაპარაკებები.
- კონსულტაციები.
- პოდეკასტი.
- YouTube.
- სპიკერობა.

თუ კარგად უსმენ...

შეიძლება ვერასოდეს ყოფილხარ სცენაზე, მაგრამ ადამიანები სწორედ შენთან იხსნებიან. ესეც უნარია.

შეგიძლია:

- HR.
- Coach.
- Recruiter.
- Customer Success.
- Account Manager.
- ფსიქოლოგია.
- კონსულტაცია.

თუ მანქანები გიყვარს...

ნუ იფიქრებ მხოლოდ ხელოსნობაზე.

შეგიძლია:

- ავტომობილების შერჩევა.
- იმპორტი.
- აუქციონების ანალიზი.
- YouTube.
- TikTok.
- ავტომობილების შეფასება.
- ავტო-კონსულტაცია.
- ნაწილების ბიზნესი.

თუ ხელით მუშაობა გიყვარს...

დღეს კარგი ხელოსანი ბევრ მენეჯერზე მეტს გამოიმუშავებს.

- ელექტრიკოსი.
- სანტექნიკოსი.
- შემდუღებელი.
- ავეჯის ოსტატი.
- მღებავი.
- მექანიკოსი.

თუ პროფესიონალი ხარ, შეკვეთები შენ გეძებს.

თუ კომპიუტერთან მეგობრობ...

- AI.
- პროგრამირება.
- UX/UI.
- Automation.
- Cyber Security.
- CRM სისტემები.
- No-code პლატფორმები.

ეს სფეროები მხოლოდ ხელფასს არ გაძლევს. ისინი გაძლევს შესაძლებლობას, მთელი მსოფლიოს ბაზარზე გაყიდო შენი ცოდნა.

თუ ადამიანების ორგანიზება გამოგდის...

შენ შეიძლება:

- Project Manager იყო.
- Operations Manager.
- Logistics Manager.
- Event Manager.

ან საკუთარი კომპანია მართო.


თუ სწრაფად სწავლობ... ყველაზე დიდი უპირატესობა უკვე გაქვს. იმიტომ, რომ მომავალში ყველაზე ძვირი პროფესია შეიძლება ჯერ არც არსებობდეს. მაგრამ ადამიანები, რომლებიც სწრაფად სწავლობენ... ყოველთვის მოერგებიან.

ახლა კი ყველაზე მნიშვნელოვანი. წაიკითხე კიდევ ერთხელ ეს სია და შემდეგ ეს კითხვა დაუსვი საკუთარ თავს. რომელ მათგანში ვხედავ საკუთარ თავს? არ აირჩიო ის, სადაც ყველაზე მეტი ფულია. აირჩიე ის, სადაც ყველაზე დიდხანს შეძლებ მუშაობას ისე, რომ ძალით არ აკეთებდე. იმიტომ, რომ... ფული შეიძლება იყო დროებითი მოტივაცია. მაგრამ ოსტატობას... მხოლოდ სიყვარული აჩენს.

ბოლოს ერთი დავალება. აიღე ფურცელი და დაწერე სამი სვეტი.

- რას ვაკეთებ კარგად?
- რა პრობლემას აგვარებს ეს?
- ვინ გადაიხდის ამ პრობლემის მოგვარებაში ფულს?

თუ ამ სამ კითხვაზე გულწრფელ პასუხს იპოვი...შესაძლოა, შენი მომავალი პროფესია უკვე გაქვს. უბრალოდ, აქამდე მისთვის ფასი არ დაგიდია.



ფულის შოვნის ოთხი გზა

წლების განმავლობაში მეგონა, რომ ფულის შოვნის მხოლოდ ერთი გზა არსებობდა.

- სამსახური.

მერე მივხვდი, რომ ეს მხოლოდ ერთ-ერთი გზაა. ადამიანები, რომლებიც ფინანსურად იზრდებიან, ერთსა და იმავე შეცდომას აღარ უშვებენ. ისინი ერთ შემოსავალზე აღარ არიან დამოკიდებული. მათ ესმით, რომ თუ შენი ცხოვრება მხოლოდ ერთი წყაროდან იკვებება... ერთი გადაწყვეტილება საკმარისია, ყველაფერი დაკარგო. ამიტომ, სანამ მილიონებზე იფიქრებ, ჯერ საკუთარ თავს ჰკითხე:

რამდენი შემოსავლის წყარო მაქვს დღეს?

თუ პასუხი ერთია...

რისკის ქვეშ ხარ.

პირველი გზა - გაყიდე შენი დრო

ეს ყველაზე მარტივი გზაა.

- სამსახური.
- ხელფასი.
- საათობრივი ანაზღაურება.

ჩვენს უმეტესობას სწორედ ასე გვასწავლეს ფულის შოვნა. მიდი სამსახურში, იმუშავე, მიიღე ხელფასი და შემდეგი თვე ისევ თავიდან დაიწყე.

ერთი შეხედვით, ამაში ცუდი არაფერია. პირიქით. ბევრი ადამიანისთვის ეს აუცილებელი ეტაპია. მეც ასე დავიწყე.

მაგრამ აქ ერთი უხილავი პრობლემა არსებობს.

დღეში მხოლოდ 24 საათია.

რაც უნდა შრომისმოყვარე იყო, რამდენიც უნდა იმუშაო, ბოლოს ყოველთვის ერთ კედელს შეეჯახები. შენს შემოსავალს შენი დრო ზღუდავს.

თუ საათში 20 ლარს გამოიმუშავებ, მეტი ფულის მისაღებად ორი არჩევანი გაქვს:

- მეტი საათი იმუშაო;
- ან საათობრივი ანაზღაურება გაზარდო.

მაგრამ ორივეს აქვს ზღვარი.

შენ ვერ იმუშავებ 24 საათს. ვერ იმუშავებ კვირაში შვიდივე დღეს წლების განმავლობაში. სხეულს თავისი კანონები აქვს. ენერგიას - თავისი.

სწორედ ამიტომ არსებობს ადამიანები, რომლებიც მთელი ცხოვრება ძალიან ბევრს მუშაობენ... მაგრამ ფინანსურად თითქმის არაფერს იცვლიან.

არა იმიტომ, რომ ზარმაცები არიან.

არა იმიტომ, რომ უნიჭოები არიან.

არამედ იმიტომ, რომ მთელი ცხოვრება ერთსა და იმავე ფორმულას იყენებენ:

დრო = ფული.

ამ ფორმულას კი ერთი სერიოზული ნაკლი აქვს.

როგორც კი მუშაობას წყვეტ...

ფულიც ჩერდება.

წარმოიდგინე, ხვალ დილით გაიღვიძე და გადაწყვიტე, ერთი თვე საერთოდ არ იმუშაო.

რა მოხდება?

ხელფასი შეწყდება.

შემოსავალი გაქრება.

ხარჯები კი ისევ იქ იქნება.

ბინა არ იტყვის: "ამ თვეში არ გადაიხადო."

ბანკი არ დაგელოდება.

კომუნალური გადასახადები არ გაუქმდება.

ცხოვრებას არ აინტერესებს, რამდენი საათი იმუშავე გუშინ.

მას მხოლოდ ერთი კითხვა აქვს:

დღეს რა ღირებულებას ქმნი?

მეორე გზა - გაყიდე შენი ცოდნა

შეიძლება უკვე იცი ის, რისთვისაც ვიღაც მზად არის ფული გადაიხადოს.

- ინგლისური.

- Excel.
- მანქანები.
- გაყიდვები.
- რემონტი.
- მარკეტინგი.
- სამზარეულო.
- ბავშვების აღზრდა.

შეიძლება შენთვის ეს ჩვეულებრივი ცოდნაა.

მაგრამ სხვისთვის...

დროის დაზოგვაა.

და ადამიანები ფულს ძალიან ხშირად სწორედ დროის დაზოგვაში იხდიან.

აქ არის ერთი საინტერესო რამ.

ადამიანი ყოველთვის არ ყიდულობს ცოდნას.

ხშირად ის ყიდულობს იმ გზის შემცირებას, რომელიც შენ უკვე გაიარე.

თუ შენ რაღაცის სწავლას ხუთი წელი მოანდომე და შეგიძლია სხვას ეს გზა ხუთ თვეში აჩვენო, შენ უკვე ღირებულებას ქმნი.

თუ შენ Excel-ში ისეთ ფორმულებს აკეთებ, რაც მცირე ბიზნესს კვირაში რამდენიმე საათს უზოგავს, შენ უბრალოდ Excel არ იცი.

შენ დროს ყიდი.

თუ მანქანებში ერკვევი და ადამიანს ეხმარები, ცუდი არჩევანი არ გააკეთოს, შენ უბრალოდ მანქანებზე არ ლაპარაკობ.

შენ მას შესაძლო დანაკარგს არიდე.

თუ გაყიდვები იცი და კომპანიას ეხმარები მეტი კლიენტი მოიყვანოს, შენ უბრალოდ კომუნიკაციას არ ასწავლი.

შენ შემოსავალს ზრდი.

აი, აქ იწყება ცოდნის ფულად გადაქცევა.

ცოდნა თავისით ფული არ არის.

ბევრმა იცის ბევრი რამ და მაინც ვერ შოულობს.

ფულად იქცევა მხოლოდ ის ცოდნა, რომელიც სხვის პრობლემას აგვარებს.

ამიტომ კითხვა ადარ არის:

„რა ვიცი? “

კითხვა არის:

„ვისთვის არის ჩემი ცოდნა სასარგებლო? “

და კიდევ უფრო მნიშვნელოვანი:

„რა ტკივილს უმსუბუქებს ჩემი ცოდნა სხვას? “

მაგალითად:

თუ ინგლისური იცი, შეგიძლია უბრალოდ თქვა:

„ინგლისურს ვასწავლი. “

მაგრამ ეს სუსტია.

თუ იტყვი:

„დაგეხმარები, სამ თვეში ისე ისაუბრო ინგლისურად, რომ გასაუბრებაზე არ დაიბნე, “

ეს უკვე პრობლემის გადაწყვეტაა.

თუ Excel იცი, შეგიძლია თქვა:

„Excel-ს ვასწავლი. “

მაგრამ თუ იტყვი:

„მცირე ბიზნესებს ვუწყობ მარტივ სისტემას, რომ შემოსავალი, ხარჯი და მოგება ყოველდღე დაინახონ, “

ეს უკვე ფულია.

თუ მანქანები იცი, შეგიძლია თქვა:

„ავტომობილებში ვერკვევი. “

მაგრამ თუ იტყვი:

„დაგეხმარები, მანქანის ყიდვისას ისეთი შეცდომა არ დაუშვა, რომელიც ათასობით ლარს დაგაკარგვინებს, “

ეს უკვე ღირებულებაა.

ხელავ განსხვავებას?

ადამიანები ცოდნაში კი არ იხდიან.

ისინი იხდიან შედეგში, რომელსაც ეს ცოდნა აძლევს.

და სწორედ ამიტომ ზოგჯერ ერთი და იგივე ცოდნა ერთ ადამიანს თვეში 500 ლარს აძლევს, მეორეს კი — 5 000-ს.

განსხვავება ხშირად ცოდნაში არ არის.

განსხვავება შეფუთვაშია.

როგორ წარადგენ.

ვის სთავაზობ.

რა პრობლემას უსვამ წინ.

და რამდენად გასაგებად აჩვენებ ადამიანს, რატომ ღირს ამაში ფულის გადახდა.

სწორედ აქ ხდება ცოდნა შემოსავლის წყარო.

მაგრამ აქაც არის ზღვარი.

თუ შენ ცოდნას მხოლოდ პირისპირ ყიდი, ისევ გარკვეულწილად დროს ყიდი.

გაკვეთილი ჩაატარე - ფული მიიღე.

კონსულტაცია ჩაატარე - ფული მიიღე.

არ ჩაატარე - შემოსავალი შეწყდა.

ეს უკვე უკეთესი გზაა, ვიდრე უბრალოდ დროის გაყიდვა, რადგან შენი საათი უფრო ძვირი ღირს.

მაგრამ მაინც არსებობს შეზღუდვა.

ამიტომ შემდეგი დონეა, როცა შენს ცოდნას სისტემად აქცევ.

მესამე გზა - გაყიდე სისტემა

ეს უკვე სხვა დონეა.

თუ ერთი და იგივე საქმეს ათჯერ აკეთებ... დაწერე პროცესი, გაამარტივე, ავტომატიზაცია გაუკეთე და შემდეგ გაყიდე სისტემა.

ადამიანები დროს ყიდულობენ.

თუ მათ დროს უზოგავ, ფულსაც გადაიხდიან.

სისტემა არის ცოდნა, რომელიც შენს გარეშე მუშაობს.

მაგალითად, თუ Excel კარგად იცი, შეგიძლია ერთ ადამიანს ასწავლო ფორმულები. ეს ცოდნის გაყიდვაა.

მაგრამ თუ შექმნი მზა Excel ფაილს, სადაც მცირე ბიზნესი შემოსავალს, ხარჯს, მოგებას და ნაშთს ავტომატურად დაინახავს — ეს უკვე სისტემაა.

თუ გაყიდვები იცი, შეგიძლია კომპანიას კონსულტაცია გაუწიო.

მაგრამ თუ შექმნი გაყიდვების სკრიპტს, follow-up-ის პროცესს, CRM-ის სტრუქტურას და გუნდის მუშაობის წესს — ეს უკვე სისტემაა.

თუ მანქანებში ერკვევი, შეგიძლია ერთ ადამიანს ურჩიო, რომელი მანქანა იყიდოს.

მაგრამ თუ შექმნი მანქანის შერჩევის ჩეკლისტს, აუქციონზე შეფასების ფორმულას და რისკების შემოწმების მეთოდს — ეს უკვე სისტემაა.

სისტემა ადამიანს აძლევს იმას, რაც ყველაზე მეტად სჭირდება:

სიმარტივეს.

ადამიანებს არ უნდათ თავიდან ყველაფრის გამოგონება.

არ უნდათ საათობით ფიქრი.

არ უნდათ შეცდომებით სწავლა.

მათ უნდათ გზა.

მათ უნდათ ინსტრუქცია.

მათ უნდათ რაღაც, რაც უკვე დალაგებულია.

და თუ შენ შეგიძლია ქაოსი წესრიგად აქციო, ფული სწორედ იქ ჩნდება.

იმიტომ, რომ სისტემა სამი რამით არის ძვირი:

ის ზოგავს დროს.

ამცირებს შეცდომებს.

და ზრდის შედეგის მიღების შანსს.

სწორედ ამიტომ ადამიანები ყიდულობენ მეთოდებს, პროგრამებს, შაბლონებს, კურსებს, ინსტრუქციებს, ფრენჩაიზებს და მზა მოდელებს.

ისინი მხოლოდ ინფორმაციას არ ყიდულობენ.

ისინი ყიდულობენ გზას, რომელიც უკვე ვიდაცამ გაიარა.

აქ არის მთავარი განსხვავება.

ცოდნა გეუბნება:

„აი, რა უნდა იცოდეს.“

სისტემა გეუბნება:

„აი, რა უნდა გააკეთო, პირველი ნაბიჯიდან ბოლო ნაბიჯამდე.“

და ადამიანების უმეტესობას სწორედ ეს სჭირდება.

არა მეტი ინფორმაცია.

არამედ დალაგებული გზა.

დღეს ინფორმაცია ზედმეტად ბევრია.

შეგიძლია ყველაფერზე ვიდეო ნახო.

ყველაფერზე სტატია წაიკითხო.

ყველაფერზე კურსი იპოვო.

მაგრამ ინფორმაციის სიჭარბე ხშირად ადამიანს უფრო აბნევს, ვიდრე ეხმარება.

ამიტომ მომავალში უფრო ძვირი იქნება არა ის ადამიანი, ვინც უბრალოდ ბევრი რამ იცის, არამედ ის, ვინც სხვას ქაოსში გზას უჩვენებს.

- თუ შეგიძლია რთული რამ მარტივად აუხსნა...
- თუ შეგიძლია გამოცდილება ნაბიჯებად დაშალო...
- თუ შეგიძლია შეცდომები წინასწარ დაანახო...
- თუ შეგიძლია ადამიანი პირველიდან მეათე ნაბიჯამდე მიიყვანო...

შენ უკვე სისტემას ქმნი.

და სისტემა ბევრად ძვირი იყიდება, ვიდრე რჩევა.

მაგრამ აქ ერთი საფრთხეა.

ბევრი ადამიანი ფიქრობს, რომ სისტემა აუცილებლად დიდი პროგრამა, აპლიკაცია ან კომპანია უნდა იყოს.

არა.

სისტემა შეიძლება იყოს ერთი გვერდი.

- ერთი ჩეკლისტი.
- ერთი ფორმულა.
- ერთი პროცესი.
- ერთი ინსტრუქცია.

მთავარია, ადამიანს დაეხმაროს უფრო სწრაფად, მარტივად და ნაკლები შეცდომით მიიღოს შედეგი.

სწორედ აქ იწყება შემოსავლის სხვა დონე.

- როცა შენ აღარ ყიდი მხოლოდ დროს.
- აღარ ყიდი მხოლოდ ცოდნას.

შენ ყიდი დალაგებულ გზას.

და თუ ეს გზა ბევრ ადამიანს სჭირდება, შენი შემოსავალი აღარ იქნება მხოლოდ იმაზე დამოკიდებული, რამდენ საათს იმუშავებ.

იმიტომ, რომ სისტემა შეიძლება ერთხელ შექმნა და ბევრჯერ გაყიდო.

აქედან იწყება მეოთხე გზა.

მეოთხე გზა - შექმენი აქტივი

ეს არის მომენტი, როცა შენ აღარ მუშაობ ფულისთვის.

შენი შექმნილი რამ იწყებს მუშაობას შენთვის.

- წიგნი.
- ონლაინ კურსი.
- YouTube არხი.
- აპლიკაცია.
- პროგრამა.
- ვებ-გვერდი.
- პატენტი.
- ინვესტიცია.

აქტივი ერთხელ იქმნება, შემოსავალს კი წლების განმავლობაში გაძლევს.

მაგრამ აქ ბევრი ადამიანი ცდება.

ფიქრობენ, რომ აქტივი მხოლოდ ბინაა, მიწაა, აქციაა ან დიდი ბიზნესი.

არა.

აქტივი არის ყველაფერი, რაც ერთხელ შექმენი და შემდეგ ისევ და ისევ შეუძლია ღირებულების შექმნა.

წიგნი აქტივია, თუ ის წლების განმავლობაში იყიდება.

კურსი აქტივია, თუ ადამიანს შენს გარეშე ასწავლის.

YouTube არხი აქტივია, თუ ვიდეოები მაშინაც მუშაობენ, როცა შენ გძინავს.

აპლიკაცია აქტივია, თუ მომხმარებელი ყოველთვიურად იხდის.

ვებ-გვერდი აქტივია, თუ კლიენტებს იზიდავს.

ინვესტიცია აქტივია, თუ ფული ახალ ფულს ქმნის.

აქ იწყება ყველაზე მნიშვნელოვანი განსხვავება:

- დროის გაყიდვისას, თუ გაჩერდი — შემოსავალიც გაჩერდა.
- ცოდნის გაყიდვისას, თუ აღარ ასწავლი — შემოსავალიც მცირდება.
- სისტემის გაყიდვისას, უკვე უფრო თავისუფალი ხდები.

მაგრამ აქტივის შექმნისას პირველად ჩნდება შესაძლებლობა, რომ შენი შრომა შენს შემდეგაც აგრძელებდეს მუშაობას.

ეს არ ნიშნავს, რომ აქტივი მარტივად იქმნება.

პირიქით.

აქტივი ხშირად ყველაზე რთული გზაა.

იმიტომ, რომ თავიდან შეიძლება ბევრი იმუშაო და ცოტა მიიღო.

- შეიძლება ვიდეოები ჩაწერო და არავინ უყუროს.
- წიგნი დაწერო და პირველ კვირაში არ გაიყიდოს.
- კურსი შექმნა და მხოლოდ რამდენიმე ადამიანმა იყიდოს.
- ვებ-გვერდი ააწყო და თავიდან კლიენტი არ მოვიდეს.

მაგრამ აქ სხვაობა ის არის, რომ ყოველი შექმნილი რამ რჩება.

შენი სამსახურის ერთი დღე გუშინ დასრულდა.

მაგრამ შენი დაწერილი ერთი თავი შეიძლება ხვალაც გაიყიდოს.

შენი ჩატარებული ერთი კონსულტაცია დასრულდა.

მაგრამ შენი ჩაწერილი ერთი ვიდეო შეიძლება წლების შემდეგაც ნახოს ადამიანი.

შენი ერთი სამუშაო საათი გაქრა.

მაგრამ შენი შექმნილი აქტივი შეიძლება ისევ და ისევ დაბრუნდეს შემოსავლის სახით.

სწორედ ამიტომ აქტივი არის დაგროვებული შრომა.

შრომა, რომელიც არ ქრება.

შრომა, რომელიც ფორმას იღებს.

შრომა, რომელიც ერთ დღეს შენს ნაცვლად იწყებს საუბარს, გაყიდვას და შემოსავლის შექმნას.

მაგრამ აქაც არის ერთი მნიშვნელოვანი კითხვა.

რას ქმნი დღეს ისეთს, რაც ხვალ შენს გარეშე იმუშავებს?

თუ პასუხი არაფერია...

მაშინ მთელი შენი შრომა მხოლოდ დღევანდელ დღეს ემსახურება.

ეს ცუდი არ არის.

მაგრამ თუ ფინანსურ თავისუფლებაზე ფიქრობ, ერთ დღეს აუცილებლად უნდა დაიწყო ისეთი რამის შექმნა, რაც შენს შემდეგაც დარჩება.

შეიძლება ეს პატარა რამ იყოს.

- ერთი ელექტრონული წიგნი.
- ერთი ვიდეოკურსი.
- ერთი ინსტრუქცია.
- ერთი პატარა პროგრამა.
- ერთი გვერდი, რომელიც კლიენტებს აგროვებს.
- ერთი ბრენდი, რომელსაც ადამიანები ენდობიან.

დიდი აქტივები ხშირად პატარა აქტივებიდან იწყება.

არავინ იწყებს იმით, რომ იმპერია აქვს.

ყველაფერი იწყება ერთი შექმნილი რამით.

- ერთი გვერდით.

- ერთი ვიდეოთი.
- ერთი პროდუქტით.
- ერთი იდეით.
- ერთი გადაწყვეტილებით.

და ბოლოს, აქტივი მხოლოდ შემოსავალი არ არის.

აქტივი თავისუფლების ფორმაა.

იმიტომ, რომ როცა შემოსავალი მხოლოდ შენს ყოველდღიურ ყოფნაზე აღარ არის დამოკიდებული, პირველად ჩნდება სივრცე:

- იფიქრო.
- აირჩიო.
- დაისვენო.
- შექმნა.
- გააფართოვო.

სწორედ ამიტომ, ფულის შოვნის ყველაზე მაღალი დონე ის არ არის, როცა ბევრს მუშაობ.

ყველაზე მაღალი დონეა, როცა ქმნი ისეთ რამეს, რაც შენს შრომას ამრავლებს.

და თუ დროის გაყიდვა გადარჩენის დასაწყისია...






ცოდნის გაყიდვა ზრდის დასაწყისია...

სისტემის გაყიდვა თავისუფლებისკენ გადადგმული ნაბიჯია...

აქტივის შექმნა უკვე იმ სამყაროს კარია, სადაც ფული მხოლოდ ხელფასი აღარ არის.

ფული ხდება შედეგი იმ ღირებულებებისა, რომელიც შენ ერთხელ შექმენი...

და სამყაროში დატოვე.



ახლა ყველაზე უხერხული კითხვა.

დღეს რომ მუშაობას თავი დაანებო... რამდენ ხანში შეწყდება შენი შემოსავალი?

- ერთ თვეში?
- ორ კვირაში?
- მეორე დღეს?

თუ პასუხი ასეთია... მაშინ შენ ჯერ კიდევ მხოლოდ დროს ყიდი. ეს ცუდი არ არის, მაგრამ ეს მხოლოდ დასაწყისია.

გზა, სადაც აღარ ყიდი მხოლოდ საათებს.

ქმნი ღირებულებას.

აგვარებ პრობლემებს.

და ადამიანები სწორედ ამისთვის გიხდიან.

წიგნის დასაწყისში ერთი კითხვა დაგისვია:

რა გვაერთიანებს?

ახლა კი მგონია, პასუხიც ვიპოვეთ.

ჩვენ ყველას გვინდა უკეთესი ცხოვრება.

მაგრამ უკეთესი ცხოვრება უფრო მეტი ფულით არ იწყება.

ის იწყება იმ დღიდან, როცა გადაწყვეტ, რომ ყოველდღე უფრო ღირებული ადამიანი გახდე.

იმიტომ, რომ ბაზარი ყოველთვის პოულობს ადამიანს, რომელსაც შეუძლია სხვისი პრობლემის გადაჭრა.

შეიძლება არა იმ დღეს.

შეიძლება არა იმ თვეს.

მაგრამ აუცილებლად პოულობს.

იმ დღიდან, როცა საკუთარი თავის ღირებულების გაზრდას დაიწყებ...

ფულის დევნა აღარ მოგიწევს.

ერთ დღეს აღმოაჩენ, რომ ფული თავად იწყებს შენს ძებნას.

და როცა ეს მოხდება...

მიხვდები, რომ მთელი ამ დროის განმავლობაში ფულს კი არ ეძებდი...
საკუთარ თავს ეძებდი.

იქნებ მთელი ცხოვრება ტყუილს გვასწავლიდნენ?

ფრთხილად!

ის, რასაც ახლა წაიკითხავ, შეიძლება არ მოგეწონოს.

იმიტომ, რომ ადამიანებს ყველაზე მეტად საკუთარი შეხედულებების დაკარგვის
ეშინიათ.

გვეუბნებოდნენ: ისწავლე კარგად.

მე არ გვეუბნები, რომ ეს არასწორია.

მე გეკითხები...

კარგად სწავლა საკმარისია?

თუ პასუხი "კია"...

მაშინ რატომ არიან კლასის საუკეთესო მოსწავლეები ხშირად ჩვეულებრივ ხელფასზე?

და რატომ ქმნიან ზოგჯერ ყველაზე დიდ კომპანიებს ადამიანები, რომლებიც
საუკეთესო სტუდენტები არასოდეს ყოფილან?

იქნებ პრობლემა სწავლაში არ არის.

იქნებ პრობლემა იმაშია, რას გვასწავლიან.

გვეუბნებოდნენ: ბევრი იმუშავე.

კარგი.

მოდით, ერთი წუთით მართლა დავფიქრდეთ.

ყველაზე ბევრს ვინ მუშაობს?

- ✓ მეშახტე?
- ✓ მშენებელი?
- ✓ ფერმერი?
- ✓ მძღოლი?
- ✓ ექთანი?

შრომა, რომ პირდაპირ უდრიდეს სიმდიდრეს, მაშინ სწორედ ისინი უნდა იყვნენ ყველაზე მდიდრები.

მაგრამ, არ არიან და რატომ?

გვეუბნებოდნენ:

ფული ბოროტებაა.

მართლა?

თუ ფული ბოროტებაა, რატომ ცდილობს თითქმის ყველა მის შოვნას?

- ✓ რატომ მუშაობენ ადამიანები ორმოცი წელი?
- ✓ რატომ მიდიან ემიგრაციაში?
- ✓ რატომ ტოვებენ ოჯახებს?

ფულის გამო? არა.

იმ ცხოვრების გამო, რომლის ყიდვაც ფულს შეუძლია.

გვეუბნებოდნენ:

მთავარია სტაბილური სამსახური.

აქ ერთი კითხვა მაქვს.

თუ შენი სამსახური ხვალ გაქრება, სად გაქრება შენი სტაბილურობა?

იქნებ სტაბილურობა სამსახურში კი არა, არამედ შენს უნარებშია?

გვეუბნებოდნენ:

რისკი ცუდია.

მაგრამ, რა არის უფრო დიდი რისკი?

- ✓ ბიზნესის დაწყება?
- ✓ თუ ორმოცი წელი ერთი შემოსავლის იმედად ცხოვრება?

გვეუბნებოდნენ:

ჯერ ფული იშოვე და მერე იცხოვრეო.

ამიტომ ადამიანები ცხოვრებას პენსიაზე გადადებენ ხოლმე.

მოგზაურობას - შემდეგ წელზე.

ოცნებებს - უკეთეს დროზე.

ბედნიერებას - როცა ყველაფერი დალაგდება.

და ბოლოს ხვდებიან, რომ ცხოვრება არც არასოდეს დალაგებულა.

ახლა ყველაზე საშიშ კითხვას დაგისვამ.

რა მოხდება, თუ მთელი ცხოვრება წარმატების წესებს გასწავლიდნენ ადამიანები, რომლებსაც თავად არასოდეს შეუქმნიათ სიმდიდრე?

სკოლაში მასწავლებელი გასწავლის, როგორ ისწავლო.

უნივერსიტეტში ლექტორი გასწავლის, როგორ მიიღო პროფესია.

მაგრამ, ვინ გასწავლის, როგორ შექმნა სიმდიდრე?

ვინ გასწავლის:

- როგორ შექმნა აქტივი?
- როგორ გაყიდა საკუთარი ცოდნა?
- როგორ გადააქციო უნარი შემოსავლად?
- როგორ აიძულო ფულს, შენთვის იმუშაოს?

თუ არავინ, მაშინ როგორ ელოდები შედეგს?

აი, სწორედ აქ ხდება ყველაზე დიდი გარდატეხა. ადამიანები ფიქრობენ, რომ მდიდრები მეტს მუშაობენ.

მე კი ვფიქრობ...

მდიდრები მეტს არ მუშაობენ. ისინი მეტ ღირებულებას ქმნიან და ეს ორი სრულიად განსხვავებული რამ არის. შეგიძლია დღეში თექვსმეტი საათი იმუშაო და მაინც ღარიბი დარჩე. შეგიძლია ოთხი საათი იმუშაო და შექმნა ისეთი ღირებულება, რომლის გარეშეც ათასობით ადამიანი ვერ იმუშავებს.

ბაზარი საათებს არ ყიდულობს.

ბაზარი შედეგს ყიდულობს.

რატომ მდიდრებიან სხვები?

ამ კითხვაზე პასუხს ადამიანები ხშირად არასწორ ადგილას ეძებენ. ფიქრობენ, რომ ვიღაცას უბრალოდ გაუმართლა, რომ ვიღაც მდიდარ ოჯახში დაიბადა, ვიღაცას კარგი ნაცნობები ჰყავდა. შეიძლება ზოგ შემთხვევაში ეს მართალიც იყოს.

მაგრამ...

თუ სიმდიდრე მხოლოდ იღბალზე იყოს დამოკიდებული, მაშინ ლატარიის გამარჯვებულები მთელი ცხოვრება მდიდრები დარჩებოდნენ.

რეალობა კი სხვას გვიჩვენებს.

უამრავი ადამიანი, რომელმაც მილიონები მოიგო, რამდენიმე წელიწადში ისევ იმავე მდგომარეობაში აღმოჩნდა, საიდანაც დაიწყო.

რატომ?

იმიტომ, რომ ფული ადამიანს არ ცვლის. ფული მხოლოდ აჩქარებს იმას, რაც უკვე არის. თუ ფულის მართვა არ იცი, დიდი ფული უფრო სწრაფად დაგტოვებს. თუ ღირებულების შექმნა არ იცი, ერთჯერადი წარმატება სისტემურ შემოსავალს ვერ შექმნის. სწორედ ამიტომ კითხვა არასოდეს უნდა იყოს:

„რამდენი ფული მაქვს?“

კითხვა უნდა იყოს:

„რამდენად შემოიძლია მისი შექმნა თავიდან?“

წარმოიდგინე, რომ დღეს ყველაფერს კარგავ.

- ✓ ბანკის ანგარიშს.
- ✓ მანქანას.
- ✓ ბინას.
- ✓ ბიზნესს.

ხვალ დილით ნულიდან იწყებ. რა დაგრჩება? თუ პასუხია:

- ✓ უნარები.
- ✓ გამოცდილება.
- ✓ რეპუტაცია.
- ✓ კომუნიკაცია.

მაშინ, დიდი ალბათობით, ფულსაც ისევ შექმნი, მაგრამ თუ ყველაფერი მხოლოდ იმაზე იყო დამოკიდებული, რაც გქონდა და არა იმაზე, ვინც გახდი, მაშინ პრობლემაც სწორედ აქ იწყება. აი, ამიტომ მდიდრები ხშირად მეორედაც მდიდრებიან და ამიტომ ღარიბები ხშირად მეორედაც ღარიბებიან. საქმე ფულში არ არის. საქმე იმ ადამიანშია, რომელსაც შეუძლია ფულის შექმნა და სწორედ აქ სვამენ ადამიანების უმეტესობა არასწორ კითხვას.

ისინი ეკითხებიან:

„რა უნდა გავაკეთო, რომ მეტი ფული ვიშოვო? “

მაშინ როცა რეალური კითხვა ასეთია:

„როგორ უნდა გავხდე ისეთი ადამიანი, რომელსაც მეტი ღირებულების შექმნა შეუძლია? “

ამ ორ კითხვას შორის შესაძლოა, მთელი შენი ფინანსური მომავალი იმალება.

მდიდრები სხვანაირად არ მუშაობენ...

...ისინი სხვანაირად ფიქრობენ. ეს წინადადება პირველად რომ გავიგე, არ დავეთანხმე. ვიფიქრე, მორიგი ლამაზი ფრაზა იყო. მერე ჩემს ცხოვრებას გადავხედე. შემდეგ იმ ადამიანებს დავაკვირდი, რომლებმაც მილიონები შექმნეს და უცნაური რამ აღმოვაჩინე.

- მათი დღეებიც 24 საათისგან შედგებოდა.
- ისინიც იღლებოდნენ.
- ისინიც უშვებდნენ შეცდომებს.
- ისინიც მარცხდებოდნენ.

მაშინ სად იყო განსხვავება? ერთ დღეს საკუთარ თავს ერთი კითხვა დავუსვი.

თუ ორ ადამიანს ერთნაირი დრო აქვს, მაშინ რატომ ცხოვრობენ სრულიად განსხვავებული ცხოვრებით? პასუხი საათებში არ აღმოჩნდა. პასუხი აღმოჩნდა იმაში... რას ხედავს ადამიანი იქ, სადაც სხვები ვერაფერს ხედავენ.

წარმოიდგინე, ქუჩაში ორი ადამიანი მიდის. ორივე ერთსა და იმავე შენობას უყურებს. ერთი ფიქრობს:

„რა ლამაზი შენობაა.“

მეორე ფიქრობს:

„აქ რა ბიზნესი იმუშავებდა?"

ორივე ერთსა და იმავეს უყურებს, მაგრამ მათი ტვინი სხვადასხვა კითხვას სვამს.

ორი ადამიანი უყურებს სოციალურ ქსელს.

ერთი საათობით ვიდეოებს უყურებს.

მეორე ფიქრობს:

"რა კონტენტს შევქმნი, რომ ადამიანისთვის ღირებული იყოს?"

ორი ადამიანი კითხულობს წიგნს.

ერთი ამბობს:

„საინტერესო იყო."

მეორე კითხულობს ფანქრით ხელში.

- ინიშნავს.
- ფიქრობს.
- ეკითხება საკუთარ თავს:

„ეს როგორ გამოვიყენო?"

ორი ადამიანი ერთსა და იმავე პრობლემას აწყდება.

ერთი ამბობს:

„რატომ დამემართა?"

მეორე ამბობს:

„რას მასწავლის ეს?"

აი, სწორედ აქ იწყება განსხვავება. მდიდარი ადამიანი სხვა პლანეტიდან არ არის. მას უბრალოდ სხვა კითხვები აქვს და იცი, რატომ არის კითხვა მნიშვნელოვანი? იმიტომ, რომ ტვინი პასუხებს ეძებს იმ კითხვებზე, რომლებსაც უსვამ. თუ ყოველდღე საკუთარ თავს ეკითხები:

„რატომ არ მაქვს ფული?"

ტვინი გიპოვებს ას მიზეზს.

- ქვეყანა.
- ხელფასი.
- უფროსი.

- ბაზარი.
- ილბალი.

მაგრამ თუ საკუთარ თავს ჰკითხავ:

„ისეთი რა ღირებულების შექმნა შემიძლია, რისთვისაც ადამიანები სიამოვნებით გადაიხდიან?“ ტვინი უკვე სხვა მიმართულებით იწყებს მუშაობას. შენი ცხოვრება იმ წუთიდან არ იცვლება, როცა მეტი ფული გაქვს. შენი ცხოვრება იმ წუთიდან იცვლება, როცა უკეთესი კითხვების დასმას იწყებ.

ადამიანების უმეტესობა პასუხებს ეძებს. წარმატებული ადამიანები კი ჯერ კითხვებს ცვლიან და როდესაც კითხვები იცვლება, იცვლება ფიქრიც: ფიქრი ცვლის გადაწყვეტილებებს - გადაწყვეტილებები - მოქმედებას - მოქმედება - შედეგს და ბოლოს ადამიანები ამბობენ:

„გაუმართლა.“

არა! მან უბრალოდ სხვანაირი კითხვა დასვა.

აქ მინდა ერთი იდეა დაგიტოვო. შეიძლება ყველაზე დიდი განსხვავება ღარიბსა და მდიდარს შორის ფულში საერთოდ არ არის. შეიძლება განსხვავება იმაშია, რომ ერთი მთელი ცხოვრება პასუხებს აგროვებს, ხოლო მეორე კი ისეთ კითხვებს სვამს, რომლებზეც სხვებს პასუხიც კი არასოდეს უფიქრიათ.


ახლა, სანამ კითხვას გააგრძელებ, მინდა ერთი წუთით გაჩერდე. დღეს საკუთარ თავს ყველაზე ხშირად რომელ კითხვას უსვამ?

- რატომ არ გამომდის?
- რატომ არ მაქვს?
- რატომ არ გამიმართლა?

თუ ასეა შესაძლოა, სწორედ ამ კითხვებმა შექმნა შენი დღევანდელი ცხოვრება, რადგან ადამიანი იშვიათად ცხოვრობს იმ პასუხებით, რომლებიც იცის, ის ცხოვრობს იმ კითხვებით, რომლებსაც ყოველდღე საკუთარ თავს უსვამს.

როგორ სვამენ კითხვებს ადამიანები, რომლებიც წინ მიდიან

ერთხელ საკუთარ თავს დავაკვირდი. მივხვდი, რომ მთელი ცხოვრება პასუხებს ვეძებდი, მაგრამ პრობლემა პასუხებში არ იყო, პრობლემა კითხვებში იყო, იმიტომ, რომ არასწორი კითხვა ყოველთვის არასწორ პასუხამდე მიგიყვანს.



წარმოიდგინე, GPS-ში არასწორ მისამართს წერ. რამდენად კარგი მანქანაც არ უნდა გყავდეს, სწორ ადგილას მაინც ვერ მიხვალ. ტვინიც ზუსტად ასე მუშაობს. მას არ აინტერესებს, კითხვა სწორია თუ არა, ის უბრალოდ პასუხს ეძებს.

თუ საკუთარ თავს ყოველდღე ეკითხები: „რატომ არ მაქვს ფული?“ ტვინი დაიწყებს მტკიცებულებების მოძებნას.

- იმიტომ, რომ ქვეყანა...
- იმიტომ, რომ ეკონომიკა...
- იმიტომ, რომ უფროსი...
- იმიტომ, რომ არ გაგიმართლა...

და იცი რა არის ყველაზე საშიში? ის აუცილებლად დაგარწმუნებს, რომ მართალი ხარ, მაგრამ შენი შემოსავალი არ შეიცვლება.

ახლა იგივე ადამიანი სხვა კითხვას სვამს.

არა:

„რატომ არ მაქვს ფული?“

არამედ:

„ისეთი რა პრობლემის გადაჭრა შემოიძლია, რაშიც ადამიანები გადაიხდიან?“ გრძნობ განსხვავებას? პირველი კითხვა მსხვერპლს ეკუთვნის, მეორე - შემქმნელს.

არა:

„რატომ არავინ მაფასებს?“

არამედ:

„რა ღირებულება ჯერ არ შემიქმნია, რომ მეტად დამაფასონ?“

არა:

„რატომ ვერ ვშოულობ მეტს?“

არამედ:

„რომელი უნარი გამიზრდიდა ჩემს შემოსავალს ორჯერ?“

არა:

„რატომ არ მაქვს დრო?“

არამედ:

„რას ვაკეთებ ყოველდღე ისეთს, რაც დროს მპარავს?“

არა:

„როგორ გავმდიდრდე?“

არამედ:

„რომელი პრობლემის გადაჭრა გამამდიდრებს?“

ხედავ? პასუხები არ შეცვლილა, კითხვები შეიცვალა და კითხვებთან ერთად ადამიანიც იცვლება.

მინდა ერთი ექსპერიმენტი ჩაატარო, ერთი კვირის განმავლობაში ყველა ნეგატიური კითხვა დაიჭირე. ყოველ ჯერზე, როცა საკუთარ თავს ეტყვი:

- რატომ?
- რატომ მე?
- რატომ არ გამომდის?

შეაჩერე და იმავე წამს სხვა კითხვა დაუსვი.

არა:

„რატომ მოხდა?“

არამედ:

„ახლა რა შემოიძლია გავაკეთო?“

არა:

„ვინ არის დამნაშავე?“

არამედ:

„რა არის ჩემი პასუხისმგებლობა?“

არა:

„რატომ დამემართა?“

არამედ:

„რას მასწავლის ეს?“

შეიძლება სასაცილოდ მოგეჩვენოს, მაგრამ საკუთარ თავთან საუბრის შეცვლა ხშირად უფრო სწრაფად ცვლის ცხოვრებას, ვიდრე ახალი სამსახური, ახალი ბიზნესი ან მეტი ფული.

ახლა მინდა, ყველაზე ძვირფასი კითხვა დაგიტოვო. კითხვა, რომელმაც ჩემი ცხოვრება შეცვალა. თუ ჩემი დღევანდელი შედეგები ჩემი გუშინდელი კითხვების პასუხებია, მაშინ რა კითხვა უნდა დავუსვა საკუთარ თავს დღეს, რომ ხვალ სხვა ცხოვრება მქონდეს?

გარწმუნებ, თუ ამ კითხვაზე გულწრფელად იფიქრებ შესაძლოა, ამ წიგნის ყველაზე ღირებული თავი სწორედ ეს აღმოჩნდეს.

რატომ ვერ ამჩნევს ადამიანი შესაძლებლობას?

წარმოიდგინე, ერთი და იგივე ქუჩაზე ორი ადამიანი მიდის.

ერთი ხედავს დაკეტილ მაღაზიას და ამბობს: "კიდევ ერთი ბიზნესი გაკოტრდა." მეორე იმავე ადგილას ჩერდება და ამბობს: "აქ თავისუფალი ფართია. საინტერესოა, რა ბიზნესს გააკეთებდა აქ?"

- ✓ ქუჩა იგივეა.
- ✓ შენობა იგივეა.
- ✓ ინფორმაციაც იგივეა.

განსხვავება მხოლოდ იმაშია, რას ხედავს თითოეული მათგანი. ადამიანების უმეტესობას ჰგონია, რომ შესაძლებლობები ცხოვრებაში იშვიათად ჩნდება. სინამდვილეში შესაძლებლობები ყოველდღე ჩნდება. უბრალოდ ყველას არ შეუძლია მათი დანახვა.

ერთხელ საკუთარ თავს ერთი კითხვა დავუსვი. რატომ არის, რომ ერთი და იგივე ეკონომიკურ პირობებში, ერთ ქალაქში, ზოგჯერ ერთ შენობაშიც კი, ერთი ადამიანი მუდმივად წინ მიდის, მეორე კი ადგილზე დგას? პასუხი ფულში არ აღმოჩნდა.

- ✓ არც დიპლომში.
- ✓ არც იღბალში.

პასუხი აღმოჩნდა იქ, რასაც ადამიანი ამჩნევს. ჩვენ ვერ ვხედავთ სამყაროს ისეთად, როგორიც არის. ჩვენ ვხედავთ მას ისეთად, როგორადაც ვართ. თუ მთელი ცხოვრება პრობლემების ძებნას მიეჩვიე, ყველგან პრობლემებს იპოვი. თუ შესაძლებლობების ძებნას მიეჩვიე, იგივე სამყაროში შესაძლებლობებს აღმოაჩენ.

ერთი ამბობს:

"ბაზარი ცუდია."

მეორე ამბობს:

"თუ ბაზარი ცუდია, ალბათ ბევრმა კონკურენტმა შეწყვიტა მუშაობა."

ერთი ამბობს:

"ყველაფერი გაძვირდა."

მეორე ამბობს:

"ანუ ახლა ადამიანები უფრო მეტად დაიწყებენ ფასების შედარებას."

ერთი ამბობს:

"AI ჩვენს საქმეს წაგვართმევს."

მეორე ამბობს:

"მაშინ უნდა ვისწავლო AI-ზე მუშაობა."

ფაქტი ყველასთვის ერთია. ინტერპრეტაცია - განსხვავებული და სწორედ ინტერპრეტაცია ქმნის მომავალს. ყველაზე საინტერესო კი ის არის, რომ ტვინი ყოველთვის ეძებს იმას, რასაც უბრძანებ. თუ ყოველდღე საკუთარ თავს ეკითხები: "რატომ არ გამომდის?" ტვინი მიზეზებს მოგიტანს. თუ ეკითხები: "როგორ შეიძლება გამომივიდეს?" იგივე ტვინი გამოსავალს ძებნას დაიწყებს. კითხვები მხოლოდ პასუხებს არ ცვლის. კითხვები ცვლის იმასაც, რას ამჩნევს ადამიანი.

მე ხშირად ვამბობ, რომ ღარიბი ადამიანი ფულს ეძებს. მდიდარი ადამიანი კი პრობლემას. რატომ? იმიტომ, რომ ყველა დიდი ბიზნესი სხვისი პრობლემის გადაწყვეტაზეა აგებული. ვინც პრობლემას ხედავს, ხარჯს ხედავს. ვინც იმავე პრობლემაში გამოსავალს ხედავს, ღირებულებას ქმნის. ღირებულება კი ყოველთვის ანაზღაურდება. ამიტომ, თუ გინდა მეტი შესაძლებლობა დაინახო, არ დაელოდო, როდის გაგიღებს ცხოვრება კარს. დაიწყე საკუთარი კითხვების შეცვლით. ყოველ სიტუაციაში ჰკითხე საკუთარ თავს:

- რა შესაძლებლობა იმალება აქ?
- რას ვერ ამჩნევს სხვები?
- რა პრობლემის გადაწყვეტა შეიძლება ამ სიტუაციიდან?
- ეს, რომ ჩემი ცხოვრების საუკეთესო შანსი იყოს, როგორ შევხედავდი მას?

შესაძლებლობები იშვიათად მოდიან კარზე დაკაკუნებით. უფრო ხშირად, ისინი პრობლემების ფორმით მოდიან და სწორედ ამიტომ, ზოგი ადამიანი მთელი ცხოვრება პრობლემებს ხედავს, ზოგი კი იმავე პრობლემებში საკუთარ მომავალს აშენებს.

შენი შემოსავალი შენი გარემოს საშუალო მაჩვენებელია

ბავშვობაში მეგონა, რომ ადამიანი ყველაფერს თვითონ წყვეტდა. მერე ცხოვრებამ სხვა რამ მასწავლა. ჩვენ იმაზე გაცილებით მეტად ვგავართ ჩვენს გარემოს, ვიდრე გვგონია. ერთი კითხვა მაქვს.

თუ ყოველდღე ხუთ ადამიანს ესაუბრები, რომლებიც მუდმივად ამბობენ:

- „ქვეყანაში არაფერი გამოვა.“
- „ყველაფერი ნაცნობობით ხდება.“
- „ბიზნესი საქართველოში არ მუშაობს.“
- „დიდ ფულს პატიოსნად ვერ იშოვი.“

რამდენ ხანში დაიწყებ ამის დაჯერებას? ალბათ იტყვი:

„ჩემზე სხვისი აზრი არ მოქმედებს.“

მეც ასე ვფიქრობდი, სანამ არ მივხვდი, რომ გარემო მხოლოდ სიტყვებით არ მოქმედებს. ის მოქმედებს ნორმებით. ადამიანი ყოველთვის ცდილობს იმ გარემოს დაემსგავსოს, სადაც ყველაზე მეტ დროს ატარებს. თუ შენს ირგვლივ ყველა საშუალო შედეგს ნორმად მიიჩნევს, დიდი ალბათობით შენც საშუალო შედეგი ბუნებრივად მოგეჩვენება. თუ შენს გარემოში ყველა სწავლობს, კითხულობს, რისკავს, ბიზნესზე ფიქრობს და საკუთარ თავში ინვესტიციას დებს, ერთ დღეს შენც იგივეს გააკეთებ.

არა იმიტომ, რომ ვინმემ გაიძულა, არამედ იმიტომ, რომ ეს ნორმად იქცა. ერთი და იგივე ადამიანი სხვადასხვა გარემოში სრულიად განსხვავებულ შედეგს დებს. სუსტ გუნდში შეიძლება საუკეთესო იყოს. ძლიერ გუნდში კი მიხვდეს, რამდენი აქვს კიდევ სასწავლი. შეიცვალა ადამიანი? არა, შეიცვალა სტანდარტი. ყველაზე სახიფათო გარემო ის კი არ არის, სადაც ცუდი ადამიანები არიან. ყველაზე სახიფათოა გარემო, სადაც ამბიციები კვდება.

სადაც ყველა გეუბნება:

- „გეყოფა, რაც გაქვს.“

- „რისთვის გინდა მეტი? “
- „ასეც კარგია. “

ასეთი სიტყვები თითქოს მზრუნველობად ჟღერს. სინამდვილეში კი ხშირად შენი ზრდის მუხრუჭია.

ახლა სოციალური ქსელებიც ჩვენი გარემოს ნაწილია. თუ ყოველდღე კითხულობ:

- ნეგატიურ ამბებს;
- ჩივილს;
- პოლიტიკურ დაპირისპირებას;
- ადამიანების დაცინვას;

ნელ-ნელა ტვინი იწყებს იმის დაჯერებას, რომ სამყარო მხოლოდ ასეთია, მაგრამ თუ ყოველდღე უსმენ ადამიანებს, რომლებიც ქმნიან, სწავლობენ, ბიზნესს აშენებენ და პასუხისმგებლობას იღებენ, შენც სხვანაირად იწყებ ფიქრს. ინფორმაციაც გარემოა, ეს იმას არ ნიშნავს, რომ ყველა მეგობარი უნდა შეიცვალოს, მაგრამ საკუთარ თავს ერთი კითხვა აუცილებლად უნდა დაუსვა: ჩემი გარემო მაიძულებს გავიზარდო, თუ მასში დარჩენა უფრო კომფორტულია? აქ დიდი განსხვავებაა, რადგან კომფორტი ყოველთვის ზრდას არ ნიშნავს. ზოგჯერ სწორედ კომფორტი გვტოვებს იმავე ადგილზე.

ხშირად მეუბნებიან:

„არავინ არ მიბიძგებს წინ. “

მე კი ვპასუხობ:

შესაძლოა პრობლემა იმაში კი არ არის, რომ არავინ გიბიძგებს. პრობლემა იმაშია, რომ ყოველდღე ისეთ ადამიანებთან ხარ, რომლებიც უკან გქაჩავენ. აქ ერთი მნიშვნელოვანი რამ უნდა გახსოვდეს. შენ ვერ აირჩევდი, რომელ ოჯახში დაიბადებოდი. ვერც იმას აირჩევდი, ვისთან ერთად გაიზრდებოდი, მაგრამ უკვე შეგიძლია აირჩიო:

- ვის მოუსმენ;
- ვისგან ისწავლი;
- ვისთან გაატარებ დროს;
- ვის აზრს მიანიჭებ მნიშვნელობას.

სწორედ ამ მომენტიდან იწყება ზრდა.

წლების განმავლობაში ვრწმუნდებოდი ერთ რამეში. გარემო შენს მომავალს არ განსაზღვრავს, მაგრამ თუ გარემოს შეგნებულად არ აირჩევ, დიდი ალბათობით ის განსაზღვრავს შენს აზროვნებას, ხოლო აზროვნება განსაზღვრავს გადაწყვეტილებებს. გადაწყვეტილებები კი საბოლოოდ განსაზღვრავს შენს შემოსავალსაც და შენს ცხოვრებასაც.

რატომ ვერ ინარჩუნებენ ადამიანები ფულს?

ერთ კითხვას დაგისვამ. რა არის უფრო რთული, პირველი 10 000 ლარის შოვნა თუ მისი შენარჩუნება? ადამიანების უმეტესობა დაუფიქრებლად უპასუხებს:

რა თქმა უნდა, შოვნა. მეც ასე ვფიქრობდი, სანამ ცხოვრებამ არ დამანახა ერთი უცნაური სიმართლე. მსოფლიოში უამრავი ადამიანია, რომლებმაც დიდი ფული იშოვეს და რამდენიმე წელიწადში ისევ იქ აღმოჩნდნენ, საიდანაც დაიწყეს. სპორტსმენები, მსახიობები, ბიზნესმენები. მათ ფულის შოვნა შეძლეს, მაგრამ ვერ შეძლეს მისი შენარჩუნება. ამ დროს მივხვდი, რომ შესაძლოა, ყველაზე რთული ფულის შოვნა კი არა, იმ ადამიანად ქცევაა, რომელსაც შეუძლია ფულის შენარჩუნება. ერთ დღეს საკუთარ თავს კიდეც ერთი კითხვა დავუსვი. რატომ ხდება, რომ ხელფასი იზრდება, მაგრამ ანგარიშზე ფული მაინც არასოდეს რჩება? პასუხი მოულოდნელი აღმოჩნდა. იმიტომ, რომ ჩვენი შემოსავალი იზრდება, მაგრამ მასთან ერთად იზრდება ჩვენი სურვილებიც. ადრე ოცნებობდი 1000-ლარიან ხელფასზე და მიიღე. მერე 2000 გახდა ცოტა. მერე 3000. მერე 5000. შემდეგ აღმოაჩინე, რომ 10 000-იც აღარ გყოფნის. შეიცვალა ცხოვრება? კი, მაგრამ შეიცვალა თუ არა კმაყოფილება? ხშირად — არა. ადამიანს ერთი საშიში თვისება აქვს, ის ძალიან სწრაფად ეჩვევა უკეთეს ცხოვრებას. ახალი მანქანა, რამდენიმე კვირაში ჩვეულებრივი ხდება. ახალი ტელეფონი, რამდენიმე დღეში ინტერესს კარგავს. უფრო დიდი სახლი, რამდენიმე თვეში პატარა გვეჩვენება. ამას ბედნიერება არ ჰქვია, ამას მიჩვევა ჰქვია და სწორედ აქ იწყება თამაში, რომელსაც ადამიანები ვერ ამჩნევენ. რაც მეტი გაქვს, მით მეტი გჭირდება. არა იმიტომ, რომ მართლა გჭირდება, არამედ იმიტომ, რომ შენი გუშინდელი ფუფუნება, დღევანდელ ნორმად გადაიქცა.

არსებობს კიდეც ერთი უხილავი მტერი. მას არც ბანკი ჰქვია, არც კრედიტი, არც ინფლაცია. მას ჰქვია სხვების თვალები. რამდენი რამ შეგვიძენია მხოლოდ იმისთვის, რომ ვიღაცას დაენახა?

- ✓ უფრო ძვირიანი საათი.
- ✓ უფრო ძვირიანი მანქანა.
- ✓ უფრო ძვირიანი ტანსაცმელი.

✓ უფრო ძვირიანი რესტორანი.

და ყველაზე უცნაური ის არის, რომ ხშირად იმ ადამიანების შთაბეჭდილების მოხდენას ვცდილობთ, რომლებსაც საერთოდ არ ვაინტერესებთ.

მივხვდი, რომ ადამიანები ხშირად ნივთებს საჭიროებისთვის კი არა, იდენტობისთვის ყიდულობენ. მანქანას აღარ ყიდულობენ- ყიდულობენ განცდას: "ახლა წარმატებული გამოვჩნდები." სახლს აღარ ყიდულობენ. ყიდულობენ: "ახლა ყველას დავანახებ, რომ შევძელი." საათს აღარ ყიდულობენ. ყიდულობენ სტატუსს და იმ მომენტში, როცა ნივთი შენს თვითშეფასების მართვას იწყებს, ფული უკვე შენ აღარ გემსახურება, შენ ემსახურები ფულს. მაგრამ არსებობს კიდევ უფრო სახიფათო რამ. ადამიანს ჰგონია:

"კიდევ ცოტას ვიშოვი და მერე დავიწყებ დაგროვებას." არა.

თუ დღეს ვერ ინახავ 100 ლარს, დიდი ალბათობით, ხვალ ვერც 1000-ს შეინახავ, რადგან პრობლემა თანხაში არ არის, პრობლემა ჩვევაშია. ერთ დროს მეც მეგონა, რომ მდიდარი ის იყო, ვინც ბევრს შოულობდა. დღეს სხვანაირად ვფიქრობ. მდიდარი ის არ არის, ვინც ყველაზე მეტს გამოიმუშავებს. მდიდარი ის არის, ვისაც შეუძლია ფული თავისთვის ამუშაოს და არა პირიქით.

ბოლოს კი ერთი კითხვა მინდა დავტოვო: თუ ხვალ შენი შემოსავალი ორჯერ გაიზრდება, დარწმუნებული ხარ, რომ შენი დანაზოგიც ორჯერ გაიზრდება? თუ პასუხი "არაა", მაშინ პრობლემა შემოსავალში არ ყოფილა, პრობლემა ფულთან ურთიერთობაში ყოფილა.

ახალი ვალუტა - ყურადღება

წარმოიდგინე, რომ ხვალ დილით მსოფლიოს ყველა ბანკი გაქრება, ნაღდი ფულიც, ბარათებიც, ანგარიშებიც. რა დარჩება? ალბათ იტყვი: არაფერი. მე კი მგონია, რომ ერთი რამ ისევ ყველაზე ძვირი იქნება და ეს არის ადამიანების ყურადღება.

დღეს ფულის შოვნა ბევრად უფრო ადვილია, ვიდრე ადამიანის ყურადღების მოპოვება. ოდესღაც ყველაზე ძვირი ოქრო იყო, მერე ნავთობი, მერე ინფორმაცია. დღეს ყველაზე ძვირი ის გახდა, რასაც ყოველდღე უფასოდ ვჩუქნით. ჩვენი ყურადღება.

ერთხელ საკუთარ თავს ერთი კითხვა დავუსვი. რატომ შეუძლია ერთ ადამიანს ერთი ვიდეოთი მილიონების გამომუშავება. მეორე კი, რომელსაც გაცილებით მეტი ცოდნა აქვს, საერთოდ ვერავინ ამჩნევს? თავიდან ვფიქრობდი, რომ მიზეზი ნიჭი იყო, მერე ალგორითმი, მერე იტბალი, მაგრამ საბოლოოდ მივხვდი, რომ საქმე არც ერთში არ იყო. საქმე ყურადღებაში იყო.

დღეს მსოფლიოში ყველაზე ძვირი კომპანიები რას ყიდიან?

- ✓ მანქანებს?
- ✓ ტელეფონებს?
- ✓ კომპიუტერებს?

არა, ისინი პირველ რიგში ყურადღებას ყიდულობენ, რადგან ვინც ყურადღებას ფლობს, ის საბოლოოდ გაყიდვებსაც ფლობს.

შეხედე შენს დღეს.

- ✓ რამდენჯერ აიღე ტელეფონი ხელში?
- ✓ რამდენი ვიდეო ნახე?
- ✓ რამდენი პოსტი წაიკითხე?
- ✓ რამდენი რეკლამა გაიარე?

შესაძლოა ფიქრობ, რომ უბრალოდ ტელეფონს იყენებ, სინამდვილეში კი ათობით კომპანია ყოველდღე იბრძვის იმისთვის, რომ შენი ცხოვრების სულ რამდენიმე წამი მოიპოვოს. რატომ? იმიტომ, რომ იციან, სადაც ყურადღებაა იქ ფულიც მიდის.

ერთ დროს მაღაზია ქალაქის ცენტრში უნდა გაგეხსნა, დღეს შეიძლება მაღაზია საერთოდ არ გქონდეს, თუ ადამიანების ყურადღება გაქვს მყიდველიც გეყოლება.

აი, რატომ მდიდრდებიან ადამიანები, რომლებიც:

- ვიდეოებს იღებენ;
- წიგნებს წერენ;
- ცოდნას აზიარებენ;
- ყოველდღე ქმნიან კონტენტს.

ბევრს ჰგონია, რომ ისინი ვიდეოებით შოულობენ ფულს. არა. ისინი ყურადღებას აგროვებენ. ფული უკვე ამ ყურადღებას მოჰყვება, მაგრამ აქ ძალიან დიდი შეცდომაა, რომელსაც უამრავი ადამიანი უშვებს, რადგან ფიქრობენ:

- ✓ „ჯერ იდეალური გავხდები და მერე გამოვჩნდები.“

სინამდვილეში კი ყველაფერი პირიქით ხდება. შენ არ ხდები ცნობილი იმიტომ, რომ იდეალური ხარ. შენ უკეთესი ხდები იმიტომ, რომ ყოველდღე ჩანხარ. ბევრს ჰგონია, რომ ყურადღების მოპოვება ნიშნავს ხმაურის შექმნას. არა! არსებობს ორი ტიპის ყურადღება.

- ✓ ერთი - რომელსაც ადამიანები ერთი დღით გახსენებენ.
- ✓ მეორე - რომელსაც ადამიანები წლების განმავლობაში ენდობიან.

პირველი სკანდალით მოდის, მეორე — ღირებულებით და ყველაზე დიდი განსხვავება სწორედ აქ არის. დღეს უკვე აღარ არის აუცილებელი მილიონები გქონდეს.

- ✓ არც ტელევიზია.
- ✓ არც დიდი კომპანია.

ერთი ტელეფონიც საკმარისია, თუ შეგიძლია ადამიანისთვის ისეთი ღირებულების შექმნა, რომ ხვალაც მოგისმინოს. აქ ყველაზე საინტერესო პარადოქსი იწყება. ადამიანები საათობით უყურებენ იმას, ვინც მათში არაფერს ცვლის, მაგრამ ხშირად ვერ პოულობენ ხუთ წუთს იმისთვის, ვინც მათ ცხოვრებას უკეთესს გახდის. ეს იმას ნიშნავს, რომ ცოდნა აღარ კმარა. უნდა იცოდე, როგორ მიიპყრო ყურადღება ისე, რომ შემდეგ ნდობად გადააქციო და აქ მივედი ერთ დასკვნამდე.

ოდესღაც ამბობდნენ:

„ფული ფულს შოულობს.“

დღეს მე სხვანაირად ვფიქრობ, ყურადღება შოულობს ფულს, მაგრამ მხოლოდ მაშინ, როცა ამ ყურადღების უკან რეალური ღირებულება დგას.

გადაწყვეტილების ფასი

ერთ კითხვას დაგისვამ. რა უფრო ძვირია? ათი წელი შრომა, თუ ერთი სწორი გადაწყვეტილება? ალბათ იტყვი: შრომა. მეც ასე ვფიქრობდი, სანამ უკან არ გავიხედე და დავფიქრდი. ჩემი ცხოვრების ყველაზე დიდი ცვლილებები შრომამ მოიტანა თუ გადაწყვეტილებებმა? პასუხმა გამოცა, რადგან ყველაზე დიდი ცვლილება ყოველთვის ერთი გადაწყვეტილებით იწყებოდა.

- ერთი დღე.

- ერთი "კი".
- ერთი "არა".
- ერთი ზარი.
- ერთი შეხვედრა.
- ერთი ადამიანი.

და ცხოვრება სრულიად სხვა მიმართულებით წავიდა, ამიტომ მოდი შენც შეხედე საკუთარ ცხოვრებას:

- ✓ სკოლა რომ სხვაგან დაგემთავრებინა...
- ✓ სხვა სამსახურში რომ მისულიყავი...
- ✓ იმ დღეს ის ადამიანი რომ არ შეგხვედროდა...
- ✓ იმ წიგნის წაკითხვა რომ არ დაგეწყო...

დღეს ისევ ის ადამიანი იქნებოდი? ალბათ არა. ადამიანებს ხშირად ჰგონიათ, რომ ცხოვრებას ყოველდღიური შრომა ცვლის და ეს ნაწილობრივ მართალია, მაგრამ მიმართულებას თითქმის ყოველთვის გადაწყვეტილება ცვლის. ერთი ადამიანი სწორ პარტნიორს ხვდება, ათი წელი წინ მიდის. მეორე არასწორს ენდობა და ათი წელი უკან იხევს. განსხვავება ყოველთვის შრომაში არ არის, ხშირად განსხვავება ერთ არჩევანშია.

- ერთი სწორი სამსახური, შეიძლება მხოლოდ ხელფასი არ იყოს. იქ შეიძლება შეხვდე ადამიანს, რომელიც შენს ცხოვრებას შეცვლის.
- ერთი სწორი წიგნი, შეიძლება მხოლოდ 300 გვერდი ჩანდეს, სინამდვილეში კი ახალი აზროვნება იყოს.
- ერთი სწორი შეხვედრა, შეიძლება მხოლოდ ერთი საათი გაგრძელდეს, მაგრამ შემდეგი ოცი წელი შეცვალოს.

ყველაზე უცნაური კი ის არის, რომ ადამიანები ხშირად ყველაზე დიდ დროს იმ გადაწყვეტილებებზე ხარჯავენ, რომლებიც ყველაზე ნაკლებ გავლენას ახდენს მათზე.

- ✓ რომელი ტელეფონი იყიდონ.
- ✓ რომელი ფერის მანქანა აირჩიონ.
- ✓ რომელ რესტორანში წავიდნენ.

მაგრამ თითქმის არ ფიქრობენ იმ გადაწყვეტილებებზე, რომლებიც მომავალს ქმნის, მაგალითად:

- ✓ ვისთან ერთად იმუშავებენ.
- ✓ ვისგან ისწავლიან.
- ✓ ვის მოუსმენენ.
- ✓ ვის ენდობიან.

ერთხელ საკუთარ თავს ერთი კითხვა დავუსვი. რომელი იყო ჩემი ცხოვრების ყველაზე მომგებიანი ინვესტიცია?

- ✓ აქცია?
- ✓ ბიზნესი?
- ✓ უძრავი ქონება?

არა, საკუთარ თავში მიღებული რამდენიმე სწორი გადაწყვეტილება. არსებობს გადაწყვეტილებები, რომლებიც იმავე დღეს არაფერს ცვლის, მაგრამ ათი წლის შემდეგ ყველაფერს ცვლის. გარედან თითქოს უმნიშვნელოა, მაგრამ სწორედ ასეთი გადაწყვეტილებები აშენებენ მომავალს. ადამიანების უმეტესობა გადაწყვეტილებას დღევანდელი კომფორტით იღებს, ხოლო წარმატებული ადამიანები კი ერთი კითხვით. ეს გადაწყვეტილება ხუთი წლის შემდეგ სად მიმიყვანს?

ხშირად მეუბნებიან: "როგორ მივიღო სწორი გადაწყვეტილება?" მე კი ვფიქრობ, უფრო სწორი კითხვა არსებობს, მაგალითად: "რომელი გადაწყვეტილების არ მიღება დამიჯდება ყველაზე ძვირი?" რადგან ცხოვრებაში ყველაზე დიდი დანაკარგი ყოველთვის ცუდი გადაწყვეტილება არ არის. ხშირად ყველაზე დიდი დანაკარგი ის გადაწყვეტილებაა, რომელიც საერთოდ არ მივიღეთ. ბევრი ადამიანი უბრალოდ კი არ დამარცხებულია, არამედ უბრალოდ ვერ გაბედა დაეწყო მოქმედება.

- ✓ არ დარეკა.
- ✓ არ დაიწყო.
- ✓ არ ისწავლა.
- ✓ არ სცადა.
- ✓ არ შეცდა

და წლების შემდეგ მიხვდა, რომ ყველაზე ძვირი შეცდომა მოქმედება კი არა, უმოქმედობა ყოფილა.

რატომ მუშაობენ ადამიანები ბევრს, მაგრამ არა სწორ საქმეზე?

ერთ კითხვას დავისვამ. თუ ადამიანს ტყეში დააყენებ და მთელი დღე ხეს აჭრევინებ, მაგრამ არასწორ ხეს, ეს არის ეს წარმატება? რა თქმა უნდა, არა. მთელი დღე მუშაობდა, დაიღალა, ენერგია დახარჯა, მაგრამ დღის ბოლოს აღმოჩნდა, რომ საერთოდ სხვა ხე უნდა მოეჭრა. ცხოვრებაშიც ზუსტად ასე ხდება. ადამიანების უმეტესობა ზარმაცი არ არის, პირიქით ძალიან ბევრს მუშაობენ. დილით ადრე დგებიან, გვიან ბრუნდებიან სახლში, იღლებიან, ნერვიულობენ, მაგრამ წლების შემდეგ სარკეში იყურებიან და საკუთარ თავს ეკითხებიან: "ამდენი წელი ვიშრომე და რატომ არ ვარ იქ, სადაც

მინდოდა?" ერთ დროს მეც მეგონა, რომ ვინც ყველაზე მეტს მუშაობდა, ყველაზე მეტ ფულსაც ის შოულობდა, მაგრამ ცხოვრებამ სხვა რამ მაჩვენა. ვნახე ადამიანები, რომლებიც დღეში თორმეტ საათს მუშაობდნენ და მაინც ძლივს გაჰქონდათ თავი. ვნახე ადამიანები, რომლებიც გაცილებით ნაკლებ დროს მუშაობდნენ, მაგრამ ბევრად მეტ შედეგს იღებდნენ. თავიდან უსამართლობა მეგონა, მაგრამ მერე მივხვდი, რომ ისინი ერთნაირ საქმეს არ აკეთებდნენ.

არსებობს ძალიან დიდი განსხვავება:

✓ იყო დაკავებული...

და

✓ იყო პროდუქტიული.

ეს ერთი და იგივე არ არის. შეგიძლია მთელი დღე ელფოსტებზე პასუხობდე, შეხვედრიდან შეხვედრაზე დარბოდე, ტელეფონი არ გაჩუმდეს, ყოველი წუთი გადატვირთული გქონდეს და მაინც დღის ბოლოს არაფერი შეცვალო. დაკავებულ ადამიანს ყოველთვის აქვს პასუხი. "ძალიან დაკავებული ვარ." პროდუქტიულ ადამიანს კი სხვა კითხვა აწუხებს. "დღეს ის გავაკეთე, რაც ჩემს მომავალს აახლოებს?" ერთხელ საკუთარი თავი დავაჩელებო: თუ მთელი დღე ვიმუშავე, მაგრამ ჩემი ცხოვრება საერთოდ არ შეიცვალა, ნამდვილად ვიმუშავე? თუ უბრალოდ დავიღალე? ამ კითხვამ ჩემი სამუშაო დღისადმი დამოკიდებულება მთლიანად შეცვალა.

ადამიანების უმეტესობა დროს ფულში ცვლის. წარმატებული ადამიანები დროს აქტივებში ცვლიან. რა განსხვავებაა?

✓ პირველი მხოლოდ დღევანდელ ხელფასზე მუშაობს.

✓ მეორე კი ისეთ რამეს ქმნის, რაც მომავალშიც იმუშავებს.

ბევრი ადამიანი ყოველდღე რვა, ათი ან თორმეტი საათი მუშაობს, მაგრამ არასოდეს უთმობს ერთ საათსაც საკუთარ განვითარებას და შემდეგ უკვირს, რატომ არ იცვლება შედეგი. არის ერთი ფრაზა, რომელიც ძალიან მიყვარს: თუ ყოველდღე მხოლოდ გადაუდებელ საქმეებს აკეთებ, შეიძლება მთელი ცხოვრება ვერასოდეს მიხვიდე მნიშვნელოვან საქმეებამდე. სწორედ აქ უშვებს ბევრი ადამიანი ყველაზე ძვირ შეცდომას. ისინი მთელ ცხოვრებას სხვისი მიზნების შესრულებაში ატარებენ. საკუთარ მიზნებს კი "როცა დრო მექნება" დღისთვის ინახავენ. სამწუხაროდ, ეს დღე ხშირად არასოდეს დგება.

შესაძლოა, შენი პრობლემა ის არ არის, რომ ცოტას მუშაობ. შესაძლოა, ძალიან ბევრს მუშაობ, მაგრამ არასწორი მიმართულებით. ტყეში მთელი დღის განმავლობაში ათი ხის მოჭრა შთამბეჭდავია, მაგრამ თუ არცერთი არ იყო ის, რაც უნდა მოგეჭრა, მთელი ეს შრომა შედეგს ვერ მოგიტანს.

იღბალი არსებობს?

ერთ კითხვას დაგისვამ, როგორ ფიქრობ მართლა არსებობს იღბალი, თუ უბრალოდ ასე ვარქმევთ იმას, რასაც ვერ ვხსნით? წლებია ერთსა და იმავე ფრაზას ვისმენ. "მას უბრალოდ გაუმართლა." ყოველთვის მაინტერესებდა, რას ნიშნავს გაუმართლა და ნამდვილად გაუმართლა თუ არა? თუ უბრალოდ ეს ყველაზე მარტივი პასუხია?

შეხედე ადამიანს, რომელმაც წარმატებული ბიზნესი შექმნა. მასზე ხშირად ამბობენ: "რა იღბლიანი აღმოჩნდა." მაგრამ იშვიათად ეკითხებიან:

- ✓ რამდენჯერ სცადა მანამდე?
- ✓ რამდენჯერ ჩავარდა?
- ✓ რამდენი წიგნი წაიკითხა?
- ✓ რამდენ ღამეს არ ეძინა?
- ✓ რამდენ უარს მოუსმინა?

ჩვენ სხვის წარმატებას რამდენიმე წუთში ვხედავთ, მაგრამ არ ვხედავთ იმ ათ წელს, რომელიც ამ წუთამდე მივიდა. ერთხელ დავფიქრდი, თუ რატომ "უმართლებს" ერთსა და იმავე ადამიანებს მუდმივად თუ იღბალი შემთხვევითობაა? მერე მივხვდი, რომ იქნებ იღბალი საერთოდ შემთხვევითობა არ არის, იქნებ ის მზადყოფნისა და შესაძლებლობის შეხვედრის მომენტიცაა.

წარმოიდგინე.

ორი ადამიანი ერთსა და იმავე შეხვედრაზე მიდის. ორივეს ერთსა და იმავე ადამიანს აცნობენ. ერთი ამბობს: "სასიამოვნო იყო გაცნობა." მეორე იმავე შეხვედრიდან ბიზნეს პარტნიორობით ბრუნდება. გაუმართლა? თუ მზად იყო?

ორი ადამიანი ერთსა და იმავე წიგნს კითხულობს. ერთისთვის უბრალოდ კიდევ ერთი წიგნია. მეორისთვის კი ახალი ცხოვრება. წიგნი ერთი იყო, უბრალოდ განსხვავებული იყო ადამიანი, რომელმაც წაიკითხა.

ორი ადამიანი ერთსა და იმავე სამსახურში იწყებს მუშაობას. ერთი ათი წლის შემდეგ ისევ იმავე პოზიციაზეა, მეორე კომპანიის დირექტორი ხდება. გაუმართლა? თუ ყოველდღე ისეთ გადაწყვეტილებებს იღებდა, რომ შესაძლებლობა მზად დახვდა?

ჩვენ ხშირად გვგონია, რომ შესაძლებლობა კარზე აკაკუნებს. სინამდვილეში კი შესაძლებლობა თითქმის ყოველთვის ჩუმად მოდის, ის არ ყვირის: "აი, შენი შანსი!" ის ჩვეულებრივ სამუშაო დღედ არის გადაცმული.

- ✓ ან ერთი ზარით მოდის.
- ✓ ან ერთი შეხვედრით.
- ✓ ან ერთი წიგნით.
- ✓ ან ერთი კითხვით.

და ადამიანების უმეტესობა მას საერთოდ ვერ ამჩნევს. ყველაზე საინტერესო კი ის არის, რომ შესაძლებლობა ყველას აკითხავს, მაგრამ ყველა მზად არ ხვდება. აი, ამიტომ ერთი ამბობს: "რა იღბლიანია." მეორე კი უბრალოდ მუშაობას აგრძელებს.

ერთხელ ერთმა ადამიანმა მითხრა: "შენ გაგიმართლა." მე ავდექი და გავედი, იმიტომ კი არა, რომ ვეთანხმებოდი, იმიტომ, რომ არ იცოდა, რამდენჯერ არ გამიმართლა, რამდენი უარი მივიღე, რამდენჯერ დავიწყე თავიდან, რამდენჯერ დავკარგე. ადამიანები ხშირად მხოლოდ საბოლოო შედეგს ხედავენ. არ ხედავენ იმ გზას, რომელმაც შედეგამდე მიიყვანა.

მე არ ვამბობ, რომ შემთხვევითობა საერთოდ არ არსებობს. რა თქმა უნდა, არსებობს. შეიძლება სწორ დროს სწორ ადგილას აღმოჩნდე, მაგრამ ეს მხოლოდ ნახევარია. თუ მზად არ ხარ, მაშინ ყველაზე დიდი შესაძლებლობაც კი ხელიდან გაგისხლტება.

რაც დრო გადიოდა ვხვდებოდი, რომ იღბალი ხშირად უნარს ჰგავს. უნარს, რომ:

- დაინახო შესაძლებლობა;
- გამოიყენო შესაძლებლობა;
- და როცა ის მოვა, მზად იყო.

არსებობს ერთი საინტერესო პარადოქსი. ადამიანი, რომელიც ყოველდღე სწავლობს, ყოველდღე მუშაობს, ყოველდღე ახალ ადამიანებს ხვდება, ყოველდღე რაღაცას ქმნის, რატომღაც უფრო ხშირად "უმართლებს." იქნებ იმიტომ, რომ რაც უფრო მეტ კარზე აკაკუნებ, მით უფრო იზრდება იმის შანსი, რომ ერთ-ერთი კარი გაიღოს.

როგორ ფიქრობენ მდიდრები?

ერთხელ ტრენინგს, რომ ვატარებდი მკითხეს. რა განსხვავებაა მდიდარსა და ღარიბს შორის? ყველა ელოდებოდა პასუხს: ფული, მაგრამ ჩემი პასუხი იყო და არის აზროვნება. იმიტომ, რომ სანამ ადამიანი ფულს იშოვის, მანამდე ის ასობით გადაწყვეტილებას იღებს და სწორედ ეს გადაწყვეტილებები ქმნის მომავალს. ადამიანების უმეტესობა ფიქრობს, რომ მდიდრები დილით ხუთ საათზე დგებიან, რომ განსაკუთრებულ რეჟიმში ცხოვრობენ, რომ რაღაც საიდუმლო აქვთ. სიმართლე გაცილებით მოსაწყენია და თან გაცილებით საინტერესო. მათ უბრალოდ სხვანაირად ესმით:

- დრო;
- რისკი;
- ფული;
- შესაძლებლობები.

რას აკეთებს საშუალო ადამიანი, როცა თავისუფალი ორი საათი აქვს? ისვენებს, უყურებს ვიდეოებს, სქროლავს სოციალურ ქსელებს.

ახლა დაფიქრდი. რას აკეთებს ადამიანი, რომელიც მომავალს აშენებს? კითხულობს, სწავლობს, ქმნის, ხვდება ადამიანებს. არა იმიტომ, რომ არ იღლება, არამედ იმიტომ, რომ დროს მხოლოდ საათებით არ ზომავს, ის შედეგებით ზომავს.

მდიდარი ადამიანი დროს ფულად არ ცვლის. ის ცდილობს შექმნას ისეთი რამ, რაც მომავალშიც იმუშავებს, რადგან კარგად იცის, რომ ფული შეიძლება დაკარგოს, მაგრამ დრო - არასოდეს.

გადაწყვეტილებებზე გავაკეთე ყველაზე საინტერესო დაკვირვება. ღარიბი ადამიანი ხშირად ეკითხება: რამდენი დამიჯდება? მდიდარი ჯერ სხვა კითხვას სვამს: რამდენს დამიბრუნებს? განსხვავება მხოლოდ ერთ სიტყვაშია, მაგრამ ეს ერთი სიტყვა ხშირად მილიონებს წყვეტს.

- ✓ როდესაც წიგნს ყიფულობს, ის ფულს კი არ კარგავს, არამედ ინვესტიციას აკეთებს.
- ✓ როდესაც თანამშრომელს ქირაობს, ხელფასს კი არ იხდის - დროს ყიფულობს.
- ✓ როდესაც პროგრამას ყიფულობს, ხარჯს კი არ ხედავს - ეფექტიანობას ყიფულობს.

ადამიანებს ჰგონიათ, რომ მდიდრებს რისკი უყვართ. ჩემი დაკვირვებით პირიქით არის. მათ ძალიან არ უყვართ რისკი. უბრალოდ ისინი სხვანაირად აფასებენ მას. ღარიბი ადამიანი ეკითხება: თუ არ გამოვიდა? მდიდარი ეკითხება: თუ საერთოდ არ ვცადე?

სწორედ ამიტომ არ ელოდებიან იდეალურ მომენტს. რადგან იციან, რომ იდეალური დრო თითქმის არასოდეს არსებობს.

ადამიანების უმეტესობა პირველ დიდ ფულს იღებს და მაშინვე იწყებს იმის ყიდვას, რაც გარედან ჩანს.

- ✓ უფრო ძვირი მანქანა.
- ✓ უფრო ძვირი საათი.
- ✓ უფრო ძვირი ტანსაცმელი.
- ✓ უფრო ძვირი ტელეფონი.

რატომ? იმიტომ, რომ სურთ, სხვებმა დაინახონ. ადამიანი, რომელიც გრძელვადიანად ფიქრობს, პირველ რიგში ყიდულობს იმას, რასაც სხვები ვერ ხედავენ.

- ✓ ცოდნას.
- ✓ უნარებს.
- ✓ ბიზნესს.
- ✓ აქტივებს.
- ✓ სისტემებს.

რატომ? იმიტომ, რომ ეს ყველაფერი მომავალში ისევ ფულს გამოიმუშავებს. ადამიანების უმეტესობა მუშაობს იმისთვის, რომ უფრო ძვირი ნივთები იყიდოს. ადამიანები, რომლებიც ფინანსურად თავისუფლები ხდებიან, ჯერ ყიდულობენ იმას, რაც შემდეგ ამ ნივთებს უყიდის. ეს ერთი წინადადებაა, მაგრამ მთელი ფინანსური აზროვნება ამაშია.

მდიდარი ადამიანი არ არის ის, ვინც არასოდეს ცდება. ისიც უშვებს შეცდომებს. ხშირად ძალიან ძვირიანსაც. განსხვავება ის არის, რომ გადაწყვეტილებას ყოველთვის ერთი კითხვით ამოწმებს: ეს არჩევანი ხუთი წლის შემდეგაც კარგი გადაწყვეტილება იქნება? თუ პასუხი "კია", მაშინ მოქმედებს. თუ პასუხია "არ ვარ დარწმუნებული", არ ჩქარობს დაწყებას.

და მინდა რომ საკუთარ თავს აუცილებლად დაუსვა ეს კითხვა:

დღეს მიღებული რომელი გადაწყვეტილება გაამდიდრებს შენს მომავალს და რომელი უბრალოდ დღევანდელ ემოციას დააკმაყოფილებს?

რადგან საბოლოოდ, ადამიანის ფინანსურ მომავალს შემოსავალი კი არ ქმნის, არამედ გადაწყვეტილებების ხარისხი.

თუ ამ ტექსტამდე მოხვედი, მაშინ დიდი მადლობა. არა იმისთვის, რომ წიგნი ბოლომდე წაიკითხე. იმისთვის, რომ საკუთარ თავთან დარჩი. წლების განმავლობაში მეც შენსავით იმავე კითხვას ვსვამდი.

რატომ მდიდრებიან სხვები?

- ✓ ვაკვირდებოდი წარმატებულ ადამიანებს.
- ✓ ვეძებდი მათ საიდუმლოს.
- ✓ ვფიქრობდი, რომ პასუხი მათში იყო.

მაგრამ რაც უფრო მეტ ადამიანს შევხვდი, რაც უფრო მეტი შეცდომა დავუშვი, რაც უფრო მეტი წიგნი წავიკითხე, მით უფრო ვრწმუნდებოდი, რომ მთელი ცხოვრება არასწორ კითხვას ვსვამდი.

ამ წიგნის სათაური, სინამდვილეში შეგნებულად დავარქვი ასეთი, კითხვის ფორმით და თან არასწორედ დასმული კითხვის, იმიტომ, რომ სწორედ ასე იწყებს ადამიანების უმეტესობა.

რატომ მდიდრებიან სხვები?

მაგრამ თუ ამ წიგნმა თავისი საქმე გააკეთა, ახლა უკვე იცი, რომ ეს კითხვა არასწორია. სწორი კითხვა ყოველთვის იყო:

რატომ არ ვმდიდრდები მე?

იმ მომენტში, როცა ამ კითხვას საკუთარ თავს დაუსვამ, აღარ დაგჭირდება დამნაშავის ძებნა. აღარ იტყვი:

- ქვეყანაა ასეთი;
- ბაზარია ასეთი;
- ადამიანები არიან ასეთები;
- იღბალი არ მაქვს.

დარჩები მხოლოდ საკუთარ თავთან და სწორედ იქ იწყება ცვლილება. შესაძლოა რამდენიმე თვეში ამ წიგნის ბევრი გვერდი აღარ გახსოვდეს, შესაძლოა ზოგი მაგალითიც დაგავიწყდეს, მაგრამ თუ ერთი იდეა მაინც დაგრჩება, მინდა, რომ ეს იყოს:

ფულს სხვები არ მოულობენ.

ფულს ადამიანები მოულობენ, რომლებმაც ერთ დღეს განსხვავებული გადაწყვეტილებების მიღება დაიწყეს.

ახლა კი ერთი ბოლო კითხვა მინდა დაგიტოვო. არ მჭირდება, ხმამაღლა მიპასუხო, თუ გინდა ვებ-გვერდზე დამიწერე კომენტარში. უბრალოდ საკუთარ თავს უპასუხე. ათი წლის შემდეგ, როდესაც უკან მოიხედავ იტყვი:

„კარგი წიგნი წავიკითხე.“

თუ იტყვი:

„იმ დღეს, როცა ეს წიგნი წავიკითხე, ჩემი აზროვნება შეიცვალა.“

განსხვავება წიგნში არ იქნება, განსხვავება იმ ერთ გადაწყვეტილებაში იქნება, რომელსაც ამ კითხვის შემდეგ მიიღებ და ბოლოს, შესაძლოა მთელი წიგნის განმავლობაში გეგონა, რომ სხვებზე ვსაუბრობდი.

არა!

ყოველი თავი შენზე იყო, ყოველი კითხვა შენთვის იყო და თუ პასუხს მართლა
ეძებდი, იმედი მაქვს, უკვე მიხვდი, სად უნდა ეძებო...

